






11
78







AUGUSTINVS DATHVS
 SENENSIS, MATTHAEO
 THOMASIO CONCIVI SVO.
 S. P. D.



VT ANT stoici (ut probe nosti)
 paruam esse, ut magnam culpam. Ego
 tecum existimaucrim ; magnam esse,
 ut paruam potius. Accepi tuas binas
 literas, erant partes meae celere respon-
 sum dare. Id diutius sum cunctatus fa-
 cere, certe non superbia, cum superbi uideri soleat non re-
 spondere, sed nec incuria, cum tu sis mihi maxime curae,
 nec obliuione, cum tu dies, noctesq; tum in memoria, tum
 in animo uerferis mihi. Sed alia fuere, quae me segniorem
 reddiderunt ad id efficiendum, quod ipse uehementer exo-
 pto. Est enim iucundum mihi ad te scribere, iucundius lege-
 re tuas literas, sed multo certe iucundissimum crebrum id,
 mutuumq; obire munus. Nam cum id sit, ueras uideor audi-
 re, ac reddere uoces. Vnum te praecipue oro, ne literas nu-
 meres meas; sed uoluntatem ipsam metiaris, quorum pri-
 mum forsan diuturnum silentium pariat, alterum uero fascē
 literarum rependat. Id tibi persuadeas uelim, summam mihi
 ex tuis epistolis uoluptatem comparari; quippe quae amo-
 ris perspicuum faciunt documentum. Proinde perge ad me
 scribere, et expecta tuorum laborum non iniucundam ui-

cem. Quod autem ad Isagogicum libellum spectat, aperiam
paucis meam sententiam. Cum primum mihi nuntiatum est,
de suppositi nominis falsa inscriptione; cum innotuit deletum
Augustini nomen, & immutatum esse titulo, principio stoma-
chari coepi, & accusare temerarium ausum eorum; qui uel
improbitate, uel inuidia indignum facinus fuissent ausi. Post
uero rem ipsam accuratius expendi cogitans, id forsitan igno-
ratione potius auctoris, quam falsi intentione fecisse. Quan-
quam nec mihi debet esse molestū, si Laurenti celebrius,
quam meum sit nomen. Nam (ut taceam doctrinam eius uiri,
quæ profecto fuit non mediocris) cum longe ante iret ætate,
longius ante ibat & nomine. Illum ego accusare debeam
non iniuria, qui primus libellum attribuit, & nomen meum
suppressit, atque audenter dicam, me non usque adeo ignobi-
lem esse, ut puduerit eū, qui librum asportarit, ferre Augusti-
ni nomen. Nolo me ipso prædicare, quod agentii uitio, au-
dientibus molestiæ esse consuevit. Sed certe libellus iste non
reponitur inter ea, quæ a me accuratius scripta sunt. Fuit
quoddam ueluti ingenii delibamentum, non mea uoluntate, sed
quorūdam amicorū opera, in lucem prolatum, qui se lectu-
ros quidē, sed minime edituros assueuerant, ac tam breui
lucubratione conflatum est, ut dictū incredibile uideri possit.
Quidam religiosi uiri primum abstulerunt libellum, delecta-
ti (ut arbitror) præceptorum nouitate, & Venetias usquā
perlatus est, ubi & de auctoris nomine fuit controuersia.
Demū re cognita, Augustinus inscriptus est, & celebratus
auctor. Mox plerasq; Italiæ urbes peragrauit; nec usquā
accepi præter quā Ferrariæ nomē immutatum, ubi is agit,
qui cum alter Augustinus sit, relinquat nemini iustæ defen-
sionis locum. Andreas Cappatus clarus ciuis plus dolet
quā

quàm ego ipse qui eum condidi. nam et suasu eius opusculum
 confectum, & nomini dedicatum est. Non uideo opus esse cō
 certatio pro re pusilla. Quod si aut in orationibus meis, aut
 in iis libris, qui a me de philosophia scripti sunt, idem fieri
 animaduertam; cuius lenitatem, & mansuetudinem expe
 riuntur, experiētur etiā amaros morsus. Cupio scire de te,
 si aut odio cuiusquā. aut inscitia factum sit, & me quàm pri
 mum certiorē facias. Hāc tamen & si ad rē comprobandam
 tu ipse satis praesidii habes, tamē ne Senensium genus con
 temnendum uideatur (si ipse oportuno iudicabis) & libel
 li proferant perspicua documenta, qui a me scriptus est, et si
 qui nebulones ueritati tenebras effundere uoluerunt, osten
 dam quàm tolerandum sit propriorum bonorum possessione
 spoliari, & quod alienum a meo ingenio, & consuetudine
 est latratores agam dignis modis. Nam uereor interdum, ne
 non uerum sit, quod dici solet, a nonnullis finitimis nostris
 Hetruscis gloriam inuideri. Itaque rogo te, ut quicquid hac
 de re tibi exploratum fuerit, quàm primum ad me scribas.
 quod erit mihi gratissimum. Tuas literas percupide deside
 ro, me autem habebis semper tuis studiis obsequentem, non
 secus, atque optimum fratrem. Commenda me tuo clarissi
 mo atque optimo patri, & tuos omnes iube saluere meis
 uerbis. Vale.

Ad Matthæum Thomassium Senensem in dem
 ptorem tituli huius Isagogici libelli Gq=
 spar Tribacus Mutinensis.



Quisquis es o Dathi titulum qui demis ab arte;

Sic tibi sint humeris brachia dempta tuis.

Sic tibi uel gladiis oculi fodiantur acutis;

Vel quocunque alio deteriore modo.

Sicq; tibi obsceno truncetur gutture lingua,
Sicq; tuum alterius Tydeos esca caput.
Sic tua corda lupi lanient sine fine rapaces;
Vel Tityi æternum quæ ictur urget avis.
Dij te Tercidem faciant; puerumq; Thyeste,
Quando uetat nimius te furor esse uirum.

Francisci Octaui Cleophili Ariminensis epigramma ad
Mattheum Thomasiu Senensem

Quantum prisca tuo debes o Roma Camillo,
Augusto quantum Virgiliana Chelis.
Hunc tantum Matthæe tibi debere libellum
Dicimus, o gentis tutor, amorq; tue.
Per te direpti patriæ redduntur honores;
Per te sublata restituantur opes.
Inscribis titulum uerasq; in margine laudes
Afferis, & forti nomina dempta manu.
Dathe resurrexti gaude, tuus ecce libello
Stat labor, asserto, qui modo nullus erat.

Benedicti Cinguli Epigramma ad Augustinum Dathum.

Vidimus eloquij decus Augustine libellum,
Nouimus ingenij flumina magna tui.
Ingens fama uiget, superat facundia famam;
Scribis enim priscos inter habenda uiros.
Qualia facundo dictabat Tullius ore;
Talia quem legi uerba libellus habet.
Passim Cecropiam sapiunt tua dicta Mineruam,
Inq; tuo regnat Atticus ore lepos.
Immortale tuum facies per secula nomen:
Et facies cineri te superesse tuo.

FINIS.

DISER-

DISERTISSIMI RHETHORIS AVGV-

stini Dathi Senensis Isagogicus Libellus pro consi-
ciendis Epistolis & orationibus ad Andream

Capacium conciuem peregregium, ac

discipulum dilectissimum se-

liciter Incipit.



REDIMVS iamdudum a plerisq;
uiris etiam disertissimis persuasi, tum
denum artem quēpiam in dicēdo non-
nullam adipisci, si ueterum sectatus ue-
stigia optima, sibi quāq; semper ad
imitandum proposuerit. Neque enim
qui diutius Marci Ciceronis lectione uersatus sit non in di-
cendo, & ornatus & copiosus esse poterit. Nam & horri-
diora crebrius consecrati ipsi quoque aridi, ieiuni, & inculti
fiant necesse est. Lectitanti igitur mihi Ciceronis uolumina,
quem eloquentiæ parentem appellauerim, pauca annotatio-
ne digna uisa sunt, quibus si utemur, uulgarium sermonem
aspernati, ad eloquentiam proxime accedemus.

Varietati commutationiq; ut studeamus. Cap. I.

Sed tamē id in primis quisq; admonēdus sit quod rhetor
ille diligentissimus, & insignis admodum orator, Fabius
Quintilianus de orationis partibus dicere consuevit. Neque
enim leges sunt oratorum quadam ueluti immutabili neces-
sitate constitutæ, nec rogationibus, ut idem dicebat, nec ple-
biscitis sancita sunt ista præcepta, sed ut in statuis, picturis,
poematibus, ceterisq; ita quoque in exornanda uiri eloquē-
tis oratione plurimum semper decoris ac uenustatis habuit
uarietas. Atque quod dici solet, tenendum cauendūq; il-

lud est ante omnia ne ars ulla dicendi, si fieri potest, esse uideatur. Hæc igitur lex prima sit cōmutationis uarietatisq; quàm eruditorum aures non difficile iudicent. Hoc igitur iacto fundamento, per pauca deinceps scribam Andrea amice suauissime; quæ, & si non semper; ut plurimum tamen his rationibus tibi seruanda erunt. Sed iam nostri instituti ita nascetur exordium.

De situ suppositi uerbi, & apppositi in oratione. Cap. 2.

Plerumque enim qui oratoriae artis floribus, ac phaleratis (ut aiunt) uerbis student, uerbum contra tritā uulgatamq; Grammaticorum consuetudinem, quod in calce absolutæ orationis locari consuevit, id illi potius coaptant in initio, quod omne tibi fiet manifestius exemplo. Scias plenam orationem constare tribus partibus quod suppositum (ut eorum ipsorum uocabulis utar) quod uerbum, quod appositum uocant. Dicunt igitur Grammatici, Scipio Aphricanus deleuit Carthaginē. Ornationis uero eloqui, homines conuerso potius utuntur ordine. Carthaginem Scipio Aphricanus deleuit. Illi M. T. C. utitur familiariter P. Lentulo hi uero. P. L. M. T. Cice. familiariter utitur. Quibus plane exemplis patere arbitror, appositum primum in oratione, suppositum medium, nouissimum uero locum uerbum tenere. Sed & si quid pro Grammaticorum more post appositum situm erit, id initio orationis poni solet. Cuius rei exempla subnectam. Scipio Aemilianus euertit Numantiam urbem opulentissimam Hispaniæ, Hispaniæ opulentissimam urbem Numantiam Scipio Aemilianus euertit. Non ignoras multa esse genera epistolarum; Genera epistolarum multa esse non ignoras. Lycurgus condidit sanctissimas leges Lacedæmonijs. Lacedæmonijs sanctissimas leges Lycurgus condidit;

condidit; multa consimili ratione. Appositum igitur plerumque principio ponitur; suppositum medio, sine uerbum; ut Arcopagum Solon Salaminus primus constituit. ubi Grammatici dicunt, Solon primus constituit Arcopagon. Ceterum diuersis ordinibus, & locis locandæ sunt partes pro auri iudicio, quod quidem solo usu comparatur.

De aduerbiorum situ. Cap. 3.

Iam uero de aduerbijs, quæ sunt ueluti adiectiua uerborum, dici potest, ubiuis loci ponenda esse, ubi demum aptius congruere uisa fuerint, modo in principio: modo in fine, modo interiecta inter utrunque; quæ in re diligenti utendum est consilio, sed prope uerbum frequentius peruenustam reddunt orationem; ut, Fabius Maximus ante alios fortiter, atque animose pugnabat, C. Lælius Scipione familiarissime utebatur. Clementissimus Cæsar humaniter ignoscebat. Nunc uero ad reliqua.

De præpositionum & integrarum plerunque orationum inter adiectiuum et substantiuum interiectione. Cap. 4.

Præpositiones perpulchre inter substantiua, atque adiectiua nomina interijciuntur, ut feraci in agro, ornatisimo in loco, maximas ad res, hanc ob causam, iustis de causis, atque alia huiusmodi complura. Nec præpositiones solum, sed alia præterea. Eiusmodi nunc exempla sunt. Maxima in re, diligentia, magna in parentes pietas, incredibilis in omnes ciues obseruantia, summa in hospites liberalitas.

De interiectione genitiuorum inter duos nominatiuos & contra. Cap. 5.

Atque etiam pulcherrimum inter duos casus, puta duos nomina

nominatiuos, aliquid cōtinue ponitur, ut, omnia reipublicæ iura constantes militum animi, magna sceleratorum hominum flagitia. Econuerso etiam constituta ac transposita oratio plurimum exornat, ut, huius claritudo uiri, huius Quirites auctoritas loci.

De adiectiuorum situ. Cap. 6.

Venuste etiam plerunque præcedit adiectiuum nomen substantiuum, ut, tua dignitas, optima uirtus, diuinum ingenium, exquisita doctrina. Magni enim refert quo loco quæquæ dictio sita sit, quod testatur Boethius in suis commentarijs, quæ in Arist. librum conscripsit, ubi & Cicronis, et Virg. ponit exempla. Boethij autem ipsius hæc uerba sunt. Etenim quantum ad compositionem orationis spectat maximum differt quo uerba, & nomina prædicationis suo ordine proferrantur. Multum enim interest in eo, quod ait Cicero Ad hanc te amentiam natura peperit, uoluntas exercuit, fortuna seruauit, ita dixisset, ut dictum est, an ita? Ad hanc te amentiam peperit natura, exercuit uoluntas, seruauit fortuna. Sic enim minores sententiæ magnitudo minusquæ; in ea lucet id, quod, si sic componatur, eminet, & sese uel nolentibus hominum auribus animisquæ; patefacit. Rursus cum dicit Virgil. Paciquæ; imponere morem, potuisset seruasse metrum, si ita dixisset, Moremquæ; imponere paci, sed esset debiliior sonus, nec eo ictu uersus, tam præctare, ut nunc, compositus diceretur, quod idem non est apud dialecticos. Hæc Boethius. Nunc ad reliqua.

De negatiuæ dictionis situ. Cap. 7.

Negatiua dictio apte in calce orationis ponitur, ut, præstantiorem te uidi neminem. Scipione clariorem in bellicis laudibus inuenies neminem. Tua erga me beniuolentia, tuo
in me

in me animo gratius est nihil. Qui te ardentius amet, habes neminem.

De possessoris ante possessionem situ. Cap. 8.

Sed & possessor ante possessionem, ut, optimi uiri diuitie, præstantis uiri uirtus, prudentissimi hominis consilium:

De usu gerundiuorum nominum pro gerundijs. Cap. 9.

Quid uero pulchrius quam si pro gerundijs, quæ sic appellat, utamur gerundijs nominibus? Ut tritum est id Prisciani exemplum, ueni causa amandi uirtutem, ueni amandæ uirtutis causa, gratia gerendi bella, gerendorum bellorum gratia, ad amplexandam uirtutem magis, quam ad amplexandum uirtutem. Quæ una præceptio optima est, crebraq; eius apud Marcum Tullium, aliosq; eloquentes uiros fuit obseruatio.

De congruentia nominis relatiui plerunque cum consequente. Cap. 10.

Nunc autem multa conficiam, quæ si diligenter aduerteris, haud parum ornatus latino conducent eloquio. Sed id mihi in primis animaduertendum uidetur, ut cum tria fuerint antecedens, consequens, & eorum medium relatiuum nomen, si sit illud consequens uel hominis, uel rei cuiuspiam proprium nomen, tum relatiuum consequenti semper congruat, alioquin non latina oratio sit, sed a doctissimorum hominum consuetudine longe aliena. Alias potest cum alterutro conuenire, si non consequatur proprium nomen. Quam rem facile exempla declarant, & priscorum auctoritates complures. M. Cicero primo tusculanarum questionum. Studio sapientiæ, quæ philosophia dicitur. Et sexto de republica. Consilia, cætusq; hominum iure sociati, quæ ciuitates

ciuitates appellantur, atque iterum. Ex illis sempiternis igni-
bus quæ uos sidera, & stellas nuncupatis. Salustii quoque
illud tritum est. Est locus in carcere quod Tullianum appel-
latur. innumerabilia in uetustis codicibus id genus inuenies.
Nec id est Grammaticæ artis uitium, quod quidam ignari
literarum arbitrantur. Sed & nos adhuc aliquid exemplo-
rum afferamus. Præclarum est Ciceronis opus, qui Cato ma-
ior dicitur, nam, quod Cato maior dicitur, non latine pro-
fertur. Consimiliter, Urbis uisceribus consulendum est, qui
sunt ciues. Perditi uiri ex urbibus pellēdi sunt, quæ est ciui-
tatum perniciēs, et sentina dedecoris. Plerumque igitur rela-
tiuum nomen cum eo concors est quod sequitur.

De congruentia in casu ex tribus eorum duorum,
quæ proxime iunguntur. Cap. II.

Illud quoque spectandum est, nam cum tria existant, quo-
rū unum relatiuum sit nomen, frequentissime eorum duo in
eiusdem casus exitum conueniunt: nam, ut exempli causa
dicam aliquid, si quis hunc sermonem protulerit; liber in quo
de uirtute agitur, præclarus est; rectius atque ornatius dixe-
rit, in quo libro de uirtute agitur, præclarus est. Concor-
dant namq; eodem casu ex tribus duo illa, quæ maiori uici-
nitate iuncta sunt. Aliud iterum exemplum huiusmodi sit;
Quas misisti literas ad me, iocundæ fuerunt. Sermonem,
quem uos audistis, non est meus. Quam existimas Demo-
sthenis orationem, Eschinis est. Atque huius sermonis cre-
brum inuenire poteris apud ueteres usum. M. Tullius offi-
ciorum primo: quorum autem officiorum præcepta tradun-
tur ea, quanquam pertineant ad finem bonorum. Virg. Ma-
ro. Acneid. Urbem quam statuo; uestra est. Terentius in An-
dria. Posthac quas faciet de integro comœdias spectandæ an
exigendæ

exigendæ sint uobis prius. Idem, populo ut placerent quas fecisset fabulas. Idem, quas credis esse has, non sunt ueræ nuptiæ, atque eiusmodi sermo plurimum exornat.

De auxesi positiuorum cum per. Cap. 12

Id quoque dignissimum est annotatu, ut cū positiua exaugere uelimus, nomina his per præpositum accedat. Cicero in epistola ad Curionem, Charus æque sis & periocundus. Idem de oratore primo, perbeati Quinte frater illi uideri solent. Terentius in Eunuchio. Perpulchra credo dona, haud nostris similia. nam pergratum ualde gratum significat, & in oratione lepide personat.

De relatiuis cum multo, & quàm. Cap. 13

At superlatiuis multo, longe, & quàm aduerbia præponimus, id quod sæpenumero perpulchrum uideri solet, ut longe amantissimus uestri, multo omnium fortunatissimus. Et ago tibi quàm maximas gratias.

De comparatiuis cum multo, aut longe. Cap. 14

Comparatiuis uero, uel multo, uel longe, præponi solet, ut iustitia multo præclarior est cæteris uirtutibus, & Socrates longe aliis philosophis sapientior.

De quibusdam nominibus, quæ a græcis profecta

declinationem mutant. Cap. 15

Illud nequaquā omisrimus, qd cū noīa quæpiā sunt profecta a Græcis tertiæ inflexionis, & obliquos casus hñtia, qui rectos superāt, latini oratores frequētissime, casibus genitiuis illorū quibuscūq; inutatis fingūt aliarū declinationū noīa, & genus seruāt, qualia sunt poematū, enthyemematū, delphinus, elephātus, & lāpada, quæ a plerisq; tertia flexione proferruntur; poema, enthyemia, delphin, elephas, lampas, hanc tu obseruationem diligenter manda memoriæ.

Vt ele=

Vt eleganter ostendamus quippiam nobis esse iucundū, utile, uel honestum, & cætera id genus. Cap. 16.

Cum autem uolumus ostendere nobis aliquid iucundum, honestum, utile esse, tum datiuus cum uerbo utimur sum es est substantiuorum, quorum illa adiectiua sunt. Nam (ne ab exemplis discedam) quid aliud significat, hæc res mihi iucunditati est, quam hæc res, est mihi iucunda? idemq; ipsum, tuæ mihi literæ fuerunt gaudio, quod est ad gaudiū, uel gaudium mihi attulerunt. Præclara urbis ædificia ciuibus decori sunt; uitia dedecori sunt uiris, idest, dedecus pariunt uiris, deq; cæteris consimili ratione.

De afficio & afficior. Cap. 17.

Verbum afficio, & pulchrum est, & late patet; nam afficio te uoluptate, idem est, quod tibi uoluptatem affero, afficio te honore. i. facio tibi honorem, & te honoro; afficio te laudibus, idest, te laudo; afficio te probro, idest uitupero te; afficio te commodis, idest, tibi commoda facio; afficio cadauera sepultura. i. cadauera sepelio; afficio inimicos iniuria. i. facio iniuriam inimicis. Atque similiter afficior dolore. i. doleo; afficior gaudio. i. gaudeo; afficior uerecundia. i. uerecundor; latissimaq; est huius uerbi usurpatio. Nec tamen lateat, afficere disponere significare. hincq; est Plinij illud, niua uox magis afficit. Neq; enim sine optimis causis tā lata, tāq; diffusa sit eius uerbi significatio. Sed de hoc satis.

De tum uel & geminato. Cap. 18.

Non est autē ignorandum, quòd si duo, aut plura duobus (quod perraro usu uenit) pariter se habuerint, utrique tum dictionem præponemus. Quod liqueat exemplo. Par est in C. Lælio Doctrina ac uirtus, quantaq; est eius uiri probitas, tanta quoque est eius scientia; tunc splendide ac recte dixerim.

dixerim. C. Lælius uir tum doctus est, tum probus; Itidemq;
 Magna inest C. Lælio, tum uirtus, tum etiam doctrina.
 C. Lælius plurimum tum laude, tum rerum scientia ualeat.
 Aliud iterum exemplum. Themistocles tum consilio pollet
 in urbanis rebus, tum in bellicis negotiis uiribus, atque ani-
 mi magnitudine floret. Sic enim ostendit tantum in rebus ur-
 banis esse consilio, quantum in bellicis magnitudine animi,
 quantum geminatum positum est. Sed eandem uim habet,
 & geminata & coniunctiua. Virgil. iii. Aeneidos. Multum
 ille & terris iactatus & alto. Id profecto significat, Aeneas
 tum pelagi, tum terrarum labores perpeffus est. Aphrica-
 nus fuit singularis & uir, & imperator, idem sibi uult; A-
 phricanus magnus extitit tum uir, tum imperator.

De cum, & tum. Cap. 19.

Quod si duo contra nequaquam paria sunt, sed alterum
 minus complectitur, alterum uero magis; ita efficiendum
 est, ut quod leuius existit locemus prius, atque ei cum dictio-
 nem præponamus; quod autem grauius ualidiusq; id poste-
 rius positum, tum dictio præcedat. Quod patefaciemus exē-
 plis. C. Lælius amat Scipionem, propterea quod eum doctū
 cognouit hominem, & semper uirum optimum, quod postre-
 mum uehementer ad amorem impellit: quare ita oratio est
 instituenda. C. Lælius amat Scipionem cum ob doctrinam
 eius, tum propter uirtutem. Ita uirtus in hac beneuolentia
 plus momenti habet quam doctrina. Atque idem si ita dixe-
 rim; Cum omnes fortunati sunt, qui bene uiuunt, tum per-
 beati qui omnia deserunt, et uirtutem solam complectuntur.
 Nos nanque posteriores multo beatiore esse constat, si quis
 superius modo allatam præceptionem intellexerit. Hoc Mar-
 cus Cicero in primis frequenter usurpat. Ex quo illud. Cum
 omni-

omnibus consulendum est, tum illis qui armis positis ad imperatoris fidem confugiunt; significat enim confugientibus ad imperatores, & sese deditibus multo magis consulendum esse. Atque in Catone maiore mirari se aiebat Scæuola M. Catonis cum cæterarum rerum perfectam sapientiã, tum quod nunquam fuerit illi senectus grauis. Sed de hac re satis.

Vt quempiam laudari aut uituperari oporteat. Cap. 20

Iam uero explicandum est qua ratione quampiam personam aut laudari aut uituperari oporteat, quod ad decorem sermonis pertineat. Nam id trifariam posse fieri comperimus ex monumentis literarum. Si enim uelim ostendere M. Catonem habere magnam uirtutem, cum uerbo sum es est, ita commodissime fiet. Marc. Cato uir est magna uirtute. M. Cato uir est magnæ uirtutis. M. Cato uir est magnus uirtute. Plato philosophus fuit præstans ingenio, uel præstantis ingenii, uel præstanti ingenio. Mulier est clara moribus, clarorum morum, claris moribus. Vir egregius laude, egregiæ laudis, egregia laude, sed illud primum magis poetarum est: postremum uero splendidissimum & perpolitum. Arist. est præstans scientiæ copia, Philosophus exquisita doctrina, uir acerrimo ingenio. Quod quidem, ut disertissimus Priscianus inquit, significat, Aristotelem habere scientiæ copiam, ac qui habet exquisitam doctrinam ceteraq; consimili ratione. Quod quidem Aulus Gellius sentire uidetur in Noctibus atticis. Est enim uelut defectio quædã, sed ea trita usurpataq; ab eloquentissimis uiris ac clarissimis oratoribus, qua & nobis quoque utendum est.

De acc. cætiuis & ablatiuis participiorum, locum cum tenentibus infinitiui uerbi. Cap. 21

Atqui participiorum cum accusatiui casus sæpe tum ablatiui

quod locum tenent infinitiui uerbi: hinc Salustianum illud, nam
 & priusquam incipias consulto, & ubi consulueris, matuere
 facto opus est. Et Terentiana Misis Glycerium alloquens a-
 micam Pamphyli, Iamiam, inquit, inuentum tibi curabo et ad-
 ductum tuum Pamphylum. Omnia nanq; illa consulto facto
 inuentum, adductum, consulere, facere, inuenire, adducere de-
 signant. Verum frequenter his rationibus ablatiuorum casi-
 bus utuntur, accusatiuorum perraro.

De hoc nomine opus cū uariis casibus. C. 22.

Et quoniam de nomine quod est opus attalimus mentionē
 intelligendum est opus est mihi hac re significatione me ege-
 re hac res, sed id uarijs casibus iungi solet. Nam etiam opus est
 mihi tua opera latine dicimus; & tuæ operæ, & tuam operā
 & tua opera; sed hoc postremum ornatiū est; & totum orato-
 rium. Cæteris rationibus poetæ potiusquā hystoriographi
 utuntur. Nos autem quædam præcipimus, ut cognoscamus a
 ueteribus usurpata, eisdemq; utamur; quædam uero ut co-
 gnoscamus solum. Nam opus est mihi hanc rem nunquam o-
 rator dicit, sed hac re.

De commutatione adiectiui & substan-
 tiui in uoce, genere, & casu. Ca. 23.

Quid illud; nonne pulcherrimum est, ut cum duo nomina
 alterum adiectiuum; & alterum substantiuum eodem casus
 exitu proferri debent; ut sæpe, creberrimeq; quodammodo
 tertiam adiectiui nominis uocem; quæ est neutra; in uin sub-
 stantiui transferamus; & substantiuum illud prius casui
 collocemus genitiuo? quod ut frequentes est eruditis at-
 que disertis uiris; ita quoq; erit exemplo manifestius. Nam
 cum multam uirtutem dicturus, sum si multum uirtutis loco
 prius orationis posuero multo protulerim uenustius. Mul-

tum pecuniæ enim significat multam pecuniam, plurimum uirium plurimas uires, quid animi est, quis animus, quid rei, quæ res, quid causæ, quæ causa. Alia quoque peruulgata. Sed animaduertendum est, quod si genitiuus ille casus singularis fuerit totam item orationem singulariter exponere debemus. Si pluralis, pluraliter. Nanque (exempli causa) multum pecuniæ, est multa pecunia singulari numero, at contra multum pecuniarum significat multas pecunias. Similiq; est aliorum ratio, ut multum roboris singularem, plurimum uirium pluralem habet significationem. Et aduerbia quoque nonnulla eandem uim retinent, præsertim uero duo hæc, parum & satis: nam parum sapientiæ, idest parua sapientia, satis uirium. i. sufficientes uires. Et nihil quoque siue nomen siue aduerbium sit, in eandem sæpe obseruantiam cadit.

Ut geminandum est epitheton sequentibus substantiuis aut contra. Cap. 24.

Quoniam autem singula hic fere inuestigamus, id quoque dignum cognitione est, ut cum duo meminerimus nomina substantiua, quorum utrique idem epitheton adijciendum est, adiectiuum ipsum principio collochemus, & sequentibus substantiuis uel tum geminatum, uel duplicatum & præponamus. Exempli uero causa afferantur Ciceronis uerba. Aphricanus singularis & uir, & imperator: quod est Aphricanus singularis uir, & singularis imperator. Propter magnam & doctoris auctoritatem, & urbis, est propter magnam auctoritatem doctoris, & propter magnam auctoritatem urbis, præclarus & miles, & ciuis illustris tum uir, tum philosophus. Optimus tum patriæ defensor, ut gubernator, iustus & rex, & iudex. consimiliaq; eodem modo se habent. Sed & sepe numero contra eodem ordine uni substanti-

substantiuo præposita duo adiectiua, aut plura deferuunt. Exemplum sunt quæ nunc constituam. Vir tum bonus tum temperatus. Imperator & callidus & fortis; iudex & integer, & solers. Ornamenta ciuitatis tum multa, tum præclariora. Alia tu ipse coniecit. Nonnunquam & duo substantiua ita se habent, ut alterum uim suam ubique seruet ac tueatur, alterum quasi quendam obtineat adiectiui nominis locum, et eius fungatur officio. Quale est illud Virgilianum primo Aeneidos. Molemque & montes insuper altos, Imposuit; ac si dicat molem montuosam imposuit. Cauendum est ne ab honestate naturaque discedamus, ac si dixerit, cauendum ne a naturali honestate discedamus. Sed tibi hæc satis sint.

De extremis supinis pro gerundiis accusatiui casus. Cap. 25.

Sed ne quasi hystoriam texens discendorum seriem nequitum, ita quæque patefecerim, ut se se mihi sorte quadam obtulerint. Ceterum non ignorandum esse uidetur (ut ipse arbitrator) extrema supina plerunque peruenisse significare gerundia accusatiui casus, ad dictione præposita, ut res difficilis creditu; idest ad credendum, miserabilis uisu, idest ad uidendum, iucunda auditu, idest ad audiendum, suavis gustu, idest ad gustandum, per multa simili, ac pari ratione se habent.

De exasperatione orationis uitanda per mutationem superlatiui cum adiectione aduerbii superlatiui admodum uel in primis. Cap. 26.

Nec idem te amice lateat, ut cum fuerit superlatiuum quodpiam, durius asperiusque & superlatiue significandum sit; ut pro superlatiuo positiuum asseramus; & ei aptum aduerbiū

uperlatiuū apponamus. Nam maxime memorabile facinus ;
est memorabilissimum facinus ; maxime rarum genus homi-
num ; est rarissimum genus hominum. Sed admodum & in pri-
mis positiuis adiuncta uim ferme eandem retinent ; ut admo-
dum memorabile facinus uel in primis rarum genus hominū.

Vt quempiam mediocriter aut uehe-
menter laudabimus. Cap. 27.

Id autē nequaquā silētio præterierim ; ut si quē qui uirtutē
habeat uel mediocriter laudare ; dicā exēpli causa. Pericles
uirtute præstās princeps erat Athenis ; uel multa præclara ges-
serat. Themistocles rebus gestis floruit. Sin uelim uehemen-
ter ac plurimum laudare ; adijciam gloriam siue laude, et cau-
sam laudationis casu genituo cōstituam. Pericles, ut per idē
exemplum agam, uirtutis gloria præstans Athenis claruit ;
Themistocles rerum gestarum laude emicuit. Sicq̃. M. Anto-
nius præstabat eloquentia ; mediocriter laudatur ac fere exili-
ter. L. Crassus eloquentiæ gloria excelluit, uehementissime
laudatur. Sed tu cætera pro tui ingenij bonitate deducito.

Quoties singularis & pluralis numerus cōne-
ctuntur, uiciniore respondendum ; idem
q̃ ; fit in diuersis generibus. Cap. 28.

Quoties, quod ipse testatur quoque grammaticus Ser-
uius, singularis & pluralis numerus connectuntur. responde-
mus uiciniore. Virgilius in primo Aeneidos. Hic illius arma,
hic currus fuit, non autem fuerunt. Terentius, in Andria.
Amantium iræ amoris redintegratio est Xenophon, deliciæ
meæ sunt hostes, eorumq̃ exercitus properabit atque in fre-
quentia obseruatur. Idem fit in diuersis generibus, nam siue
masculinum, siue fœmininum est, uiciniore respondemus ; ne
uir atque mulier optima ad me uenit ; intelligitur nanq̃ op-
tima

timum esse uirum & optimam esse mulierē quae uenerit. Verum si plurali numero uelimus uti, ad masculinum transire necesse est, ut uir & mulier leti properant. Alexander & Olympias clari extiterunt.

Operæ precium est. Cap. 29.

Operæ precium quod peruenustum est, significat modo utile esse, modo necessarium, modo iucundum, modo laudabile. Atq; his significationibus id nominis ueteres usurpabant.

Frui. Cap. 30.

Frui quapiam re est, fructum, siue utilitatem, uel uoluptatem percipere ex eo, ut cum dixerit quis, otio fruor.

Præ se ferre. Cap. 31.

Præ se ferre aliquid est uerbis, aut indicijs quibusdam id ostendere quodammodo confiteri. Vt Marcus Cato præ se fert grauitatem, Lælius præ se fert liberalitatem. Hoc uult ostendere quod ille sit grauis & iste liberalis.

Rationem habere. Cap. 32.

Rationem habere est respectum habere. Vt planius exponam, habere rationem alicuius rei, est rem considerare, ut habeo rationem temporum, loci, personarum; est ea rationem omnia complecti, & considerare.

Complector animo. Cap. 33.

Hanc rem animo, menteq; complector. i. Hanc rem considero, & uolo.

In animo est. Cap. 34.

In animo est significat in animo habeo, & animus mihi est, idest uolo.

Certum est mihi. Cap. 35.

Certum est mihi idest deliberatum & decretum, uel deliberaui, et decreui.

Prosequor. Cap. 36.

Prosequor te honore, idest te honoro, prosequor te laude. i. te laudo, prosequor te probo. i. uitupero te, ut prosequor te amore, idest te amo.

Bene mereri. Cap. 37.

Benemeritus sum de republica, idest beneficium in illā cōtuli, benemeriri de amicis, idest conferre in amicos beneficia.

Aeque, ac, atque. Cap. 38.

Aeque pro ita ac, uel atque pro & uel quasi ornatissime ponuntur, exemplum est. Aeque te laudo, ac Ciceronem.

Haud, secus, atque & Ac. Cap. 39.

Haud pro non, secus pro aliter, uenuste in eadem oratione continue se habent, ut haud secus sentio atque tu. idest sentio sicut tu.

De comparatiuo loco positiui. Cap. 40.

Nonnunquam & pulchre comparatiua pro positiuis ponuntur. Vt Alexander Macedo corpus habebat imbecillius quod imbecillium significat. Satyri in scelera uehementius inuehuntur, quod est uehementer.

Dare rem uitio uel laudi. Cap. 41.

Do tibi hanc rem uitio. i. uitupero te hac re, do laudi, idest laudo, do crimini, idest criminor.

De subiunctiuo loco indicatiui & illius pro huius temporibus. Cap. 42.

Sed nec illud quidem negligendum est quod subiunctiuus modus pro indicatiuo & illius tempora pro huius temporibus haud illepide ponuntur, ut uelim pro uolo, & gererem pro gerebam, dilexerim pro dilexi, fecissem pro feceram, fuerit gratum pro gratum erit, feceris pro facies. Id omnium tanto ornatissimum, si oportunis locis agatur, quod ubi facitandum.

audandum, & peritorum aures facile censebunt. Quamobrem
exercitatio adhibenda est, non mediocris, quæ omnium magi-
strorum præcepta superat. Quod si quis nouerit græcas lite-
ras, ei, quod modo explicauimus, non difficile persuadetur.

Partim hominum & de eius aduerbii ge-
minatione. Cap. 43.

Partim hominum uenerunt per sepe dicitur, & est Aulo
Gellio teste, idem quod pars hominum i. quidam homines, nã
partim in hoc loco aduerbium est, neque inclinatur in casu.
Et eompartim hominum dici potest, idest cum quibusdam ho-
minibus, & quasi cum quadam parte hominum. Sed hoc tum
est splendidius, cum in oratione iterum fuerit additum, ut est
illud Marci Tullij in epistolis, nam qui istuc ueniunt, partim
te superbum esse dicunt, quòd nihil respondeas, partim contu-
meliosum, quòd male respondeas. Et qui ciuitatibus præ-
sunt partim nobiles sunt, partim populares quod est aliqui
nobiles sunt aliqui populares.

Decimus quisque. Cap. 44.

Id est optimum cognitu, quòd decimus quisque est unus
ex numero denario, hinc est illud Cæsaris in commentarijs,
Cognoscit non decimum quemque esse relictum militem sine
uulnere, quo exemplo uti perpulchrum est, ut uix decimus
quisque remansit sine uulnere in tali conflictu.

Quotus quisque. Cap. 45.

Quotus quisque homo est, idest quot homines, quotus
quisque miles, idest quot milites.

Perquam cum positio. Cap. 46.

Perquam una dictio duntaxat pulcherrime positiuis ad-
iungitur nominibus, ut perquam doctus philosophus, perquam
bonus amicus.

Alias geminatum locum tenet modo ad-
uerbii. Cap. 47.

Quid illud? Nunquid lepidissime usurpamus, ut in oratione eadem uerbum alias usurpatum, locum obtineat modo aduerbii. Quale esset si quis dicat, omnes homines eodem ferme nati sunt ingenio alias quidem rident, alias uero lachrimantur. Omnes item ciues alias boni, alias mali, nunquam eisdem sunt moribus.

Ire in castra. Cap. 48.

Marcus Antonius iuit in castra multifaria dicitur. **Marcus Antonius** castra petiuit, in castra profectus est, se ad castra contulit, se in castra recepit se ad castra perduxit.

Viginti annos natus. Cap. 49.

Hic habet uiginti annos: quod ueterum consuetudine dicitur contra pedagogicam opinionem, alijsq; rationibus dicitur, hic uigesimum annum attingit, Agit aut degit uigesimum annum etatis, uiginti annos natus est. Sed hoc postremum magis oratori conuenit.

Eloquentia laborare. Cap. 50.

Cicero laborat in eloquentia. Cicero in eloquentia tempus consumit, tempus in eloquentia conterit, in eloquentia operam ponit, dat eloquentiae operam, etatem in eloquentia consumit in stultum incumbit eloquentiae. Et alia deduc pro tuo iudicio.

Habeo teneo hanc rem in memoria. Ca. 51.

Habeo hanc rem in memoria non minus usitate dicitur, quam habeo, siue teneo hanc rem in memoria, teneo hanc rem in memoria, huius rei memoriam habeo.

Voluptatis me capit obliuio. Cap. 52.

Obluiscor uoluptatis, uel cuiuscunque alterius rei, uoluptatis

ptatis me capit obliuio. Et idem uerbum cum ceteris iunctum nominibus significat diuersa consimili ordine, ut capit me satietas ciuitatis, capitq; hominum, odium, uel tedium.

Contineo me ruri, uel in urbe. Cap. 53.

Virgilius incolit ciuitatem, hoc per pulchre dicitur cum teneo, uel etiam cum contineo uerbo, ut Virgilius ruri se continet. Virgilius tenet se in urbe.

Præter & præ uenuste ostentatur aliquam rem aliam antecellere. Cap. 54.

Si quis uelit ostentare aliquam rem aliam antecellere, & ultra illam ualere, uenuste id dicitur uel per accusatiuum præposita præter uel cum præ ablatiuo præposita, ut Cæsar præter ceteros rebus bellicis, uel præ ceteris pollebat.

Lælius est facili ingenio uel facillimis moribus natus. Cap. 55.

Lælius habet faciles mores, uel facile naturam, ornatus dicitur. Lælius est leni ingenio natus, uel facillimis natus moribus. Scipio natus est tristi ingenio. Et de reliquis cōsimiliter.

Valeo & polleo cum ablatiuus. Cap. 56.

Valeo & polleo uerba splendida sunt, & latissime patet, & ablatiuo iunguntur hoc pacto. Aurelius Augustinus plurimum ingenuo ualuit. Hipocrates ingenij bonitate pollebat. Mithridates memoria claruit, uel polleuit. Mar. Cato in ciuitate plurimum autoritate pollebat,

Clareo & possum. Cap. 57.

Clareo & possum uerba eadem ferme ratione se habent, Ego apud Cæsarem multum siue possum, siue clareo, ornate, & splendide dicitur. Apud Cæsarem plurimum mea claret autoritas. Hortensius multum potest in senatu, ornatus, Multum Hortensij in senatu potest autoritas, quæ potissimum

81
tissimum significat eam opinionem, quæ est apud homines de
alicuius uiri præstantia, quæ uulgo & trita consuetudine re-
putatio nuncupatur.

Sum datiuo iunctum habere significat, & quo-
dammodo possidere. Cap. 58.

Cæterum id perbellum est. Est mihi apud te fides, id est tu
adhibes mihi fidem, quod est accuratius aduertendum. nã ple-
runque solet sum es est uerbum datiuo iunctum significare ha-
bere, & quodammodo possidere, ut est mihi pecunia, est Cæ-
sari magna potestas, siue pietas. Illud designat me pecuniam
habere hoc habere, Cæsarem magnā potestatem: cuius consti-
tutionis crebra apud priscos, & disertos uiros obseruatio est.
Recordor hanc rem, hæc res mihi in mentem
uenit. Cap. 59.

Ego recordor hanc rem, potius quam huius rei dicitur. At
idem dicitur, huius rei me subit recordatio, hæc res mihi in
mentem uenit, id est mihi occurrit, uel mihi succurrit, quod po-
stremum minus usitate dicitur.

Præsto, antecello, aliquando cum accusatiuo,
aliquando cum ablatiuo. Cap. 60.

Præsto, antecello, quæ uenuste sonat uerba, aliquando da-
tiuo, aliquando accusatiuo perpulchre iunguntur, cum accesa-
tione ablatiuorum eius rei, cuius est præstantia, ut ego præ-
sto tibi ingenij acumine. Ioannes præcellit petrum acumine
ingenij, equus præstat asello uelocitate cursus.

De frequentatiuis uerbis loco primitiuo-
rum. Cap. 61.

Sæpenumero frequentatiua uerba quæ sic appellantur,
primitiuorum uerborum a quibus traxerunt originem signifi-
cationem retinent, præsertim si prima illa asperiora fuerint,

ut con-

ut coniecto pro conijcio, manso pro maneo, imperito pro impetro, amplexor pro amplector, & alia item pene innumerabilia si quando etiam uerbi asperas ulla contingat; quod eruditorum iudicio nunc derelinquimus.

De & dis mutant significationem. Cap. 62.

De præpositio uerbis adiecta, per sepe in contrarium mutat significationem. Vt præcor, & deprecor contraria sunt, hortor & dehortor. Nonnunquam idem dis efficit; ut suadeo dissuadeo, quamuis in eisdem uerbis nonnunquam augeat potius quam uim commutet.

Ex & de amplificant. Cap. 63.

Ex & de uehementer amplificant, ut exoro, quod ab ex, & oro deductum significat impetro. Tere. in Andria. Gnatam ut decet oro: Vixq; in exoro.

Suadeo, persuadeo, facio, perficio. Cap. 64.

Sic suadeo significat oratoris officium, quod est benedico, atq; persuadeo, benedixisse significat, quod est oratoris finis, idest impero atque obtineo. Vnde & crebro non solum suadeo, sed etiã persuadeo, sed facio, & perficio explorata sunt.

De quanquam aduersatiua dictione. Cap. 65.

Plurimum etiam sermonem, ac orationem exornat aduersatiua dictio, quanquam, indicatiuo iuncta, quod ubique Marcus Cicero seruauit; alijsq; doctissimi. sed huius exemplum sit; quanquam te ante hac diligebam nunc tamen ob singularem uirtutem uehementer admiror, nam tria sunt, quæ quodam sibi ordine inuicem iunguntur; quorum primum ac leuissimum est diligere; postremum admiror; quod uehemens; ac præcipuum; & eorum medium; obseruo; quod est ueneror; & colo; ex quo obseruantia reuerentiam significat. Sed iterum aliud exemplum.

quanquam

quamquam mihi sunt omnium amicorum iucundæ literæ, tuæ
tamen iocundissimæ fuerunt. Sed & pro tamen post, quamuis
raro, collocemus, ut quamquam mihi ante hæc charus eras,
sed nunc profecto charissimus es.

Non solum sed etiam, uerumetiam,
uerumquoque. Ca. 65.

Ad hæc illa duo orationem peruenistam reddunt sibi in-
uicem correspondentia quorum alterum est non solum, siue
non modo siue non tantum; alterum est, sed etiam, uel uerume-
tiam, uel loco etiam, positum, quoque, & aliquibus interie-
ctis, quorum omnium exempla subnectam, hæc mihi res non
solum grata est, sed etiam iucunda. Marcus Antonius nō mo-
do Ciceronis erat inuicinus, uerumetiam hostis patriæ. Mar-
cus Cato non solum ingenio pollebat, sed etiam uirtute flore-
bat plurimum. Alexander non solum relinquum orbem sube-
git, uerum ipsum quoque romanorum imperium cogitabat at-
tingere. Et ita inconsumilibus præponendo minoris momenti
particulam.

Tam & quam. Cap. 67.

Et si etiam tam, & quam sibi correspondent, ut tam cha-
ra mihi patria est, quam tibi iucunda uita, sed facile tu hoc in-
telliges.

Ego ipse pro egomet. Cap. 68.

Pro eo, quod ceteri exprimere cōsueuere pro nominibus
addentes uel te, uel met syllabicas adiectiones. Cicero potius
idem efficit per hoc pronomen ipse ipsa ipsum, quod illarum
fere adiectionum locum obtinent, ut ego ipse, magis quam e-
gomiet, ille ipse, nos ipsi, ut nunquam secus dicendum sit.

De mecum & mecum ipse. Cap. 69.

Alia est adiectio pulchra, ut mecum ipse cogitarem, &
hoc

hoc mecum sit una dictio. Item mecum ipse uincerem, cum duæ sint dictiones.

Vt familiaritatem, conuersationem, & similia ornate exprimamus. Ca. 70.

Sed si tibi dicendum erit, tu mihi familiaris es, ornatius dicitur, ego te utor familiariter, tu mihi amicus es, ego te amico utor, tu mihi es magister, ornatius ego te utor magistro. Ego tecum frequenter uersor, frequens est mihi tecum consuetudo, quæ sepe conuersationem significat, tecum magnam amicitiam habeo, magna mihi tecum est amicitia; & ita alia permulta, ut sunt mihi cum omnibus malis uiris inimicitia; nam rectius dixerimus inimicitia plurali numero quam singulari.

Nihil cum comparatiuis Ca. 71.

Sed neutra uox nihil, ac potissimum in comparatiuis nominibus, tum scemininam reddit orationem, tum masculinam ut nihil est hoc homine melius: fere idem est ut nullus homo est hoc homine melior, nihil hac uirgine est formosius; quasi nulla uirgo hac uirgine est formosior. Et in cæteris aliquando consimiliter.

Munus pro officio & cõsimiliter partes. C. 72.

Munus pro officio ornatissime dicitur ut hoc est amici munus. i. amici officium. Fungor boni uiri, munere, fere idem est facio boni uiri officium. Sed & partes plurali numero cõsimilem habent significationem, ut meæ partes sunt. i. officium meum est; uel pertinet ad me.

Caueo cum ablatiuo significat prouideo, cum accusatiuo uito, & fugio. Cap 73.

Caueo uerbum & si sepe significat prouideo, ut cautum est lege, perornate tamen accusatiuo iunctum pro uito, ac

gio. i. iura

gio usurpant eloquentes uiri, ut turpes mores ingenui carent uiri.

Memini cum accusatiuo. Cap. 74.

Atqui & memini rectius iungitur accusatiuo, quam gentiui, ut memini Platonis sapientiam. Virgi. in Buccolicis. Numeros memini; si uerba tenerem. Nec mirum in his, quæ sunt potius solutæ orationis. Virgilij Maronis afferam testimonium; quem non solum poetam egregiè eruditum; sed & Rhetoricæ artis ubique obseruantissimum fuisse constat.

Pœnitet, id est parum uidetur. Cap. 75.

Pœnitet me, quid significet notissimum est, sed & pro parum uidetur, usurpant authores, & præstantes doctrina uiri.

Vaco cum datiuo attendo. cum ablatiuo uacuum esse. Cap. 76.

Sed idem per sepe uerbum uarijs cōstructionibus positum & eadem retinet significationis uim, ut uaco huic rei, est attendo huic rei; uaco hac re, est hac re sum uacuus; & ornatisimum est boni uiri dant operam, ut perturbationibus uacent. i. uacui, & liberi sint.

De animaduerto & animaduersio. Cap. 77.

Animaduerto idem est fere quòd uideo, & quodammodo intelligo. Animaduerto constructum cum accusatiuo, in præposita, idem sibi uult quòd punio, ut Speusippus animaduertit in seruum Platonis, id est punit Platonis seruum; ex quo animaduersio punishmentem quandam nonnunquam significat.

De refero cum datiuo & accusatiuo mediante ad. Cap. 78.

Atque iterum refero tibi hanc rem, id est narro tibi hanc rem; sed refero ad senatum, refero ad populum hanc rem, id est pono hanc rem in consultatione populi, uel senatus; qui usus uerbi

uerbi eius apud historiarum scriptores frequentissimus est.

Dare literas tibi uel ad te. Cap. 79.

Quid uarij quoque casus eidem sæpe coniuncti; nonne magnam ac longe diuersam uim habent? Quale est do Bibaculo ad Cæsarem literas. Nam dantur Bibaculo deferenti, ut Cæsari reddat, ad quem mittuntur literæ. Eas igitur leget Cæsar. Bibaculus quidem uelut tabellarius quidam desert. Nam, qui desert literas, consuevit tabellarius appellari. Verum ne quid huius nunc ignores, dare literas, significat scribere, seu mittere literas.

Vnas, binas, ternas, literas, pro una duabus.

tribusue epistolis dicimus. Cap. 80.

Nec te fugiat, quòd pro epistola dicimus literas plurali numero, nec obstat poetarum consuetudo. Et pro una epistola dicimus unas literas, nam id nomen unus, a, um, cum his quæ pluraliter solum inflectuntur, pluralem quoque retinet naturam, ut unæ nuptiæ, unæ bigæ, una mœnia; Et ut ad propositum redeam, pro duabus epistolis dicimus item binas literas, non autem duas, pro tribus epistolis dicimus ternas, non autem tres, pro quatuor quaternas. Et quæ deinceps sunt reliqua, consimili ratione preferuntur.

Infinitiuæ oratio pro cõiunctiuæ per

uenuste ponitur. Cap. 81.

Infinitiuæ oratio pro coniunctiuæ per quam pulchra est, ut uolo te ad me scribere, cupio te Athenas proficisci, & id Terentianum, quid facere te in hac re uelim significat enim, quid uelim, quòd tu in hac re facias, uelim ciues omnes unanimes esse, idest quòd unanimes sint, & concordēs. Sed hoc fit concinnius, si nullum sit ambigui sermonis discrimen, neque enim omnino rectum sit, uolo te me amare, quamuis plerunque

plerunque id suppositionis locum habeat; quod infinitiuium
uerbum immediatius præcesserit. i. credo quod Romani pos-
sunt uincere Pyrrhum, sed id pro uiribus caueat orator. Et
quod modo præceptum erat de coniunctiua, atque infinitiua
oratione, præcipue in absolutis uerbis uel ubi alteri casui fue-
rit adiecta præpositio seruandum sit, ut uolo te amari a me,

Ex uel e pro a uel ab. Cap. 82.

Ex, uel e præpositiones pro, a uel ab, & sepe, & peror-
nate ponuntur, ut audiri ex maioribus nostris, pro a maiori-
bus nostris; accepi ex patre tuo, uel e patre tuo, quæro ex te,
& a te, quod est te consulo, & te interrogo, quo aduerte, &
sui trade.

De pro, loco in & secundum. Cap. 83.

Pro ornate ponitur loco in, & secundum, ut pro rostris?
idest in rostris, pro tribunali, idest in tribunali & alia. pro ui-
ribus tuis; idest secundum tuas uires, pro tui ingenij bonitate,
pro uirili tua, & similia.

Sub in compositione, aut clam, aut
diminutiue significat. Cap. 84.

Sub in compositione aut clam, aut diminutiue significat,
ut submoui me Parmeno, idest clam, & occulte, subirascor ti-
bi; quod est paulum irascor.

Morem gerere, complacere & ob-
sequi significat. Cap. 85.

Morem gerere perornatum uerbum complacere si gnifi-
cat, atque obsequi. Vnde moriger, a um. quod a moroso quod
difficilem significat. & a morato, quod moribus institutum si
gnificat plurimum differt.

Consequor pro exprimo. Cap. 86.

Consequor pro exprimo pulcherimum est, non possum

ego uerbis consequi, id est exprimere; literis consequi; id est per literas explicare.

Metuo & timeo multis casibus coniunguntur. Cap. 87.

Metuo, & timeo uerba aliquando multis casibus adiunguntur. Metuit Ci. Publio a Clodio sibi extremum periculum. Timeo mihi abs te mortem. Nonnunquam absolute ponuntur, sed solo datiuo iuncta, ut metui Pamphilo, Pamphili uitae timeo, sed hic est potius poeticus usus.

Euado pro fio, & efficior. Cap. 88.

Euado pro fio, & efficior, ornatum, uisitatumque est, ut Cic. euasit eloquentissimus. Aristoteles euasit summus philosophus, Caesar euasit inclytus imperator, & de alijs quoque consimiliter.

Fore futurum esse. Cap. 89.

Fore futuram semper habet significationem, & est idem quod futurum esse, Marcus. Cic. de oratore tertio libro loquens de Hortensio, quem quidem confido omnibus istis laudibus quas tua oratione complexus es, excellentiorem fore, et Crassus Fore dicis, inquit, ego uero esse iam iudico.

Quid inter dimidium & dimidiatum interest. Cap. 90.

Quid inter dimidium et dimidiatum intersit, nosse perutile est; cum enim dimidiatum sit, quasi in partes duas diuisum, nisi aliquid diuisum sit, dimidiatum non potest dici. Dimidium uero appellatur, non quod ipsum diuisum sit, sed quod ex dimidiato pars altera est. Non igitur recte dixerit quis pro sententia Marci Varronis, ut ait Aulus Gellius in noctibus Atticis, dimidium librum legi, dimidiatam fabulam audiui, sed dimidiatum librum, dimidiatam fabulam recte quis dixerit, quia dimidiatum exempli causa digitum appellamus, sed alterutram partem dimidium, quod est ac-

curate, diligenterq; aspiciendum.

Intersum & præsuum quid differunt. Cap. 91.

Plurimum autem conducit nobis intelligere, quæ sunt nominum differentia, ac verborum discrimina. Ea quoque res mirum in modum orationē exornabit, vt si quis nouerit quid differunt præsuum, & intersum inter se verba, pulcherrime dicet; Mar. Cice. publicis negocijs non interfuit solum, sed & præsuit, quorum illud significat comitem esse alicuius rei, hoc vero ducem.

Confiteor, profiteor, gratulor, gaudeo. Cap. 92.

Ego non solum confiteor, quod est ui, sed etiam profiteor, quod quidem est sponte. Et apud Marcum Tullium persæpe legitur, Tibi gratulor, mihi gaudeo; gaudemus nobis, gratulamur alijs, quod adepti sint aliqua bona.

Ago, refero, habeo, debeo, gratias vel gratiam. Cap. 93.

Et tibi ago gratias; quod quidem est verbis, refero gratiam, est re & factis, habeo gratiam, vel gratias quod est in animo, debeo gratiam ubi aliqua obligationis vis cernitur. Et item alias opiniones his similes.

Hæc res mihi conducit, dono te hac re. Cap. 94.

Optimum est non ignorare nominum differentias, vt & verior, & ornatior nostra reddatur oratio. hæc res mihi conducit; est idem, quod mihi res hæc utilis est. Et quod ceteri plerunque dicunt dono tibi hanc rem, pulchrius dicitur, ac splendidius, dono te hac re, vt miles nauali corona donatus est; Sabinos Romani ciuitate donauerunt, quod est ciues fecerunt, quod item dicunt Sabinos Romani in ciuitatem acceperunt.

Præpositio

*Præpositio, quæ solet adiungi nomini, pulchrius
uerbo adiungitur. Cap. 95.*

*Interdum uero præpositio quæ nomini, ac casui præpo-
nitur, pulchrius, uenustiusq; uerbum præcesserit in quibus-
dam uerbis. Quale est, si quis dicat, eo ad te, ut dicat potius
adeo te, & loquor ad te, potius alloquor te, cecidit de uita,
decedit uita, cedit ex humanis rebus, excedit rebus huma-
nis. Et in alijs quibusdam consimiliter.*

De minus aduerbio. Cap. 96.

*Minus aduerbium quanquam sæpe significat non, non-
nunquam tamen compositiuo iunctū contrariæ significatio-
nis cōparatiuum demonstrat, ut Terētianum illud Phedria
nemo fuit minus ineptus, pro prudentior, & nemo est te mi-
nus formosus, idest deformior, & sic de alijs consimilibus.*

*Quid inter decem annos & decem annis
interest? Cap. 97.*

*Quoties multos aut dies, aut annos dicimus per accusa-
tium, intelligimus iuge temporis curriculum esse, & fere
continuum. Sed per ablatiuum significatur annorum siue
dierum interiectio, intermissioq; quare, ut ait Marcellus,
optantes rectius accusatiuo uti debent, siquidem ad secun-
dam fortunam attineat, interest igitur ita si quis dixerit, de-
cem annos in re militari uersatus sum, an decem annis dedi
operam rebus bellicis.*

Cordi est. Cap. 98.

*Cordi homo etiam flexibiliter, cordi hominis, cordi ho-
minis, ut Priscianus inquit, significat iocundus, iocundi, io-
cundo, sicut & frugi, sed satius mea sententia, Marcellus
opinatus est; dicit enim cordi est, idest animo sedet. Nam
hæc res mihi cordi est, id est placet. Terē, in Andria, An*

tibi hæ nuptiæ sunt cordi. M. C. de perfecto oratore flumen alijs, alijs verborum volubilitas cordi est. Et Lucilius probe declarat, cum inquit. Et quod tibi magnopere cordi est, mihi vehementer displicet.

De tantisper. Cap. 99.

Tantisper, quod quasi est tandiu, ornatè post se depositum, quod ferme est donec, ut illud Terentij in heautontimorumenos. Tantisper meum dici te volo dum, quod te dignum esse, facies. Ego tantisper magna voluptate afficior, dum apud te vivo.

Quid inter delecto & oblecto interest. Cap. 100.

Tu mihi charus es, ego te amo, tu mihi iocundus es, ego te delector. Sed delecto, et oblecto, non similiter construuntur; nam dicimus, delectat me hæc res, sed oblecto me, hæc re. delectabat Socratem vitæ integritas; Pitthacus sese virtute, & doctrina oblectabat; ego me oblecto ruri.

Fero hanc rem facile, modeste, moderate, equo animo. Cap. 101.

Fero hanc rem patienter, siue patienti animo, splendidius dicitur ego hanc rem facile patior, & modeste fero, moderate, & æquo animo. Contra significantia aduerbia, grauiter, acerbe, agre, moleste, et iniquo aîo, hæc mihi iocunda res est, hæc res placet mihi, et quæ molesta est, displicet.

Affero & dolet mihi. Cap. 102.

Affero communissimum verbum est, & quo multis locis uti possumus. Secunda fortuna affert mihi voluptatem. i. me delectat. Aduersa fortuna affert mihi dolorem. i. dolet mihi, nam dicimus & hæc res mihi dolet, & doleo hanc rem. Sed redeo vnde digressus sum, literæ tuæ afferunt mihi admirationem. i. efficiunt ut admirer, affert testimoniū, idest testifica-

ificaris, et ita dispersa est, & vaga huius uerbi significatio.

De perinde cum atque uel hac postposita. Cap. 103.

Perinde ornatissime postulat post se ac, uel atq; et totū simul perinde ac, uel atque, habet eandem vim quā tanquam ut Camillus perinde atque omnium sapientissimus, & Cherea perinde ac foret eunuchus. At de hac re satis dicta sint hactenus.

De coeo.

Cap. 104.

Coeo non solum absolutum est, sed nonnunquam peruenste casum habet accusatiuum, Coeo societatem tecum. Et hinc est illud Auli Gellij in noctibus Atticis de Pythagora, deq; eius cohorte; quod quicquid familiæ pecuniæq; habebant in medium dabant et cohibatur societas inseparabilis. Sed eodem Cicero pacto est aliquando eo uerbo usus.

De mille hominum in singulari numero. Cap. 105.

Mille hominum singulari numero significat mille homines, mille militum interijt, hoc est mille milites interierunt, mille militum vulneratum est, idest mille vulnerati sunt milites. Idq; ornatum, usitatumq; est.

De primus:

Cap. 106.

Primus significat etiam ordinem, quod nomen sequitur secundus, tertius, & deinceps alia eiusdem ordinis nomina; tamen multoties significat principalem, ut hic est nostræ ciuitatis vnus omnium primus, sæpe significat optimum, sed postremum raro est in usu oratorum.

De interdico.

Cap. 107.

Interdico tibi hac re, & non hanc rem; interdico tibi aqua, & igni. Plinius secundus in epistolis. Carent toga iure, quibus aqua, & igni interdictum est.

Quæ nomina ornate syncopantur. Cap. 108.

Nunc vero ad reliqua, neque enim non inuitus omiserim
quòd quæ nomina ad numerum spectant in eorum pluralibus
genitiuis syncopam efficiunt, idque cum vsitatum, tum ad
exornandam pertinet orationem, ut mille nummum potius,
quàm mille nummorum, mille denarium, mille Philippum
mille aureum, & tot milia argenteum, & ita de reliquis.
Et in genitiuis omnium nominum secundæ declinationis id
frequenter efficiunt.

Citra centenarium & post vigenarium minor. Cap. 109.

Numerus minor maiorem eleganter præcedit mediante
coniunctione. Sed prosum scribes, & solutam orationem,
in nominibus solum numerum & mensuram significanti-
bus, atque in numerorum nominibus eam plerunque serua-
mus consuetudinem, ut citra centenarium numerum, si quan-
do post vigenarium duo numeri commemorandi sunt, eorum
minor præcedat, & maior sequatur; ut hic est unum & vi-
ginti annos natus; duos & triginta annos viximus; tres &
quadraginta annos nauigavi; quatuor, & quinquaginta an-
norum consumpsi ætatem. Sed ultra centenarium, & ci-
tra vigenarium tritum, ac vulgarem seruamus morem &
sermonem. Quia autem sicut duo de viginti nonnunquam
dicimus, & duo de triginta, ita et duo de uigesimo, et duo
de trigesimo manifestum est, sed non quidem est in frequen-
ti oratorum usu.

Indies & indiem.

Cap. 110.

Quid indies, nonne pulcherrimus sermo est, ac significat
per singulos dies, & quotidie, sed cum quodam incremento,
ut tua indies accrescit virtus, in dies homines magis sapiunt,
stultorum hominum in dies accrescit infamia; sed cum dicitur
in diem, est terminus deputatus.

Vt in

*Vt in verbis actionem aut passionem significantibus
varietati studendum sit. Cap. 111.*

*In verbis, tam actionem, quam passionem significantibus
considerare debemus varias vocum inflexiones, atque exitus
& modo his, modo illis uti pro aurium iudicio, ut fuere
pro fuerunt, amarunt pro amauerunt, videre pro viderunt;
norim pro nouerim, triumpharat pro triumphauerat, & de
alijs quoque eodem modo, sed ne quid contra grammaticæ ar-
tis præceptiones, ac iura fiat, prouidendum est.*

De quin. Cap. 112.

*Quin particula quomodo increpet, uel exhortetur, quo-
modo item confirmet, & quomodo interroget, id satis explo-
ratum est. Sed nos ea pulcherrime utimur cum dicimus; nō
possum quin gestiam, non possum quin doleam, non possum
quin admirer. Significat enim fere me non posse continere,
quod non doleam. Et ita de cæteris consimiliter.*

De locus est vel multū vel nihil loci est huic rei. Cap. 113.


*Quid illud, nonne præclarum est usu, locus est huic rei,
multum loci est gaudio, plurimum loci est tranquillitati. Et
Terentianus Dauus. Nihil loci est segnitie. Significant enim
hæc omnia prædicta oportere nos lætari, uel tranquillos esse,
vel voluptatibus affici, uel non negligentes, ac segnes esse, et
sic in alijs huiusmodi.*

De magnopere & similibus. Cap. 114.

*Nonnunquam vero duo nomina, siue præpositiōe addita,
siue non aduerbij vim retinent, ut magnopere, pro valde; ma-
ximopere pro plurimū, maiorem in modum pro maxime.*

De in primis & similibus. Cap. 115.

*Sed ablatiui casus siue cum cōmercio præpositionis, siue
sine eo, vim habent aduerbij, ut in primis, significat enim*



præcipue , ac præsertim, & id (ita grammatici dicunt) ad-
uerbium ipsum , si ita appellandum est , perornate nomini-
bus iungitur , ut in primis sapiens , in primis eruditus. Sed a
proposito digrediar , paucis interdum pro paucum , & multis
pro multum . Verum hæc alio loco opportunius

De gerit cū nomine magistratus sine imperij. Cap. 116.

Ille & sanè modus optimus est , ut si quis diciturus sit
quempiam hominum aliquem habere magistratum , uel ho-
norem , siue imperium , ex nomine honoris eiusmodi , & gero
ris uerbo pulcherrime constituat orationem , hoc pacto , hic
est Romæ consul , Romæ consulem gerit , ita & consimiliter
imperatorem gerit , principem gerit , prætorem gerit , & alia
consimiliter. Ad hos enim viros rerum cura , & admini-
stratio pertinet.

De inter legendum & consimilibus. Cap. 117.

Vsitata , & perpulchra est sermonis oratio , ut gerun-
diorum accusatiui præposita inter significet tempus imper-
fectum indicatiui , uel subiunctiui modi , uel alterius , & dum
particulam , ut inter ambulandum hostes offendi , hoc est dū
ambularem ; inter legendum ridebas , hoc est dum legeres. Et
sic pro varietate personarum exponendum est uti explica-
uimus. Sic Seruius in buccolicis Virgilij , Inter agendum . i.
dum agis , honesta locutio , si dicamus inter cœnandum hoc
sum locutus , id est dum cœnarem , hoc sum locutus.

De in pro erga uel contra. Cap. 118.

In pro erga , & contra , pulcherrima locutio est , accusati-
ui posita , ut meus in te animus , mea in te beneuolentia , u-
trobique enim significat erga . Iuuenalis inuebitur in Do-
mitianum . Cicero habuit orationem in Catilinam , ibi enim
contra significat ,

De apprime.

Cap. 119.

Apprime pro ualde recte apponitur nominibus, quemadmodum de in primis superius dictum est, ut Virgilius apprime nobilis, res apprime utilis, & ita de alijs similibus.

Vt res aptè coniungitur adiectiuis possessiuis. Cap. 120.

Res nomen latum diffusumq; est, sed eo pulcherrime utimur cum adiectiuis possessiuis nominibus, & præsertim huiusmodi, ut cum dicitur, res domestica, res publica, res familiaris, res militaris & de similibus pariter.

De præstolor.

Cap. 121.

Vt aliqua veluti signanda instituam, præstolor verbum plerunque poetæ accusatiuo iungunt. Cicero connectit datiuo, ut quem præstolaris, præstolor Ioanni.

Assentior et Assentio, impertior et impertio. Cap. 122.

Multa sunt verba, quibus per eandem significantiam, & passiuamtimur voce, & actiua, ut omittam pene innumera, Cicero frequenter in his duobus modo actiuam modo passiuam uocem usurpat, assentior, & assentio utrobique eadem constructionis forma, & impertior, & impertio. In cæteris autem id fit multo rarius.

Vsu venit.

Cap. 123.

Vsu venit ornatissime pro contingit ponitur.

Vsurpatio & usurpare.

Cap. 124.

Vsurpatio & usurpare non intelligit debent sicut iurisperiti utuntur, sed usurpationem oratores frequentem usum nominant, & usurpare in frequenti usu habere.

Deficit cum accusatiuo.

Cap. 125.

Hæc res me deficit. i. deest mihi hæc res, ut deficit medies, vita quamprimum mortales deficit. Sed deficio hac re magis poetarum est.

Nunc autem, ne ea quæ perutilia sunt, & ornatissima, omittamus, intelligendum est, quod quæ nomina tertiæ declinationis, tam nominatiuum, quàm genitiuum singularem habent similes, præsertim si genitiuus pluralis in ium exiuerit; eorum frequenter accusatiuus pluralis in is terminari solet, raro in es, ut omnis pro omnes, mortalis pro mortales, inanis pro inanes. Similiter, ut ipse quoque testatur Priscianus, in is, & in es terminata reperiuntur, ut fortis, et fortes, partis & partes, pontis & pontes. In reliquis rarius id fit, quæ est poetarum venia.

De propediem & postridie. Cap. 127.

Quædam aduerbia sunt, quæ epistolis maxime congruunt, sicut propediem, quàm primum, cito, confestim, & postridie, quod multi ignari literarum, & grāmaticæ artis expertes exponunt post tres dies. Sed tu, ne eodem ducaris errore, crede postridie significare postero die. Et eo pacto Mar. Cicc. accepit, & alij eruditissimi viri.

Primum, deinde, præterea, ad hoc, postremum. Cap. 128.

At si quis multa referre uelit, pro prima reponat primum, uel primo, utrunque enim in usu est; pro secunda, deinde, uel secundo loco; pro tertia præterea, uel tertio loco; pro quarta; quod perraro accidit, ad hoc, uel præterea, uel quarto loco. In calce, postremo, uel postremum, uel demum. Sit igitur huiusmodi exemplum; tria sunt, quæ magnam mihi afferunt voluptatem; primum enim quod optimum amicum nactus sum; deinde autem quod singularem tuam erga me sæpe testificaris beneuolentiam; postremum uero quod te incolumen intellexi.

De ordine harum dictionū, enim, autem, vero. Cap. 129.

Quo iure id quoque aduertendum est, quod tres inuenimus cōiunctiones recto, atq; v̄sitato ordine, quæ, sunt, enim, autē, vero. Sed tu ipse hæc omnia, ac multo plura facile cognoueris si Cice. scripta, & in primis epistolas leſtitabis.

Memoriæ proditum est. Cap. 130.

Memoriæ proditum est, significat scriptum est. Multa enim talia ornatissime vsurpantur varijs cum significantijs vt memoriæ tradere, mandare scriptis, mandare literarum monumentis; quorum ferme omnium eadē vis est, sed mandare memoriæ aliud sibi videtur.

Fallit me hæc res. Cap. 131.

Fallo verbum tritum est apud Ciceronem, Fallit me hæc res dicimus, fallit te spes, quod est, frustratur, & decipit.

Missum facere. Cap. 132.

Missum facere id est dimittere, venustum & ornatū est. Nam missam hanc rem facio, significat dimitto illam rem.

De ne quidem. Cap. 133.

Ad hoc & in eadem oratione duæ hæ particulae ne, & quidem pulcherrimæ sunt, si quis fuerit illis recte usus. Nam cum ponuntur, semper aut aliquid dictum est, aut mente concipitur. Vt ne audiui quidem. Significat enim exempli causa; non solum non uidi, sed neque etiam audiui. Itē aliud exemplum; philosophiæ studia Democritus non solum non intermittit, sed ne remittit quidem. Remittere nanque philosophiam, est remissius philosophari; Intermittere ad tempus prætermittere.

De ordine plurium sine cōiunctione. Cap. 134.

Sed ea quoque adhibenda diligentia est, quod si quando plura ponimus præsertim sine copulatione, qui articulus est,

est, & si idem uideatur significare, quod uehementius sonat collocetur in calce, ut tua uirtus laudanda, probandaq; est. nam probanda, est magis, quod sit animi iudicio; magistratus diligere, amare, colere debemus; probatissimos uiros omnes homines uerentur, obseruant, admirantur; quæ turpia, obscæna, tetra, scæda sunt, ea fugere, & aspernari debemus. Virtutis officij summa laus est, nam officium habet accessionem actionis. Sed in his quoque ordo quidam spectandus est, quod si tria sint quorum duo partem aliquam signifcent, tertium sit communius, id profecto plerūque debet in fine collocari, nisi se habuerint quodam generis modo; tunc enim econtrario fit; quod nunc liquido ac perspicuo patefaciam exemplis, ac prioris quidem exemplum est. Omnis in adipiscenda uirtute cura, opera, diligentia, ponenda est; est enim cura solius animi, opera corporis diligentia utrunque completitur. Item in republica plurimum industria, laboris, temporis, ponendum est; amicos consilio, uiribus, ope, adiuuare debemus. Alterius nota exēpla sunt, Non sunt per se res commodæ expetendæ, diuitiæ, honores, voluptates. Commodum enim generis locum detinet, cuius species sunt multæ; puta quas modo memorauimus. Atque item animalia quæque homines, leones, equi, bonum uidentur appetere. Sed utcunq; res se habeat, si multa sunt, quod pluris est, debet poni in fine. Iam ad alia procedamus.

De quisquis, utut, ubiubi. Cap. 135.

Multoties geminatio in quibusdam tam uerbis infinitiuis, quā aduerbijs tanti ualeat, quanti nomen, semel & cūque, ut quisquis pro quicunque, quotquot pro quotcunque, quantusquantus pro quantuscunq; qualisqualis pro qualiscunq; utut pro utcūq; ubiubi pro ubicūq; Et id aduerte diligēter.

Accedit

Accedit. Cap. 136.

Accedit pro additur quàm vsitatissimum est, tam pulcherrimum videri debet. Vnde & accessio additionem signat, vt ad meas miseras mihi accedit dolor, idest additur.

De confido. Cap. 137.

Confido, non sicut quidam arbitrantur, nescio quo pacto conſtruitur, sed iungitur alias datiuo, alias ablatiuo casui, et in his potissimum versatur, quæ ad animum spectant, vt confido tua virtute, humanitate, tuo consilio; & item de alijs huiusmodi.

Credo pro committo. Cap. 138.

Credo quoque pro committo ornatissimum est, credo tibi consilia mea, credo tibi grandem pecuniã, & sic de alijs.

Grandis, maior, vel minor natu. Cap. 139.

Grande adiectiuum nomen proli vel ætati conuenit, uel pecuniæ; pecuniæ exempla supra posuimus. Sed hic grandior Nestore uidetur quòd Nestorem uincat ætate, & antecedit, hic est grandis natu, grandissimus natu significat longæuum hominem, atque admodum senem. Et quia de natu facta mentio est, maior natu ornatissime significat seniore; sicut minor natu, iuniorem.

De parenthesi. Cap. 140.

Insuper haud illepidè sit interposita nonnunquam in oratione; atq; interiecta parenthesis; ut dediſti ad me; (quæ mea summa est uoluptas) suauissimas literas; omnes amicos (nisi fallor) plurimum admiraris. Scire uelim (ea nanq; est amicorum consuetudo) quid nuper in causa Marci Antonij egeris. Et ita demum re postulante nostram orationem huiusmodi interpositionibus aspergamus.

De increbuit. Cap. 141.

*Hæc res apud me increbuit ; & fere significat ad aures
peruenit; & rei notitiam significat.*

Vt nos nescire quid dicamus. Cap. 142.

*Nescio hanc rem, ignoro, præterit me, latet me, huius rei
nescius sum ; ignarus sum; hæc res scientiam meam fugit .*

Reliquum est pro restat. Cap. 143.

*Hoc reliquum est , idest hoc restat; perpulchre; & magno
cū ornatu idē significat. Exemplū est; omnia tibi & natura,
& fortuna tribuit, reliquū est, ut bene et laudabiliter uiuas*

Vulgo. i. ubique. Cap. 144.

*Rumor est , uulgo .i. ubique & communiter dicitur ; &
ornatus est sermo .*

Accipere pro audire & cognoscere. Cap. 145.

*Accipere pro audire , & cognoscere peruenisse dici-
tur. ut accepi rumoribus; quorum incertus est author . Ac-
cepi hominum fama; quæ certo authore continetur. Accepi
nuncijs .i. nuntiationibus ; quos nuncios is qui mittitur, af-
fert. Accepi literas ; quas plerunque ab amicis accepimus.
Et ita in consimilibus .*

Hisce; hosce; hasce. Cap. 146.

*Pro nominibus aricularibus demonstratiuis consue-
runt oratores addere ce adiectionē, in ijs casibus, qui in s de-
siniunt euphonie causa; ut hisce, hosce, hasce; pro his, hos, has.*

De translatione huius præpositionis. Cap. 147.

*Sæpe præpositio, quæ præponi solet postponitur, etiam
si significantia eadem manet, & in quibusdam quidem sem-
per, quæ sunt mecum, tecum, secum, nobiscum, uobiscum . In
quibusdam non semper, ut quicum, quicumque, quibuscum . Te
propter, ac etiam propter te idem significat , & sic quibus-
cum, & cum quibus , & in his potissimum ea præpositio-*

um translatio fit; quæ modo enumerauimus.

Clam præpositio potius, quàm aduerbium. Cap. 148.

Clam plerunq; præpositio est, & nonnunquã aduerbium; sed oratores præpositionem potius accipiunt, siue adiungitur ablatiu, vt Priscianus sentit siue etiã accusatiuo, quod opinatur Donatus; vt clã me profectus est, id est me nesciente.

Coram & præpositio, & aduerbium. Cap. 149.

Coram cum accentu in prima syllaba præpositio est, & quid significet, nemo est, qui nesciat; cum accentu vero in ultima syllaba aduerbium pulcherrimum est, significans (vt ita dicam) præsentialiter, quo frequentissime docti vtuntur. Vt apud M. Cice. cupio tecum coram iocari, id est præsentialiter. Etiam coram te loquor.

De aduerbijs in i, in o, & in u desinentibus. Cap. 150.

Multa aduerbia in i, exeuntia, etiã in ipsis epistolis sunt pulcherrima, sed hæc in primis, rursi, vesperi, domi, belli. Multa item in o, vt serio, postremo, falso, merito, precario; cætera vero in eodem exitu desinentia hæud in frequenti usu oratorum. In u vero non multa sunt, diu, cuius significatio, manifesta est, Inter diu, quod est quasi intra medijs diei tempus, & noctu pro nocte, quod magis nomen. Vnde diu, noctuq; dicimus.

Nullus pro non. Cap. 151.

Nullus, a, um nonnunquam pro nō, præsertim sum es est verbo adiuncto, vt nullus sum, i. interij. Respublica nulla est. i. extincta est, idq; ornatissimum fuerit.

Præsto sum, i. assum, vel appareo. Cap. 152.

Præsto sum, significat adsum, & fere appareo et sic idem aduerbium eiusdem verbi modis omnibus, ac temporibus peruenuste connectitur in eadem, quam, modo posuimus, significantia,

ficantia, ut mihi præsto fuit seruus tuus urbem ingredi-
ti. i. affuit.

Licet mihi bono uiro esse, uel bonum uirum. Cap. 153.

Licet mihi bonum uirum esse, et licet mihi bono uiro esse, utrunque latine, atque usitate dicitur, sed id posterius magis ornatum est.

Perpetuum & in perpetuum aduerbia. Cap. 154.

Perpetuum, & in perpetuum aduerbia pro eodem ponuntur, & eis frequenter utimur.

Deuincio pro obligo. Cap. 155.

Deuincio uerbum cum pulcherrimum est, cum præcipue epistolis congruit. Significat enim deuincio obligo, deuinctus obligatus, sicut & saepe obnoxius, quod non solum trito more significat, quod noxium est, sed etiã deuinctum.

Collocare apud aliquem beneficium. Cap. 156.

Collocare apud aliquem beneficium, est alicui beneficium facere, ut apud gratos uiros beneficium collocasti.

Gratificor. Cap. 157.

Gratificor tibi hanc rem præclare usurpatur pro gratum facio.

De indulgeo & ignosco. Cap. 158.

Indulgeo sane uerbum est aptissimum, & splendidi ornatus, quod & datiuo iungitur & fere significat do operã, atque ita exponitur, ut hic nimio somno indulget. i. nimis dormit, nimio cibo indulget, idest nimis comedit, de alijs consimili pacto. Indulgere præterea quasi concedere est, uerbum luxuriosam quandam designans clementiam, & indulgentem partem appellamus leniore erga liberos ingenio; quare & ab ignosco plurimum differt. Est enim ignosco parco, idest do ueniam, siue excusatum habeo. Ignosco
tibi

tibi igitur, siquid exempli causa, admisseris sceleris; Indulgeo vero, ut multa agere impune queas. Quorum verborum discrimen diligentissime considerandum est.

Tantus & quantus. Cap. 159.

Tantus, a, um & quantus eodem modo se habent in oratione, ut raro alterum absque altero ponatur, ut concio hæc tanta est, quanta ante hac unquam fuit. Tribuis mihi tantum quantum nec agnosco nec postulo. Tantum in te est doctrina, quantum in doctissimo solet esse viro.

Talis & qualis. Cap. 160.

Talis & qualis alterutrum creberrime ponitur, raro utrunque, ut talem solemus sentire bonum virum & subintelligimus, qualem dicimus; Et contra Orator est illustris, qualis alter nullus reperitur. Verum de his satis.

Vel pro etiam. Cap. 161.

Vel pro etiam particula in multis locis rectissime congruit, ut Hannibal fuit imperator vel omnium primus. Tua eximia virtus, ut te amem, vel maxime impellit.

Versor. Cap. 162.

Versor verbum in frequentissimo est usu veterum, ac disertorum hominum, perdiffusaq; est eius verbi significantiæ, ac denique varijs potest rationibus exponi, ut ego versor in literarum studio. i. do operam literarum studio, virtus circa difficile versatur. i. virtus in difficili consistit, ut versa mur in tenebris. i. fere sumus, ac vivimus, & quasi stamus in tenebris. Et quod est exemplis superioribus declaratum, duos sibi plerumque, ac frequentius casus postulat, aut accusativum præposita circa; aut ablativum in præcedente. Nam ante fundum versari, & ad portam versabatur per raro dicta sunt sed quem admodum cæteris rebus omnibus,

ita huic summa adhibenda est diligentia .

Eniuero , sinautem. Cap. 163.

Nonnunquam duæ particulæ ornatissime coniunguntur , quarum eadem sit vtriusque significatio, vt eniuero , nam pro explenda sententia altera duntaxat sufficere poterat , Et similiter sinautem , saepe dicimus causa complendæ sententiæ ; nam eo in loco autem particula nullam omnino vim habet. Sin. n. per se significat sed si.

Quo ad, quousque . Cap. 164.

Quo ad pro quousque non minus ornate ponitur , quàm latine, vt volo in vrbe esse quo ad tu redeas . Itaq; plerisq; locis consimiliter accipi potest.

Suscipere. Cap. 165.

Suscipere non solum, quod tritus , vulgatusq; vsus habet significat , quod est super se accipere , & quodammodo adducere aliquid, sed etiam per ornate positum in epistolis cõmendatum habere . vt suscepit Ciceronem Cæsar in suis aduersis rebus ; quæ utique postrema significatio haud quàm (si quis inspiciat accuratius) a priore aliena est .

Positio adiuncta negatio contrarij positiui plerunque vim tenet. Cap. 166.

Optima quoque ratio est , vt positio cuiuspiam adiuncta negatio , contrarij positiui vim , ac significationem teneat , si non ita plene , tamen accurate illam expleat , cuius rei exempla subiiciamus ; hic vir est haud improbus ; significat enim fere hunc hominem probum potius , quàm improbum esse habendum ; & philosophus haud ignobilis , histrio non illepidus, miles, nō instrenuus , ciuis haud malus; nā in his eorūq; similibus rectius, atq; vsitatus dicitur, quando uis non laudis cuiusdā est , sed quasi diminutæ , et quasi defraudatæ laudis.

Peto

Peto hanc rem a te.

Cap. 167.

Quod grammatici dicunt peto te hanc rem ornatus, nec minus latine dici potest, peto hanc rem a te, & id plurimum Cicero in epistolis consuevit.

Conficior pro pereo.

Cap. 168.

Conficior passiuam voce crebro usitatum est pro eo fere, quod est pereo, ut senio confectus sum. i. consumptus, ut vir inops, ac miser, fame, frigore, dolore conficitur; & sic annis, etate, studio conficitur, ac marore, labore, senio confectus, & de alijs sic permultis.

Ablatiui participiorum tum aliorum peruenustam reddunt orationem.

Cap. 169.

Ablatiui casus non participiorum solum, verum etiam nominum aliorum in oratione perconcinne ponuntur, praesertim si qua fuerit temporis significatio. Et de participijs quidem manifestum est, ut regnante Octauio Caesare, parta est vniuerso orbi pax. i. qua tempestate regnabat Octauius Caesar. Et aliud. Dionysio Syracusis tyrannidem gerente grauissima in Sicilia bella gesta sunt, id est quo tempore Syracusanorum tyrannus Dionysius erat. Sed eodem quoque modo alia quaedam se habent nomina, maxime si dignitatum, & honorum extiterint, ut Cornelio & Galba adilibus currulibus acta sunt in theatro fabulae. Quidam addunt participium existentibus, sed nos prohibemus, quod ad venustatem orationis non pertinet, addi oportere. Et uic. Scipione consule, Pæni deuicti sunt. Scipione imperatore euersa est Numantia, & reliqua huiusmodi pariter.

De genitiuis cum possessiuis pronominibus.

Cap. 170.

Licet etiam, tam grammaticae, quam oratoriae genitiues

quorumcunq; casuum cum possessiuis quocunque casu pro-
latis coniungere; quod & Priscianus tradit, vt mea causa
venit, & ceterorū amicorum. Meum agrum; et Marci An-
tonij populati sunt, tuo amico, & fratris gratificare; tuum
imperatorem sectare, & Coriolani; noster ac fratris ami-
cus; sua ille confidit, & ciuium prudentia; atque ita figura-
tur constructio in omnibus possessiuis. Hinc Terentianum
illud, meo præsidio, atque hospitio.

De nominatiuo possessiuo cum genitiuo pos-
sessoris. Cap. 171.

Id penitus inspiciendum sit, quandoque etiam discretio-
nis, seu abundantiae cuiusdam causa solet addi cum genitiuo
possessoris & nominatiuus possessiuus, vt suus est Caij Cæ-
saris mos, id est eius, et nō alterius; Suus Titij filius hæres te-
stamento constitutus est. Suus (vt ipse quoque Priscianus
exponit) ad discretionem eius pertinet, quod secundum le-
gem suus non est a sub potestate patris legitimi non est,
suus autem pro vniuscuiusque proprio accipitur; quod ip-
sum apud viros eloquentissimos frequens est.

Quid distant die quarto & die quarta. Cap. 172.

Die quarto (vt Nonius Marcellus etiam testis est) &
die quarta non idem significant, sed masculino genere præ-
teritum tempus designatur; fæminino futurum, quod vetu-
stissimi non aliter protulerunt, vt sit die quarto pro eo quod
aliter nudiusquartus dicitur, nudius tertius, & i idē de alijs.
Quid interest inter tua causa & tui causa feci. Cap. 173.

Mea causa, & mei causa, tua causa, & tui causa, & ita
in alijs pronominebus possessiuis (vt doctiores testantur) di-
ci possunt sine ullo discrimine, nec procedit illa differentia
a quibusdam non indoctis excogitata.

De differentia inter genitiuos primitiui pos-
sessiui. Cap. 174.

Hi genitiui primitiuorum mei, tui, sui, nostri, & vestri, capiuntur passiuè, ut hic gerit curam nostri, id est curat nos, siue curamur ab illo. At mis, tis, & sis, nostrum & vestrum capiebantur actiuè & passiuè. Sed mis, tis, & sis, exoleuerunt. i. ab usu recesserunt. nostrum uero, & uestrum, partitiue sæpe ponuntur, ut nemo nostrum nullus vestrum. eorum occupant et naturam pronomina possessiua, meus, tuus, suus, noster, & vester.

In mentem venit. Cap. 175.

Hæc res mihi in mentem venit dicitur, & cum genitiuo, ut huius rei mihi in mentem venit, nec mihi curæ est, an pro nominatiuo genitiuus positiuus sit. Vtrunque vero non solum poetæ, sed etiam, Marcus Cicero vsurpauit.

De temporum commutatione. Cap. 176.

Oratores sicut & poetæ persæpe & præsentibus temporibus vtuntur pro præteritis, nonnunquam & pro futuris. uerum id quidem multo rarius. Sed contra haud crebro fit, nisi forte inquam uerbum, quod futuri temporis est præteriti loco, uel præsentis accipiamus. Sed multa, quæ super his dici possunt in aliud potius tempus seruamus.

Similis datiuo & plenus genitiuo iungitur. Cap. 177.

Similis et plenus nomina, quorum prius datiuo iungitur; posterius etiam ablatiuo, oratores. ut plurimum, ac fere semper genitiuo iungunt, ut similis es tuorum maiorum; dignitatis & officij es plenus, nonnunquam uero, sed per raro proferuntur cum superioribus casibus.

Ut imperatiuis subiunctiua uerba iunguntur. Cap. 178.

Sæpenumero etiã maioris, significantiæ causa uel orna-

tissime imperatiuis subiunctiua verba iunguntur, quod Cicerone saepe efficere solebat, quale est illud; cura ut uir sis; & alio loco scribens ad filium, effice, & labora, ut excellas.

Curritur, cenatur, prandetur. Cap. 179.

Decurritur spacium, cenatur Rombus, prandetur Turtur, & consimilia pulcherrime dicuntur.

Vt transitiva verba absolute proferuntur. Cap. 180.

Atque ut absoluta interdum uerba obliquis casibus iunguntur, ita transitiva quoque nonnunquam non solum pro grammaticorum more, sed etiam pro oratorum consuetudine absolute proferuntur; praesertim vero, si qua sui passio cum actione ipsa significatur, qualia illa sunt, amo, lugeo, ideo quae cum transitiva sint, tamen absolute proferuntur.

De terminatis in bundus. Cap. 181.

Quae in bundus exeunt nomina, non tam similitudinem significant, quod plerique arbitrantur, quam abundantiam quadam potius ac vehementiam, ut gloriabundus non tam glorianti similis, quam abunde sese vehementerque efferens, quam opinionem eloquentium, atque eruditissimorum hominum ubique testimonijs comprobata tu quoque firmiter amplectere. Nam ut alios omittam, Aulus Gellius auctor probatissimus, ex sententia quoque doctissimi Apollinaris inquit, errabundus dicitur, qui longo, atque abundanti in errore est, tu quoque eisdem utere nominibus.

De fretus. Cap. 182.

Fretus, freta, um, incertae originis ablatiuo iunctum pulcherrimum est, & significat fere confisum, atque munitum; ut uestra humanitate fretus, uestra sapientia, non mea uirtute fretus.

Certiorcm facere. Cap. 183.

Certiorcm facere usitate atque frequenter in epistolis
usurpa-

*vsurpatur; Nam facio te de hac re certio rem, id est tibi si-
gnifico hanc rem, ut sapiissime uelim me de tua valetudine
facias certio rem.*

De habeo.

Cap. 184.

*Habeo varia constructione figuratum plurimum orna-
tus habet, ut bene hac se res habet, & ita bene habeo me, et
cum participijs, ut bene me habens redeo rure, & contra-
rium aduerbium similiter ei uerbo iungitur, quod est male.*

De participijs futuri temporis. Cap. 185.

*Participia saepenumero futuri temporis ornatissime vsur-
pantur; ut scripturus sum ad Scipionem, literas; quod est fe-
re debeo scribere. Et aliud, tu ad aedes cras iturus es, quasi
ire debes. Cicero est Athenas profecturus, id est debet A-
thenas proficisci. Plautus in Cyprum traicelurus est; fere
est nauigare debet in Cyprum. Quod idcirco ita expo-
suimus, quoniam quis proprie nauigare, id est transmittere,
& soluere de eo loco dicitur, unde proficiscitur. Is demum
traicere dicitur, qui rate uehitur ad eum locum, quo pro-
ficiscitur, ut Cicero soluit Athenis, & in Asiam traie-
cit. Verum ad propositum redeundum est. Illa igitur par-
ticipia, quae a uerbis manant passiuis, passiuè quoque exponi
debent, ut cuius insons animus est, multandus non est, id est
multari, & puniri non debet. Sontes accusandi sunt, id est
accusari debent. Vir flagitiosus est trudendus in carcerem. i.*

coniiciendus in vincula; & ita reliqua exponantur, ut

supradiximus. Ne tamen negauerim quin eo-

rundem participiorum alia quoque ratio

sit, sed ea nos modo prosequamur

quae uenustius eloquium

reddant.

Quid repetor ; nonne perpulchrè ponitur ; si quid ei ac-
 cesserit ; ne accusatiuus solum casus , sed etiam ablatiuus , vt
 repeto hanc rem memoria , quod non teneo , memoria signifi-
 cat , ut permulti existimant , sed potius memoria voluto , &
 reminiscor , & quasi obliuioni data rursum inuestigo memo-
 ria , hoc nos vti uerbo ornatissime poterimus , quoniam codè ,
 & veteres eloquentissimi frequenter usi sunt ; hinc illud
 de Oratore Ciceronis libro : Cogitanti mihi , ac memoria ve-
 tera repetenti . Et Aphricanus a Neuio accusatus tribu-
 no plebis , quod ab Antiocho pecuniam accepisset , commo-
 dissime eo verbo vsus ; memoria , inquit , Quirites repeto ,
 hunc diem hodiernum esse , quo Hannibalem pœnum inimi-
 cissimum huic imperio vici in Aphrica , & perpetuam pa-
 cem vobis ac victoriam peperì inseparabilem . Verum ca-
 ptus ingenti voluptate longius in Aphricam verbis refe-
 rendis progressus sum , Quamobrem ad nostrum institutum
 referat se oratio .

Pro mori , diem obire , oppetere & similia . Pro viuere
 autem vitam agere , degere etatem , & similia
 ornate dicimus . Cap. 187.

Optimū factu fuerit , ne eisdem aut modis orationis aut
 verbis vtamur , si (quod initio diximus) uaria plurimū pro-
 betur oratio , & si ueluti quibusdam flosculis aspergatur , vt
 pro mori , diem obire mortem oppetere , animam expirare ,
 vita decedere , animam efflare , vita defungi , rebus huma-
 nis excedere ex uita migrare , res deferere humanas , exire
 de uita , mortem obire , mortem oppetere , animam expirare ,
 extremam claudere diem , interire , occidere , consimilia q̃ . Et
 iterum pro uiuere , uitam agere , degere etatem .

Vt ludo ludum, sic & uiuo uitam dicimus; & con-
similia. Cap. 188.

Et ne siggillatim cuncta complectar illud hoc loco ani-
maduertendum sit, quod sicut saepe dicimus ludo ludum,
pugno pugnam, seruiio seruitutem, doleo dolorem, ita in-
terdum uiuo uitam, uiuo miseram seu felicem uitam, ut si
quis dixerit, qui expeditam fuerint uirtutem consecuti, hi
uiuent beatam & immortalem uitam, & qui praeclarum
certamen certauerit, amplissimis donabitur muneribus; &
quod de varijs dicimus orationis modis, id ipsum de singulis
partibus intelligendum est; ut pro rogo, precor obsecro; pro
quasi, pene ferme reliqua tu ipse coniecta.

Id genus. Cap. 189.

Id genus pro eius generis, quod fere simile nomen expri-
mit, pulchre, & usitate dicitur, ut multa sunt id genus mon-
stra; de multis id genus rebus locutus est, quod est de simi-
libus, & ita in alijs.

Ex sententia. Cap. 190.

Ex sententia est quasi secundum voluntatem, & prospere,
ut gesta res est ex sententia, quod est prout optabam, &
tibi id cuenit ex sententia. Et multis in locis consimiliter.

Inferre. Cap. 191.

Inferre iniuriam est quasi iniuriam facere, manus inferre
alicui est aliquem pulsare. Impetum in quempiam face-
re, est quempiam cum impetu, & quasi adoriri & irruere.

Dare veniam, Et a principio vitae. Cap. 192.

Dare veniam, pulcherrimum est ignoscere, & licentiam
concedere. Ab initio aetatis habui te amicum, amicitia mihi
tecum est a teneris annis, a paruulo; a primis aetatis tempo-
ribus; a teneris ut Graeci dicunt vnguiculis; ab incunabi-
lis

lis ipsis, & huiusmodi iuuenilis' atas' pulcherrime adole-
scentiam significat.

Ferire fœdus. Cap. 193.

Ferire fœdus optime atque' ex optimis causis & socia-
lium consuetudine significat fœdus componere, ut per sæpe
ictum seu percussum fœdus est constitutum, & cōpositum.

Est mihi nomen Scipioni. Cap. 194.

Est mihi nomen Scipioni. Scipioni cognomen Aphricano
fuit; cui pago Troiano nomen est, & sic de reliquis datiuo
casu perusitate, ac pulcherrime dicitur, Quæ eadem & a-
lijs quoque modis dicuntur, sed frequentius modos superio-
res apud eloquentissimos & doctissimos uiros inuenies.

Aiunt, dicunt, fertur. Cap. 195.

Cum tritum verbum volumus ostendere, et quod in ore
populo est utimur verbo impersonali fertur, uel personali
verbo aiunt, et nonnunquam dicitur, et eis singulis ut præ-
ponimus, et raro ita, sed interdum, exēpla huiusmodi sunt;
Nam sirenas (ut aiunt) surda debemus aure, transire; et
item; nam ita fertur, ut nusquam tuta sit fides. Item turpe
est tumultuantem (quod dicitur) de gradu deijci.

Mediam noctem. Cap. 196.

Nonnunquam ita dicimus noctem super mediam vigila-
mus; quod est ultra mediā noctē vigilamus, idq; et Servius
ipse testatur, et quorundam veterum probat autoritas.

Tendo. Cap. 197.

Contra sermonem tuum tendo, i. respondeo tibi, sicut &
tendo contra iter. i. tibi occurro. Sed hæc haud in frequenti
vfu oratorum inuenies.

Mæste. Cap. 198,

Mæste magis aucte, & est gloriæ, & laudis sermo, &

plerunque ablatiuo iungitur, ut *maeste uirtute esto*. Idq; & poeta vsurpant, & scriptores historiarum, & demum oratores ipsi; qui sermo (ut multi eruditissimi tradunt) a sacris deductus est.

Ad explicandum locum, siue genus, gentile nomen ac patrium effingimus. Cap. 199.

Quoties alicuius explicaturi sumus siue genus, siue locum, gentile, ac patrium nomen effingimus; quod qui secus effecerit, fortasse latine locutus sit; sed illepide poenitus, atque indecore; ut qui fuerit a Syracusis oriundus, non de Syracusis dicendum; sed Syracusanus; non de Athenis, sed Atheniensis, & sic de aliis. Atque in generibus, ac familiis nos non de cum ablatiuo utimur, ut multi; sed inde nomen efficimus, ut non de Scauris, sed Scaurus; non quidem de Gracchis, sed Gracchus; non de Catulis sed Catullus; non de Dathis, sed Dathus. Quam quidem ad rem id merito afferendum sit, quod Plinius ipse aiebat; quod derivationes non habent firmas regulas, sed exeunt, terminanturq; ut ipsis authoribus placet. Sic a Thauro Thaurum, Thauzeum, & Thaurinum dicimus, & quos nos Romanos dicimus, dicunt Græci Romeos; quos nos Carthaginenses, illi Carchidones vocant. Sed inensis, us atque as si ad loca pertinent, frequentiores terminationes sunt; ut Albanensis, Veronensis, Eleusinus, Tarentinus, Lacedemonius, Syracusanus, Arpinas. Alii quoque sunt eorundem nominum exitus, sed hi frequentiore usu celebrantur, quod idem & in quibusdam aliis fit, quæ neque a generis nominibus fluxere, neque loci ullius, ut Terentianus Chremes, Platonius Giges, Socraticus Gorgias; quæ omnia a propriis profecta sunt, atque originem traxe-

re, sed quæ alia hac de re dici possunt, tu ipse cogitatione cō-
plectere.

Conor. Cap. 200.

Conor hanc rem optime, ac peruenuste dicimus præser-
tim si difficilior sit & ardua. Quo pacto Cicero sæpe ute-
batur, ut de perfecto oratore. Magnum opus, & arduum
Brute conamur.

Studeo. Cap. 201.

Et studeo, si quid studiosius effecturi sumus, etiam accu-
satino pulcherrime iungitur.

Desidero. Cap. 202.

Desidero verbum pulcherrime positum est, nam cum de-
siderium sit absentium rerum persæpe dicimus, desidero a-
morem tuum, quasi tu non me ames, Desidero tuam pru-
dentiam; quasi sis insipiens, et ita de alijs.

Complector. Cap. 203.

Complector perdiffusum est atque ornatum verbum, præ-
sertim vero aliquibus adiectis, hac ratione; ut te amore, at-
que benevolentia complector, pro te amo, cogitatione com-
plector; quod est cogito. Et idest in animi facultate, sicut
consequor est rei ipsius.

De gerundijs. Cap. 204.

Illud ignorandum non est, quodd gerundius modus ab omni
verbo similiter procreatur, si quando nobis foret eo opus, ut
cantando rumpitur anguis. i. dum cantatur, ut ait Seruius.
Et alio in loco actiue dictum est. Cantando tu illum. i. dum
canis. Id efficere, atque vsurpare oratores queunt.

De quarto prætor & quartum prætor. Cap. 205.

Putant nonnulli nihil interesse, si quis dixerit, quarto
prætor, & quartum prætor, & sic de alijs. Sed magna

est certe differentia, ut Marcus Varro testis est; nam quarto prator locum significat, & tres ante factos, quartum vero significat tempus. Caue igitur diligenter, ne perperam hisce utaris rationibus, ne quid contra veterum, atque eloquentium morem consuetudinemque faciamus; quia tertium consul, ac tertio consul non idem significant.

Ruri esse. Cap. 206.

Sed ne plura sequar. nam infinita penè huiusmodi percipi possunt, id tene memoria, quòd non rure esse, sed ruri esse dicimus, quod cum Festus Pompeius affirmat, tum P. Terentius comprobat, ait enim ruri se continebat. Quamobrem, si qua iam reliqua sunt, paucis expediamus. Nam, cum pro conscribendis epistolis hæc potissimum attigerimus, si salutationis formulam & regulam & Calendarum, iduum, nonarumque observationem patefecerim, iure huic paruo instituto finem, ac modum statuerim.

Vale & salve. Cap. 207.

Vale igitur, ac salve verba, pro Marci Varronis, & omnium doctissimorum virorum sententia, idem significare videntur. Quibus nos alias in exercendo utimur. Ex quo terentianum illud est ualeant, qui inter nos dissidium uolunt, ac cupiunt. mortuis, quoque & qui mortalium uita decesserunt, quibus nullam huiusce lucis optare salutem possumus, nonnunquam uale dicimus. Et ueteres quondam eisdem idem pro morere dicebant, quasi nihil amplius mortuis cum uiuentibus futurum esset, & in perpetuum iam ab eorum aspectu discederèt. Nam neque ualent illi, neque salui esse possunt. Ob eandem rem addunt nonnulli bene, feliciterque; aduerbia, aut si quæ alia sunt eiusmodi significantia. Veruntamen in epistolis ipsis uale dicere in fine con-

sueuimus

sueuimus absque ulla aduerbij accessione, perinde ac amicis uitæ salutem, ac felicitatem exoptemus. Quid igitur uale sibi querat, quo ue illo pacto uiendum sit, nosce.

Dico tibi salutem, iubeo te saluere. Cap. 208.

Pro salue autem plerunque dicimus salutem dico, & si quem salutare cupimus, datiuo casu aptissime apposuerimus, ut uale & Cæsari dic salutem. Aliaqueq; erit salutandi ratio, ut iube Scipionem saluere, quod est Scipionem saluta. Nam ille modus uim quandam desiderij continet & pro antiquorum more, & consuetudine infinitiuius modus in alium transmutatur, ut iubeo te saluere. i. salue, iubeo te gaudere, pro gaude.

Meo nomine uel meis uerbis; pro mea ex parte. Cap. 209.

Quod uero alij ex mea parte dicunt, multo quidem ornatus dicitur uel meo nomine, uel meis uerbis.

De calendis, nonis & idibus. Cap. 210.

Quotā autem cuiusq; mensis diem uelimus intelligere, calendis, nonis, idibusue notamus. Neque quid illæ sibi uelint, nunc explicare consilium est, sed quo pacto dicamus singulorū mensium dies, & quomodo ab eis denominationem suscipiat. Quāobré intelligendum est in primis primū cuiusq; mensis diem calendarū appellatione uocari, secundum quas, nonarum dies constituitur. Et in alijs quidē mensibus septima luce Martio, Maio, Iulio, Octobri, in alijs autem quinta, Ianuario, Febuario, Aprili, Iunio, Augusto, Septembri, Nouembri, Decembri. Atq; omnes hi dies quī inter calendas & nonas intercesserint, nonarum cognatione censentur, ubi & numerum meminerimus, ac nonas ipsas, & ille ablatiuo constringitur, hic accusatiuo. Sed internumerandū & prapostero utemur ordine, & nonarum diem cōmune-

rabi-

rabimus. At nonis exactis, proximos octo dies, idq; in quolibet mēse, iduum similiter cognominatione significabimus, sed pari ratione tum ordinis, tum annumerationis; reliquos vero eius mensis, quotquot fuerint, dies calendarū appellatione notauimus, qui futuri ac proximi sunt mensis; neque originis, neq; numerationis ratione immutata. Atq; id omne exemplo illustrandum est, sitq; Martius nobis exemplo, cuius curriculum uno ac trigesimo die conficitur.

Prima itaq; dies erit calendis Martij, secunda sexto nonas Martij, tertia quinto nonas Martij, quarta quarto nonas, quinta tertio nonas, sexta non dicitur secundo nonas, sed pridie nonas. Septima dies nonæ erunt Martij, octaua octauo idus Martij, nona septimo idus Martij, decima sexto idus Martij, undecima quinto idus, duodecima quarto idus, decimatertia tertio idus, quartadecima pridie idus, quintadecima idus erunt Martij, sextadecima decimo septimo calendis Aprilis, quoniam is mensis proximus sequitur decima septima, decimo sexto calendis Aprilis, decima octaua, decimo quinto calendis Aprilis, decima nona, decimo quarto calendas, uigesima, decimo tertio calendas, uigesima prima, duodecimo calendas, uigesima secunda, undecimo calendas, uigesima tertia, decimo calendas, uigesima quarta, nono calendas; uigesima quinta; octauo calendas, uigesima sexta; septimo calendas, uigesima septima; sexto calendas, uigesima octaua; quinto calendas, uigesima nona; quarto calendas, trigesima, tertio calendas, trigesima prima, & nouissima pridie calendas Aprilis, in cæteris omnibus eadem seruanda est ratio. Dierum autem numerus haud te lateat, qui in promptu est omnibus.

Pridie

Pridie calendas, pridie nonas, pridie idus.

Cap. III.

Pridie autem calendas, pridie nonas, pridie idus significat, quod tusco more die crastini, & die quinti, & die quinto, similiter pro adverbio, verum nos priscam nobis, & horridiorem vetustatem ubique fugere, ac vitare debemus. ac bene & præclare Cæsar percipere solebat, tanquam scopulum sic fugiendum esse inauditum atque insolens verbū. Pro genitiuis autem mensium rectius possessiua nomina finxerimus, vt pro calendis Martij sic venustius dixerimus calendas Martias, & ita Apriles, Maias, Iunias, Iulias, aut quintiles, augustas, seu sextiles Septembrias, & ita Ianuarias, & Februarias. Quod autem in calendis, nonis, & idibus ablatiuo casu iungimus, idem possumus in accusatiuū transferre, & ad præponere, sed id significat tempus fere diuturnum, vt ad decimum calendarum Februarij dedisti ad me literas. Ego vero ad octauum idus Ianuarias ad te scripseram, habet enim vim temporis vehementiorem hoc posterius.

Operis peroratio.

Ne igitur plura scribam, hæc mihi sese in præsentiarum obtulerunt, quæ annotatu digniora visa sunt; quæque tibi multo plus fortasse conducent, quàm eorum præceptiones, qui easdem & epistolis, & orationibus tribuunt partes. Quorum penitus eripiendus est error, atque ita sentiendum, vt literis in ipsis, apte, concinne, dilucideq; scribamus, ac nostram sententiam, atque mentem quàm commodissime, aperiamus. Quod si hæc diligenter tenueris, ex infinito pene harum rerum numero alia quædam non minus

minus fortasse vtilia, sed multo grauiora subneclā. Quam-
obrem (vt facis) cupidissime studia literarum complectere;
que ea, quæ in dies assequeris, ad exercitationem accom-
moda. Vale.

Augustini Dathi Senensis Elegantiarum.

F I N I S.

Hoc Epigrammate notatur, quoda die cuiuslibet mensis
Calendæ, nonæ, inclusiue signentur.

sex nonas Maius, October, Iulius, & Mars,

Quatuor at reliqui, tenet idus quilibet octo.

Inde dies reliquos omnis die esse Calendas.

Nomen sortiri debent à mente sequenti.

Iunius, Aprilis, septemq; , nouemq; tricenos,

Vnum addas reliquis, viginti Februus octo.

ERV DITISSIMI GRAMMATICI

Augustini Dathi Senensis de nouem uerbis con-
tra vulgatam multorum opinionem, Libel-
lus ad discipulos cariores.



NON debet omnino arrogans videri, opti-
mi adolescentes, et carissimi fratres, con-
tra veterum sententiam, ea improbare
nonnunquam quæ auctoritate quadam po-
tius quàm certa vlla ratione à veteribus
ipsis tradita sunt. Nec vllò aut senatuscō-
sulto, aut plebiscito cogimur, vt cum il-
lis semper sentire debeamus. Sæpe philosophorum, sæpe
E etiam

etiam oratorum, falsa sententiæ & opiniones reiiciuntur. Cur igitur grammaticorum non possint, quorum (ut nemo dubitat) incerta sunt omnia? Neque enim illam prorsus rerum suarum stabilem legem seruant. Opiniosissimi homines sunt, & nihil vnquam certi præcipiunt. Bene Flaccus ait, Grāmatici certant, & adhuc sub iudice lis est. Neque est vel apud græcos quisquam; vel apud nostros, quem satis firmiter probare ausum. Video discrepantes inter se Apollonium; Horodianum; dissidentes, Caprum, Phocam, Cassium; dissidentes Probum, Donatum, Seruium. Taceo Priscianum, qui inconstantiam religionis doctriinæque suæ leuitatem perspicuè patefecit. Philosophiam saepe cum Grammatica arte & literarum eruditione temperauit. Philosophus egregiè magnus, acutè ac subtiliter de vocalibus & semiuocalibus literis philosophatus est. Quæ scripsit; ita omnia perfecit ingenio, atque elaborauit industria, ut quod dixit in Gorgia Socrates, colligata ferreis esse, & adamantinis rationibus videantur. Quid multa? Ex mutis, & consonantibus literis Christianæ fidei repudiavit religionem, Ex declinatione autem nominum, & coniugatione verborum necessario intulit discedendum sibi a Christo, & Iuliano apostatæ adhaerendum. Quis non laudet, eam boni negociatoris commutationem? Principem mundi deseruit, ut Iulianum consulem, ac patrium coleret. Quam vero præceperit perutiliter, qui ignorant, legant Laurentij Romani hominis diligentissimi librum, quem de latinæ linguæ elegantia eruditè perscripsit, ubi in singulis pene locis singuli huius egregij præceptoris manifesti corripuntur errores; & quæ in bundus nomina exeunt, similitudinem quandam dicit signi-
ficare

ficare Priscianus, cum longe aliter probatissimorum veterum autoritas semper ea terminatione vsa conspiciatur. Sed non potuit reperire omnia in tripode Apollinis. Vbertatem quandam & abundantiam significant ea nomina, vt in Isagogicis nostris satis copiose diximus. Quatuor rebus constare perhibent grammaticæ artis uim, Ratione, Aucto-ritate, Vetusstate, consuetudine. Sed hæc omnia nihil omnino habent firmitatis, Ratio sæpe claudicat, variatur auctori-tas, Vetusitas obsolescit, teritur consuetudo.

Magna inter grammaticos colluctatio est vtrum . F. li-tera inter semiuocales, quæ ἡμιφωνα dicuntur; an inter mu-tas quas, ἀφωνα Græci uocant; annumeranda sit. Et H. pro-quagraci Dasea vtuntur; litera ne, an nota aspirationis sit, nondum satis constat; Senem Priscianum si longius produ-xisset etatem ingentia de ea re volumina arbitror scriptu-rum fuisse.

Vesperī aduerbium est, id grāmaticorum turba vno ore consentiunt. Sed diutius inuestigantes vtrum a vespero, an a vespere inflexum sit, quo se vertant miseri nesciunt.

Parcus vnde originem traxerit magna dubitatio est siue quasi pecuniarius dictus sit, siue a parū dictū nomē, scire q̄s possit. Posthumus quid significet ignorat vulgus grāmatico-rum, sed nec dū cōpertū Apollinari, et Cefelio posthuma p-les. Et apud Virg. 6. Aeneidos, Quid? An ne eū significat qui patre mortuo natus est, an qui postremo loco potius? La-tuit forsitan & iuriscōsultos, cū de liberis & posthumis præ-scripserint. Sed quidē est quod grāmatici certi tradiderint.

Littus apud Virgil. alij exponunt, quem consuetudo u-surpat, adiacentem mari locum, & sicut iurisconsulti re-cte interpretantur, quousque maximus hybernus fluctus a

mari peruenit. Alij locum potius ante aram;quàm pugna
Seruius & Donatus pugnaverunt iampridem. Sed quasi
æquo Marte dimicauerint, neuter victoriam adeptus est.
Quod pleriq; omnes faciunt adolescentuli, ut animum ad
aliquod studium adiungant, aut equos alere, aut canes ad-
uenandum, aut ire ad philosophos. Verba sunt apud Teren-
tium comicum in Andria. Quæ quid sibi velint disceptan-
tibus, Grammaticis, scire adhuc nemo potuit. Agmina con-
certant literatorum hominum Prisciani, Donati, Seruij,
Asconij, cæterorumq; pene innumerabilium. Pleriq; omnes
Attica locutio, & à Græcis sumptus sermo est, quos omniū
pene artium auctores habemus. pleriq; omnes est oēs faciunt
adolescentuli. Pleriq; ut equos alant, aut canes ad venandū,
pleriq; ut ad philosophos eant, pleriq; oēs, est pleriq;, immo
oēs faciunt adolescentuli, pleriq; oēs, pleriq; & omnes fere
sunt. Cum autem duo in eadem oratione eiusdem significa-
tionis posita sint, alterum abijci consuevit. Enimvero est cer-
te. altera particula orationem complet. Eodem modo, pleri-
que omnes adolescentuli, est omnes adolescentuli. Plerique
omnes adolescentuli (ut alij argumentantur) est maior pars
adolescentulorum. Quis obsecro in tam magna opinionum
varietate non insaniat? Quis non irrideat tam pueriles
aut aniles controuersias? Itaq; cum tam varia veteres grā-
matici sentiant, non tam est habendum religioni. si aliquan-
do ab eorum opinione discesserimus. Fando etiam grauiā
nonnunquam admitti scelera consueuerunt, vt est in Phæ-
dro Platonis. Sed nostra in vituperandis veteribus culpa
eiusmodi erit, vt facillime expiari possit, etiam si non imite-
mur Stesicorum ac Palenodiam conficiamus. Non possunt
vbique veterum probare sententiam. Legi Prisciani libros.

*A. Gelli, Seruij, Quintiliani, Pompeij Festi, Nonij Marcel-
li, Asconij Pediani, Phocæ, Donati, & omnium probatissi-
mi. M. Var. Isidori, & quorundam, quorum recentior me-
moriam est. Atque hi omnes (ut mihi quidē uidetur) studiose
exquirunt, vnde uerba ducta sunt, sed plerique eorum, Ma-
nes, Lucus, Bellum, Officium, Parca, Ludus, Otium, Cælum,
Eumenides, & alia nonnulla nomina, per contrarietatem
dici existimarunt, et in eis uocabulis deriuandis repente ac
forsitan inconsulto ad antiphrasim confugerunt. Quorum
ego (ut aperiam meam sententiam) nullum per contrarium
dici arbitror, si diligentius & ipsa nomina, & quæ per ea
significantur, respicere uoluerimus. Ac sigillatim vnum-
quodque quod propositum est, differendum uidetur, Manes
(ut Grammatici credunt) dicuntur, propterea quod nequa-
quam per antiphrasim, Si Manes Dij inferorum sunt, patior
æquo animo per contrarium appellari. Si Manes aduersum
quid significant, non moleste feram ita deduci, quale est il-
lud, Suos quisque patimur Manes. Sin uero, Manes pro ani-
ma atque umbra sumantur, cur manes dicti, quia non boni?
Manum significare bonum nec nos latet; qui & Macrobij
Saturnalia & Marcelli & de significatione uerborum li-
brum legimus, vnde et forsitan mane tractum est auspicio
boni hominis, ut reliquis diei partibus, bene ac prospere suc-
cedant omnia. Manes uero cur aliunde, deducunt, cum absq;
ulla contrarietate, uel ἀπὸ τῆς μάνης Græca dictione, quæ
furorem aut insaniam significat uel si quibus græcæ literæ
displiceant a Mano uerbo proficisci queat. Manare non tā
aquarum fluentium quàm Solis proprium est in emittendis
radiis, vnde potius, Mane originē sumpsit, quod in ea diei
hora, Sol manere incipiat, atque emittere radios, & demū*

spargere lumine terras . Sol vero cum decurso inferiori hemisphere nobis oritur, videtur ab inferis & profundis manibus prodire, ut iam nostrum hemisphere luce compleat. Unde & cum de polo Arctico, & Antartico noster Maro loqueretur, in hunc modum cecinit in Georgicis . Hic vertex nobis semper sublimis at illum, Sub pedibus styx atra videt, manesq; profundis. A Manibus igitur Sol oriens manare videtur, atque inde ad nos resurgere . Nec id dixerim quod ab his Sol exeat, qui Zodiacum Circulum ambiens eadem signa per annos singulos certa lege metitur . Sed quod videri soleat, spectant multitudini, qua ratione et alia quoq; nomina nonnullis rebus indita sunt . Nonne Aegeum mare idcirco quidam appellatum ferunt, quod crebra in eo insulae procul aspicientibus, species caprarum videantur . Nec tamen illae caprae sunt, sicut nec a Manibus Sol oritur, qui inde ab imperitis, & indoctis manare creditur . Siue igitur a *μᾶν* græca dictione siue a *mano* latino verbo, Manes dicti sunt, certe per contrarium non dicuntur.

Quid lucus . Nunquid nam per antiphrasim dicetur, Clamat vulgus grammaticorum, fieri lucum a lucendo per contrarium, quod non luceat. Verum si diligentius aduerterint, intelligent profecto longe se a vera derivatione aberrare. A lucendo dicitur, fateor, sed per contrarium nequaquam ducitur. At credendum Quintiliano est, Lucus dicitur, quia umbra opacus parum luceat. Et beatus Hieronymus ad Faustinum, antibi bellus videris quia fausto vocaris nomine? Quasi non & Lucus ideo dicatur, quod minime luceat? Ignoscat nobis Quintilianus, det pater Hieronymus veniam, qui tunc nominatus, ad quem scribebat alluderet. Lucus quod vere luceat, magna approbante gravium testium corona non

non ambigue appellatus est, quod in nemorum opacitate, in arborum frondentium umbra, sacrificiorum ignes splende-
 ſcant, luceant holocaustorum flammæ. Itaque lucos dica-
 tos ubique Dÿs legimus; Nusquam luci commemorantur
 nisi Dei cuiusquam aut alicuius sacrificij habita mentione.
 Illud Servius diligenter aduertit, nunquam sine religione
 lucum esse a Virg. positum. Hoc qui dubitat, percurrat si-
 gillatim Maronis libros. Iam subeunt Triuiæ lucos. Luci &
 Diana recte se habent. Latet arbores opaca Aureus, & fo-
 lijs, & lento vimine ramus, Iunoni infernæ dictus sacer,
 hunc tegit omnis Lucus, & obscuris claudunt conuallibus
 umbrae. Lucus non sine inferna Iunone ponitur. Aeneas ad
 Sybillam, Nec te ne quicquam lucis, Hecatae præfecit auer-
 nis. Lucos Proserpina comitatur. Quale iterum illud, Sed
 me cum lucis Hecatae præfecit auernis Ipse Deum pœnas
 docuit, perque omnia duxit. Sed & ibi luci non sine numine
 referuntur. Proxima Circeæ raduntur littora terræ, Diuos
 in accessos ubi solis filia lucos, assiduo resonant cantu. Et
 in alio loco de Turno, Luco tum forte parentis pilumni
 Turnus. sacrata valle sedebat. Frustra tam multa ex eodem
 poeta testimonia referuntur. Quid apud ceteros pbatissimos
 auctores? Silius Italicus sæpe lucos memorat, sed nūquā ta-
 men religione seiungit. Et in tertio lib. de bello punico Lucos
 nemorosaq; regna Cornigeri Iouis, & fulgentia tépla colum-
 nis. Et in verbis Aristæ sacerdotis. Has umbras nemorū, &
 conuexa cacumina cælo, Calcatosq; Ioui lucos prece Bostar
 adora. Et rursum in alio loco. Inter anhelantis Garamantis cor-
 niger Hāmon Fatidico pādīt venientia secula luco. Id ipsum
 apud eundem Poetā in plerisque locis. Statius & ipse poeta
 illustris, non præter hanc significationem Lucū posuit. Tunc

viridis late, Lucus inga celsa Minervæ, propter opacat hu-
mum. Sicut & Lucanus sacratum nemus scribens ait, Lu-
cus erat nunquam violatus ab ævo. Iuvenalis autem Lucū
Martis dixit, & deum cū luco erudite copulavit. Nota ma-
gis nulli domus est sua, quàm mihi Lucus Martis. De quo et
pulchre Pompeius Trogus in 43. historiæ libris & ipse
quoque Lucum Martis appellans. Propertius quoque pari
ratione lucum posuit cum religione coniunctum. At nunc
desertis cessant sacraria lucis. Itaq; & in sacris libris, cum
de loco sacrificii agit, præcipitur iuxta altare, lucum, & ar-
bores nō plantari. Id quòd Hiero. noster scribens in 12. Pro-
phetas, nonnunquam refert. Et in exodo Moysi præcipitur,
Aras gentiliū destrue, & confringe statuas, locosq; suc-
cide. Et in 3. Regum libro, cum de Asa rege vera haberen-
tur insuper & Macham matrem suā amovit, ne esset prin-
ceps in sacris Priapi, & in luco eius, quem conservauerat.
Sed infinita pene huiusmodi exempla reperiuntur. Cicero
denique in tertio de natura deorum, ubi Aesculapio ser-
mo est, ac de tertio Aesculapio inquit. Cuius arcana non
longe a Lusio flumine, sepulchrum & lucus ostendit. Nec
igitur per antiphrasim luci dicuntur, sed quòd in nemorum
umbra luceant sacrificiorum flammæ, ubi accensi semper
flagrant altaribus ignes. Bellum (ut plerique autumant)
per antiphrasim dicitur, quòd bellum. i. bonum nullo mo-
do, sit. Nos autem omittamus, quod multa sæpe bella, ne-
que mala, neque turpia sunt, ut illa, quibus vel iniuste subla-
ta repetuntur, vel propulsatur iniuria, & pax tutior, ac
firmior comparatur, Bellum non ambigue a belluis dictum
est. Belluarum enim maxime propria bella sunt eademq;
ob ferinas flagitiosorum hominum mores, ad homines
sunt

sunt translata. Nam genus hominū suo ingenio, tum iustitiæ præsidio, tum linguæ ac verborum disceptatione contentum est. Hanc vero nominis huius deductionem, negare nemo poterit, qui veterum scripta diligentius aduerit. Ciceronis in primis, qui in primo de officiis libro, nostram sententiam sua auctoritate confirmat. Nam, cum sint, inquit, duo genera decertandi, vnum per disceptationem, alterum per vim, cunque illud proprium sit hominis, hoc belluarum, confugiendum est ad posterius, si uti non licet superiore. Quibus verbis ostenditur, bellum potissimum ad belluas pertinere, quæ suscipere homines non nisi inuitos, decet:

Officium, qui vim verborum ignorant, dictum putant per contrarium ab officio, quod memini noceat. O præclara deductio, o egregia doctrina, Officium dicitur, quod nemini noceat. Vnde hæc tam crassa rusticitas? Quid est obsecro officium? Nonne actionem virtutis potissimum significat? Quid sibi vult liber Ciceronis de Officiis? Illic nanque traditur, Virtutis laudem in actione consistere. Quemadmodum vero vitium, & peccatum inter se differunt, quod alterum habitus est male constituti animi; Alterum actus malorum, atque exercitatio. Ita virtus bene compositæ mentis habitus est. Officium virtutis operatio, & exercitatio quædam honestatis. Quemadmodum officia dicerentur ab honestate, & ab omni genere virtutis satis explicatum arbitror libro superiore. Ita Cicero inquit secundo de officiis. Tria in virtute considerantur; Frequentia quædam, ac multitudo actuum, quibus animi habitus comparatur, partus habitus, & acquisiti habitus exercitatio; Officium profecto nihil est aliud, quàm virtutis, quæ habitus animi est, vsus quidam, atque exercitatio. Itaque & perfectum officium vocabant,

cabant, Stoici *ἡγεμονία* quod rem gestam feliciter signifi-
ficare videtur. Geritur officium, quia ipsum actio quaedam
est. Officium igitur effectiōem quandam significat virtutis,
& ab efficio ob eam causam originem traxit. Adest huius
deductionis, atque sententiæ, nec minus doctrina, & erudi-
tione, quam sanctitate præcellens, Beatus Ambrosius incli-
tus Doctor sacri eloquij, qui & ipse de officijs libros ele-
gantissimos edidit, In quibus cætera præclara omnia, hoc
pererudite. Officium inquit litera immutata quasi efficiūm
dicitur, propter decorem sermonis. Huic igitur assentiri
debemus; non vulgo imperitorum grammaticorum. Sed
iam satis de officio, nunc ad reliqua pergamus. Parca enim
quinto loco præposita est. Parca per contrarium dicun-
tur, quod nemini parcant, sicut illi dicere consueverunt,
qui se grammaticam artem docere profitentur; sed quæ
tandem docent antiquam discant; Parce tria fata sunt se-
cundum poetarum fabulas, quorum sub iure tenentur om-
nia, quæ seriem fatorum pollice ducunt. Longa quæ ferratis
euoluunt secula pensis. Quamobrem (ut veteres opinaban-
tur) humanæ uitæ Parca præerant, quæ, quoniam parcissi-
mè impartiantur, ita a parco, vel a paruo ductæ sunt, quæ
res maxime humanæ uitæ angustias patefacit. Sed hoc ma-
gis explicauimus in ijs commentarijs, quos in Virgilium pri-
dem exorsi sumus. Marcus autem Varro quicum sentio li-
benter, a partu dicit, Parcas, nuncupari, quod partui præ-
sint, immutatio literæ facta est Quam sententiam & Aul.
Gellius firmiter roborat libro. 4. noctium atticarum. Quo
in loco verba facit de tempore humani partus. At vulgus
grammaticorum, neque Varronis legit de origine latinæ
linguæ libros, qui maxime ad grammaticos spectant, neque

quid

quid Gellius sentiat, ceterique ueterum probatissimi, magni
æstimat. Sed siue a parco, seu a partu Parca dicitur, per
antiphrasim utique non dicitur.

Ludus iam prodeat in medium, quod nomen & per con-
trarium ita appellari tradiderunt artis grammaticæ profes-
sores, quorum explodent sententiam, qui accuratius vim,
atque originem vocabulorum perspexerint. Ludus inquit
grammatici, eo dicitur, quod longissime sit a lusu. Ego dici
arbitror, quod ad eos ludus pertineat, qui propissime lusus
sunt. Ad pueros nanque ludus proculdubio spectat. Et pro-
be Flaccus. Et puer es, nec te quicquam nisi ludere oportet.
Quamobrem duplex institutio, et doctrina ab eruditis uiris
tradi solet. Altera enim puerilis est, et tenerioris ætatis; Al-
tera grauior, ad grauiores viros pertinens. Hanc partiti-
onem Pythagoras obseruare solitus est, ut apud A. Gellium
cerni licet. Leniorem institutionem significauit Iuuenalis.
Et nos ergo manus serula subduximus, quod ad grammatico-
rum scholam pertinet. Et nos consilium dedimus Syllæ priua-
tus ut altum Dormiret. Quod ad declamationes, & Rhetor-
um scholas refertur. Nam agebatur quidem utrum fecerit
sapienter L. Sylla, cum dictaturam sponte deposuit, an po-
tius nesciuerit literas; id quod obiectare, C. Cæsar solitus
erat. & grammaticæ artis, & rhetoricæ studium, ad le-
uiorem institutionem pertinet. Contra philosophicæ, & ora-
toricæ artis exercitatio; iuris denique & legum peritia, con-
stantiorem ætatem dicet. Et M. Tullius secundo de Orato-
re ad Qu. Fratrem, magna inquit nobis pueris Qu. Frater
opinio fuit Lucium Crassum non plus attigisse doctrinæ,
quam quantum prima illa institutione potuisset. Itaque
puerilis institutionis ludus proprie nuncupatur in quo
prima

85
prima ætas ad res leuiores instituitur. Quocirca & magister ludi non alius, cum qui grammaticam artem præcepit, consuevit a ueteribus appellari. Vt cum dicitur Dionysius iunior tyrannide depulsus, ludum Corinthi aperuisse, ne inopia, atque egestate præmeretur, puerorum eruditionem ludis complectitur, & leuitatem quandam inferioris disciplinæ. Quare & ludere est, aut leuiter scribere, aut leuiter differere. Hinc Virgilius, Ille meas errare boues (ut cernis) et ipsum Ludere quæ uellem, calamo permisit agresti. Alio vero loco. Ludens hæc ego, teste te Priape orto Carmina digna, non bello scripsi non numium laboriose. Quid M. Tullius in paradoxis; Ego uero in ipsa quæ uix in gymnasiis & Ocyro Stoici probant, Ludens comeci in communes locos. Non sunt Fabij Quintiliani sententiæ Delphici Apollonis oracula, ut eis tanta sit adhibenda fides. Nō hoc uidit Quin. Neque enim dixisset ludum appellari, quod longissime a lusu sit P. Terentium non satis aduertit; uerborum omnium diligentissimum, apud quem Laches in Ecira de mulieribus, In eodem omnes mihi videntur ludo doctæ ad malitiam, & ei ludo (si usus est) magistrā hanc esse certe scio. Illud quoque manifestius in Pbormione, ubi Geta seruus ita iquit, Restabat aliud nihil, nisi oculos pascere, sectati in ludum ducere, & reducere. De Virgine enim sermo erat, atque post, in quo discebat ludo, ex aduersum erat ei tonsrina quædā. Quod si quando ad res grauiiores ludus vsquam uertitur (crede mihi) proprietates, et vis ipsa uerbi transfertur. Quare Cicero de claris oratoribus; ita de Isocrate, qui erat rhetor inquit. Cuius domus cuncta Graciæ quasi ludus quidam patuit, atque officina dicendi. Quid est quasi ludus, Certe sciebat, Cicero ludum non ad grauiiores disciplinas, sed ad grammaticam,

maticam, & Puerilem institutionem pertinere, qui utique lusus est pro maioribus, atque altioribus scientiæ, & philosophiæ studijs. Neque est igitur ludus longissime a lusu, nec semper uera literatores profantur.

Iam vero otium aggrediamur in quo nomine potissimū nemo arbitratur antiphrasim posse euitari. Itaque plerique omnes dictum putant per contrarium quod non ocius sit, & velox; Sed segne potius, tardumq;: Otium quo pacto inquit velox est? Id est enim ocys apud græcos, quod quidem absolutum nequaquam inuenitur in latine lingue usu. Ex quo & ocymum profectum est, oleris genus, a celeritate quadam ac velocitate nascendi. Hanc Basilicam vulgo, & regiam herbam vocant. Paululum hic nobis philosophandum est. Duplex nanque fertur vitæ genus, quod ad hunc locum pertinet. Contemplatiuum vnum. Actiuum alterum, de quibus multa apud philosophos sæpe tradita sunt. Et negocium quidem ad actiuum spectat vitæ genus. Otium ad contemplatiuum. De his Cicero primo de Oratore; Perbeati mihi illi videntur esse, qui in optima repu. eum vitæ cursum tenere potuerunt, ut uel in negotio sine periculo, vel in otio cum dignitate esse possent. Et Lactantius in primo sacrarum institutionū; de uiris, ut suum otium ad nostrum negocium contulisse videantur. Macrobius autem super VI. Ciceronis de repu. lib. duplicem asserit virtutem, negociosam, scilicet, & otiosam, & illam tribuit ciuitatum rectoribus, & gubernatoribus rerum publicarum. Hanc philosophis, & qui scientiam rerum speculantur. Quemadmodum igitur qui in negociis versantur, seipsos exercent, ita multo magis, qui se ad otium conferunt. Magna negociosæ uitæ exercitatio est. Longe otiosæ maior, in qua celeriter mens, assidueq; versatur.

Neque

Neque mens vnquam quiescit, vt ipse quoque Cicero ait. sed & Thales Milesius vnus de septem sapientibus, mentem dicebat velocissimum esse eorum, quæ sunt. Nam per vniuersa discurrit, ac tum maxime mens exercetur, atque versatur, cum maxime a corpore, ac sensibus sciungitur, in illa meditatione mortis, quam philosophi tradunt, atq; etiam tunc potissimum, cum longius a negocijs, abest, quæ mentis exercitationem, ac celeritatem, plurimum impedire consueuerunt. Nam, qui dicit ocium desidiam, inertiam, segnitiam, negligentiam, pigritiam, torporem idem significare grammaticum eum constat agrammaton esse; literatorem absque literatura; illud pulchrum est Artili (ut ait Plinius) eruditissimè, simul ac facetissimè dictum. Satiùs est ociosum esse, quam nihil agere, quòd cum maxime otiamur, tum maxime contemplamur, cogitamus, scribimus. Itaque cum sumus necessarijs negocijs, curisq; vacui, tum auemus aliquid videre, audire, discere, cognitionemque rerum occultarum, aut admirabilium inter ociandum aggredimur. Id ergo tempus cum a negocijs feriamur, cum nos tutos contemplationi dedimus, ocium re appellatur. Quare & sæpe vsurpamus cum mihi ocium fuerit, ad te scribam. Et sæpe Mar. Tullius. quòd datur ocij, libentius in philosophia consumere consueuimus. Illud quoque similiter, quantum mihi, vel fraus inimicorum, uel causa amicorum, uel reipub. tribuetur ocii, ad scribendum potissimum conferam. Et Plinius in epistolis. Ex communibus amicis, cognoui te & disponere ocium, & ferre. Ac ne quis vllò pacto desidiam suspicaretur, statim intulit. Multum audire, multum disputare, cunque plurimum scias, quotidie tamen addiscere aliquid; Ei in calce eiusdem epistolæ precans loquitur. Quando secessus

cessus mei non desidiæ nomen, sed potius tranquillitatis, accipient, Quod ocium non desidiæ sit, sed potius tranquillitatis, cum cessamus a laboribus, & negocijs, & impense, studioseq; studijs rerum, & contemplationi indulgemus, ubi mens profecto celere, velociterque uersatur. Sed quo pacto hæc intelligant nebulones? Maiora sunt, quam quæ ab imperitis grammaticis cognosci queant. Qui autem ocio abutuntur, ij aliquid addere consueuerunt, ut Terentianus Menedemus ad filium. Nulla alia ex re istuc fit, nisi ex nimio ocio. Nimum ocium appellauit, quod vituperaret, & languidum, & inutile ociũ vocare solemus, qd vitio datur. Quod Valerius Maximus industriae, ac studio maxime contrarium videri dicit. Quamobrem idem ipse Valerius lib. 8. Gestorum memorabilium, duplex ocium constituit. Alterũ quod etiam inertibus vitandum. Alterum quod strenuis quoque interdum appetendum est. Neque enim qui recte ocio vtuntur, ita feriantur, ita cessant, ut languore, ac desidia torpeant, cuius vim nominis, nemo (ut arbitror) vnquã aduertit, nisi forte diuinarum literarũ præceptores, qui dum scirent id esse ocium quod modo diximus, desidiam cum vocarent, vocabulum erudite distorquentes, maluerunt ociositatem appellare quam ocium. Et erudite Bernardus nouo vsus nomine, Ociositas inquit, mater est vitiorum, nouerca virtutum, Et cœnobitarum pater Benedictus, in ipsa monachorum institutione, ociositas inimica est animæ. Quod igitur inter contemplandum, atque in ipso ocio celerius mens, animusque versantur, ab ea celeritate exercitationeque studioiore animi ductum tractumque, ocium est. Ut Cicero etiã ostendit de legibus. Natura ipsum hominem celeritate mentis ornanit, Sed satis de ocio ipso dictum arbitror. Plus

ra autem,

va autem,quàm de reliquis,idcirco diximus , quia pulcher-
rimarum occultarumq; rerum veritas,tam facile persuade-
ri non potest , vulgo præsertim reclamante , ac refragante
grammaticorum . Nunc vero de cælo pauca dicere inci-
piamus.

Cælum,ut plerique aiunt grammatici , contrario nomi-
ne,quasi cælatum dicitur , quod apertum est . Photionem
Atheniensem libenter imitamur,qui gloriari solebat in eo,
quod plurimum a vulgi sententia,uel potius dementia desi-
deret. Rectius Aelium sensisse credimus,qui dictum scribit
propterea,quod cælatum est , quod & in libro de origine la-
tinae linguae,Varro refert . Sed multiplex de huius vocabuli
origine sententia est;sed nullo modo per contrarium dicitur
quod in nulla significatione eius à contrarietate ducatur,
Cælū vel a cælando,dicitur,vel (vt alij existimant viri eru-
ditissimi) a Cælio nomen traxit,genere quopiam ferramenti,
quod alias Cælionem,alias Scalpellum vocant . Quod qua
ratione,qui argentarij nuncupatur,vasa cælant;et designan-
do incidunt,atque insculpunt.Ita & artifex rerum omnium
Deus,domicilium suum insigniuit , ac syderum lumina im-
pressit , Quod Lactantius Firmianus etiam comprobat di-
cens Pater noster,ac dominus,qui condidit,firmauitque cæl-
um,qui Solem cum cæteris syderibus induxit,& vtrunque
per æ diphthongum scribitur,vt hanc deductionem arguere,
ac demonstrare videtur . Quidam à græco sermone dictum
arbitrantur.Nam κοιλόν (concauum,& conuexum signifi-
cat,eaque esse cernitur ipsius cæli forma ac figura.Sed si ita
foret,magis , per æ scriberetur propter græcam diphthon-
gum,oi, quod nusquam tamen apud doctos veteres , atque
in emendatissimis codicibus repertum est. Quidam cælum à

cauo dici uolunt, in qua sententia fuit & Mar. Terentius. Itaque secundum Pacuium, hoc circū supraq; quod cōplexu continet terrā, cauum cælū dicitur. Franciscus Philolphus, vir nostræ ætatis eloquentissimus, & eorū qui humanitatē affecuti sunt facile princeps, a cælando cælum appellari censet, non quod superna illa atque inuisibilia cælet nos, atque abscondat, sed quod cælata, & abdita omnia in cælo pateāt, reuelentur, & conspicuē videantur. Cuius sententiæ optimam affert rationem; quod et græci cælum οὐρανὸν uocant, ab eo, quod τοὐρανὸν intueri, & videre apud græcos significat. Siquis obijciat cælum diphthongum admittere, sed minime cælo verbum, unde deriuari dicimus, id nos respondisse satis est H. quæ apud græcos e longa est, apud nos persæpe in æ conueriti, ut scæna, cæra; alia item complurima. Idem etiam fieri nonnunquam in nostris dictionibus depræhendimus, præsertim eadem perscuerante syllabæ quantitate. Sed ostendisse me arbitror non dici cælū contrario nomine, quod vulgus grammaticorum, & bacchantium nebulonum, turba frequenter assenerat. Eumenides quæ furias infernas significant (ut nostis) ne ipsæ quidem per contrarium dicuntur, quanquam uix audeo Hieronymi repugnare sententiæ. Sed opinor adeo res altissimas, & cælestes contemplabatur ut leues hasce ineptias, stoccipenderet; eu, bene significat apud græcos, manum bonum, quorum nentrum ministris pænarum, ac suppliciorū conuenire videatur. Nos dicimus Eumenidas bene furentes appellari, ab eu quod est bene, & mania, quod furorem dementiamue significat. Ex quo & nostri a furore furias nuncuparunt, neque per contrarium nullo pacto dictæ sunt. Itaq; apte, atque erudite de his Statius in Thebaide, circumq; ministras, Funestorum operum

*Eumenides Stygiâq; seueros, Iunonis thalamos, & torua
cubilia cerno. Atque has poetæ saepe etiam furias vocita-
runt. Idem Statius lib. 2. ubi de Laio. Et primas furiarum
pertulit iras. Et Claudianus de raptu Proserpinæ. Coniu-
rant furia, crinitaq; fontibus Hydris Tesiphonæ. Et Iuue-
nalis ad eum, qui quum sanus esset, iam insaniens videretur,
ita inquit. Dic qua Thesiphonæ, quibus exagitare colubris?
Pauloante dixerat, certe sanus eras. Nec aliud sibi vult Eu-
menidum nomen, furorem insaniamq; significat. Benefuren-
tes autem dicuntur, quod plurimum furere, & dementire
videntur. Nam sicut male aduerbiū minuit, ita bene exau-
get. Nec per contrarium Eumenides dictæ sunt. Multa præ-
terea sunt, quæ a grammaticis tradita nequaquā satis pro-
bari possunt; Hæc si velim uel refellere, uel enumerare,
non libello, sed lato potius volumine opus sit. Huius ea po-
tissimum causa est, quod cum grammaticorum, poetarum
pertractatio, Historiarum cognitio, Verborum interpreta-
tio, pronuntiandi sonus proprius sit; tamen omnia sibi cupiūt
vendicare, omnia tentant, nihil certe conficiunt. Philoso-
phiam omnes eius partes Mathematicas disciplinas, Theo-
logiam quoque, omne denique scientiarum genus, sibi assu-
munt grammatici, ut ea demetant, quæ certæ ipsi non se-
ruerunt. Quare hortor vos, et illud in primis moneo, ut in
vocalibus, ac dictionibus pernoscentis, non tam gram-
maticorum scripta, quæ saepe mendorum plena sunt, quam do-
ctissimorum hominū, & veterum, & nouorum monumen-
ta, studiose legatis. Quorum quum expenderitis uerba, elu-
cescet (credite mihi) repente, inquam, vobis elucescet vera,
& origo verborum, & nominum significatio; quod quū fe-
ceritis, nouem proposita verba quamprimum desinetis cre-
de re,*

dere, vt per contrarium dicantur, quæ ab omni contrarietate prorsus adhorrent. Hoc vero opusculum quodcunque est, & legite ipsi, & alijs quoque, quorum nobis eruditio curæ est, legendum tradite, vt omnis, qui iam pridem de nouem verbis, increuit, pænitus tollatur error.

A M A E N I S S I M I I N G E N I I, ET
exquisitissimæ doctrinæ uiri, Augustini Dathi Sen-
sens Flosculorum libellus Ad Minæm Tri-
circium iuuenem celeberrimum, ac con-
ciuem charissimum.



M I C I T I A hominis in earum rerum numero collocatur, quæ tum honestatem dignitatemque, tum utilitatem quoque & fructum continet. Eam Cicero in Rhetoricorum lib. 2. his verbis finit, amicitia est uoluntas erga aliquem rerum bonorū illius causam, quem diligit, cum eius pari uoluntate. Cicero in primo de finibus bonorū et malorū. Epicurus quidē ita dicit. Omnium rerū, quas ad beatæ uiuendū sapientia comparauerit, nihil est maius amicitia, nihil uerius, nihil iucundus. Ac paulopost. Quod quam magnū sit fictæ ueterū fabulæ declarāt, in quibus tā multis, tāq; uarijs ab ultima antiquitate repetitis, tria uix amicorū paria reperiuntur, ut ad Horestē uenias profectus a Theseo. Amicitiam autem in Dialogo Ciceronis ita diffinit. C. Lelius. Nihil est amicitia, nisi omnium diuinarū, humanarūq; rerum cum beneuolētia et charitate summa consensio. Secundus uero philosophus amicitiam animorū æqualitatem esse dixit.

*Amplitudo quemadmodum & amicitia his in rebus po-
nitur & honestæ simul sunt & utiles. Est autem ampli-
tudo, Ut à Cicerone libro secundo Rhetoricorum termina-
tur, potentia, aut maiestatis, aut aliquarum copiarum ma-
gna abundantia.*

*Ala & penna cum solum auium esse credantur, & vo-
lucrum, ad res quoq; alias transferuntur. Plato in Phædro.
Natura alarum est graue in sublime attollere, qua Deorum
inhabitat genus. Omnium vero, quæ sunt circa corpus, ma-
xime particeps diuini est animus. Diuinū autem pulchrum,
sapiens, bonum, & quicquid tale dici potest. His vero alitur
maxime, augeturq; alatio ipsa animi. Turpi autem, & ma-
lo, & huiusmodi interit, & fatiscit. Magnus igitur Rex in
cælo Iuppiter citans alatum currum primus incedit, exor-
nans cuncta, atq; disponens. Hunc sequitur exercitus Deo-
rumq; , & dæmonum, per vndecim partes ordinatus, Sed &
Boetius in quarto de philosophiæ consolatiōe ait. Sunt enim
penna volucres mihi, quæ celsa conscendant poli, quas sibi
cum velox mens induit, terras perosa despicit.*

*Animus & anima differunt. Est enim animus diuinior.
Sed eam vtriusque differentiam aperit Macrobius, cum su-
per somnio Scipionis hæc dicit; animus propria mens est
quam diuiniorē animo nemo dubitauit. Cū ergo dicit. Hisq;
animus datus est ex illis sempiternis ignibus, mentem præ-
stat intelligi, quæ nobis propriè cum cælo, syderibusq; com-
munis est. Cum vero ait, retinendus animus in custodia cor-
poris, ipsam tunc animam nominat, quæ vincitur custodia
corporali, cui mens diuina non subditur.*

*Animus quo maxime a corpore differat ostendit secun-
dum Epicuri sententiam Mar. Tul. in. i. de finibus bonorum
& malo.*

& malorum. Nam corpore, inquit, nihil nisi præsens, & quod adest sentire possumus, animo autem & præterita & futura.

Amamus magis propriè homines. Adamamus cetera præter hominem. Terentius, amant inter se. Cicero in primo de finibus bonorum & malorum. Etenim si loca, si fana, si vrbes, si gymnasia, si campum, si canes, si equos, si ludicra, exercendi aut venandi consuetudines adamare solemus, quanto id hominum consuetudine facilius fieri potuerit, et iustius?

Angeli ἀγγελοὶ græce vocantur. Hebraice Moloth, latine vero interpretantur nunci, ab eo quod domini voluntatem populis nuncient. Est autem angelorum nomen officij potius quàm naturæ: Semper enim spiritus sunt; cum vero mittuntur, tum angeli vocantur. Atque ita sentit Isydorus Ethymologiarum libro nono.

Aequi & iniqui loci natura & instituto cernuntur, secundum Ciceronis partitionem in Topicorum libris.

Aequitas vero ut in eodem libro testatur tripartita dicitur esse. Vna ad superos Deos, altera ad manes, tertia ad homines pertinere. Prima pietas. Secunda sanctitas. Tertia iustitia, aut æquitas nominatur.

Aequitas iustitia. Mar. Tullius in libro Topicorū, cum pietatem & sanctitatem premisisset tertia, inquit iustitia, aut æquitas nominatur.

Aequitas moderatio, siue patientia, vnde & æquo animo ferre, est modeste ferre. Cicero in Catone maiore, noui enim moderationem animi tui, & æquitatem.

Aequitas humanitas.

Aequitas equalitas Cicero in primo de Officijs. Op-

tandum ut hi, qui præsumunt reipublicæ legum similes sint, quæ ad puniendum non iracundia, sed æquitate ducuntur.

Æquitas bonitas Aristoteles. 5. Ethicorum Bonus & æquus vir, qui non exacte ius amplectatur in priorem partem, sed de suis commodis detrahi patiatur, et si lege se tueri possit. Ex quo dicitur ex æquo & bono.

Animaduersio, consideratio, inspectio. Cicero in primo de finibus bonorum, & malorum. Interesse enim inter argumentum, conclusionemque rationis, & in mediocrem animaduersionem atque admonitionem.

Animaduersio punitio. Cicero item Torquato, ut dolore suo sanciret militaris imperij disciplinam exercitumque in gravissimo bello animadversionis me ut contineret. Idem in primo de officiis. Omnis autem animaduersio & castigatio contumelia vacare debet.

Animaduersio atque admonitio ab argumento & conclusione longe differunt, uti putabat Epicurus, Cicerone teste, in primo de finibus bonorum, & malorum, libro. interest inter argumentum conclusionemque rationis & inter mediocrem animaduersionem, atque admonitionem, altera occulta quadam, & quasi involuta aperiri, altera prompta & aperta iudicari. Itaque existimavit Epicurus & voluptatem expetendam & fugiendum dolorem, ita sentire, ut calere ignem, nivem esse albam, dulce mel, quorum nihil oportet exquisitis rationibus confirmari, tantum satis esse, ad-mouere.

Animaduer-timus potius a nobis, admonemur ab alijs.

Appetendarum rerum partes sunt honestas & utilitas. Vitandarum rerum, turpitudine & inutilitas, Cicerone teste libro secundo Rhetoricorum.

Appetere

Appetere & aspernari contraria esse videntur, testimonio atque authoritate Cice. in primo de finibus bonorum & malorum, cum dixit ex epicuri sententia, Aiunt hanc quasi naturalem atque insitam in animis nostris inesse notionem, vt alterum esse appetendum. i. voluptatem, alterum spernendum. s. dolorem sentiamus. Et rursus in tertio; Antequam voluptas, aut dolor attigerit salutaria appetant pueri, aspernentur contraria.

Bona quædam pro Epicuri sententia præterita sunt, quædam futura, Hinc Cicero in primo libro de finibus bonorum & malorum. Vt his bonis erigimur, quæ expectamus, sic latamur ijs, quæ recordamur.

Continentia secundum sententiam Mar. Ciceronis lib. 2. Rhetoricorum, Temperantiæ pars est, atque ita diffinitur; Continentia est, per quam cupiditas consilij gubernatione regitur.

Clementia & ipsa quoque pars temperantiæ est, per quã animi temere in odium alicuius inuectione cum concitata comitate retinentur.

Circumspectio quidnam sit, ostendit Bernardus in libro, super quid est tibi m. q. f. d.

Quid est aliud circumspectio, nisi circumstantium malorum sollicita sagaxq; perscrutatio? Ad hanc pertinet præteritorum malorum retractatio, præsentium consideratio, futurorum præmeditatio, ut secundum nomen suum veraciter sit circumspectio. Huius assiduitas hominem cautum efficit, & quantum possibile tutum reddit.

Chaos vti diffinit Lactantius primo institutionum diuinarum, est rudis, inordinataque materiæ confusa congeries.

Curia locus est habendi senatus, ac pro senatu interdum poni ab eruditis veteribus consuevit, Cicero libro primo de oratore. Age vero ne semper forum, subsellia, rostra, curiâque meditare. Et in Catone maiore. Non curia vires meas desiderat, non rostra, non amici.

Cupiditates etiam secundum Epicurum insatiabiles sunt Cicerone testante in primo de finibus bonorum & malorum, quæ non modo singulos homines, sed vniuersas familias evertunt, totam etiam labefactant sæpe Rempub. Ex cupiditatibus, odia, dissidia, discordiæ, seditiones, bella nascuntur, Harum tria pro Epicuri sententia genera ponuntur. Vnum earum quæ sint & naturales, & necessariae cupiditates, alterum earum quæ quidem naturales sunt, nec tamen necessariae, tertium earum, quæ nec naturales sunt nec necessariae. Necessariae nec opera multa, nec impensa explentur. Naturales nec multa desiderant, inanium vero cupiditatum, nec modus ullus, nec finis inueniri potest.

Copia, inopia res dicunt contrarias, Cice. in Catone maiore. Nec in summa inopia non leuis esse senectus potest sapienti, nec insipienti etiam in summa copia non grauis.

Dicere de arte, est artis præcepta tradere.

Dicere autem ex arte, est ornate & artificiose, hoc est, secundum artis præcepta loqui. Cicero in primo Rhetoricorum de Hermagora. Oratori minimum est loqui de arte, quod hic fecit multo maximum ex arte dicere. quod cum minimum potuisse omnes videmus.

Expetendarum rerum tria sunt genera, par numerus vitandarum, Inquit Mar. Tul. lib. 2. Rhetoricorum. Nam est quiddam quod sua vi nos alliciat ad sese, non emolumento

mento captans aliquo, sed trahens sua dignitate. Quod genus, virtus, scientia, veritas est, aliud non propter vim suam & naturam, sed propter fructum atque utilitatem petendum, quod pecunia est. Et porro quidam ex horum partibus iunctum quod & sua vi et dignitate nos inductos dicit, & præ se quandam gerit utilitatem, quo magis expectatur, ut amicitia, bona existimatio, quæ in primo genere sunt, appellantur honesta. Quæ in secundo utilia. Tertia & ipsa quoque in meliorem partem vocabuli conferuntur & nominantur honesta.

Expetere & fugere contraria sunt: Cicero in primo de finibus bonorum, & malorum. Temperantia est enim, quæ in rebus, aut expetendis, aut fugiendis ut rationem sequamur, monet.

Fortitudo una est ex quatuor virtutum numero, quemadmodum ostendit Cicero libro secundo Rhetoricorum, quo libro & ita diffinit, fortitudo est considerata periculorum susceptio, & laborum perperessio, cuius partes sunt. Magnificentia, fidentia, patientia, perseverantia. At lib. iij. Rhetoricorum ad Herennium, diffinit his verbis.

Fortitudo est rerum magnarum appetitio, & rerum humilium contemptio, & laboris cum utilitatis ratione perperessio.

Fidentia vero, quæ pars fortitudinis est, ut ostendit Cice. lib. 2. Rhetoricorum, hisce diffinitur verbis.

Fidentia est, per quam magnis & honestis in rebus multum ipse animus in se fiducia certa cum spe collocavit.

Fortis dicitur, ut Aristoteles quarto Ethicorum ostendit, medius quidam inter audacem, & timidum.

Fortis item omnis virtute præditus. Lactantius lib. primo Divinorum institutionum. Ille solus vir fortis debeat iudicari

dicari, qui temperatus, & moderatus est, & iustus.

Forum veluti commune genus, ad tria causarū genera, subsellia, rostra, curia tanquam species videntur significare tria causarum genera, in quibus oratoria dictio versari solet. Cice. primo de Oratore. Age vero, ne semper forum, subsellia rostra, curiam meditare.

Fortuna, consilio, & sapientia aduersari recte dicitur. Cicero in primo de finibus bonorum et malorum, ex Epicuri sententia. Optime uero Epicurus inquit, quod exiguam dicit fortunam interuenire sapienti, maximasq; ab eo & grauissimas res consilio ipsius & ratione administrari.

Fore semper futuri temporis significationem habet. Cice. ro in tertio de Oratore. Quem quidem ego confido omnibus istis laudibus, quas in oratione complexus excellentem fore. Et Crassus fore dicis, inquit, ego vero esse iam iudico. De Hortensio nanque Catulus fuerat praelocutus.

Gratia a natura iure est, uti ostendit M. Tullius lib. ij. Rhetoricorum, atq; ita finitur. Gratia est, in qua amicitiarū, & officiorum alterius memoriæ, & alterius remunerandi voluntas continetur.

Gloria in earum rerum numero collocatur, ut ait Cicero libro secundo Rhetoricorum, quæ nos & dignitate, & fructu suo ducunt, atque gloria est frequens de aliquo fama cum laude.

Greges non modo pecudum dicuntur, sed & nonnunquā ad homines transferuntur; Cicero in primo de finibus bonorum & malorum Epicurus vna; in domo, & ea quidem angusta, quā magnos, quantaque amoris, conspiratione consentientes, tenuit amicorum greges.

Graue & leue contraria sunt. Itaque Marcus Tullius

lius primo Tusculanarum questionum. Cum natura quatuor omnia gignentium corporum, plerique philosophi elementa vocant commemorauisset, partem igneam, & animalem in aeream, rursum ait rectis lineis, in caelestem locum subuolare, siue ipsa natura superiora appetente, siue quod a grauioribus leuiora natura repellatur. Sed & illud quoque animaduertendum est plerumque graue, cum ad personam refertur, laudari; quod si ad res alias referatur, non ita leue contra in persona vituperari, in ceteris rebus multo secus. Hinc Marcus Tullius in Catone maiore. Nec in summa inopia inquit, non leuis esse senectus potest sapienti, nec insipienti etiam in summa copia non grauis: Grauitas in homine laudatur; quamobrem Cicero in praefatione primi Tusculanarum disputationum. Quae tanta grauitas quae tanta constantia, animi magnitudo, probitas, fides, quae tam excellens, in omni genere virtus, contra vero leuitas maxime redarguitur. Idem in primo Tusculanarum questionum. Contemnamus igitur omnes ineptias. Quod enim leuius huic leuitati nomen imponam?

Hierarchiae, quorum auctor Hierarca nuncupatur, haeretici, ut ostendit Augustus, qui carnis resurrectionem negabant.

Inuentio vna est earum partium, quas habere oratorem oportet. Est autem inuentio excogitatio, rerum verarum, aut uerisimilium; quae causam probabilem reddant; primo Rhetoricorum tum de inuentione, tum ad Herennium.

Intelligentia prudentiae pars est, ut ait Cicero libro 3. Rhetoricorum, quo in loco intelligentiam ita diffinit. Intelligentia est, per quam animus repetit, ea quae sunt.

Iustitia est habitus animi communi utilitate conseruata, suam cuiunque tribuens dignitatem. Eius initium est à natura profectum. Deinde quædam in consuetudinem ex utilitatis ratione venerunt, postea res & ab natura profectas, & ab consuetudine probatas legum metus & religio sanxit. Hæc Cice, tradit lib. 2. Rhetoricorum. Libro autem tertio Rhetoricorum ad Herennium; iustitia, inquit, est æquitas, ius unicuique retribuens pro dignitate cuiusque.

Ius triplex a M. Cicerone commemoratur lib. 2. Rhetoricorum. Ius naturæ, ius consuetudinis, ius leges.

Ius naturæ est, ut lib. 2. Rhetoricorum Cicero ostendit, quod non opinio genuit, sed quædam innata vis inseruit, ut religionem, pietatem, gratiam, vindicationem, obseruantiam, meritatem. Consuetudinem ius est, quod aut leniter a natura tractum aluit, et maius fecit vsus, ut religionem, aut siquid eorum, quæ ante dicta sunt, a natura profectum, maius factum propter consuetudinem. Videmus autem in morem vetustas, vulgi approbatione perduxit. Quod genus pactum est, par iudicatum.

Iudicatum est, ut eodem ipso in loco Cicero ait, de quo alicuius, aut aliquorum iam sententijs constitutum est, Lex ius est, quod in eo scripto, quod populo expositum est, ut obseruet, continetur. Cicero eodem ipso libro ostendit, ac loco, Incolumitas vna cum potentia, ut Cicero ostendit lib. 2. Rhetoricorum, pars utilitatis altera est. Est autem incolumitas salutis, tuta, atque integra conseruatio.

Imperator definitur, constituiturq; a Mar. Antonio apud Mar. Ciceronem lib. primo de oratore, administrator quidam belli gerendi, cuius ars est de exercitu, de castris, de agminibus, de signorum collocationibus, de oppidorum oppugnationibus

gnationibus, de insidijs faciendis, atque uitandis, de reli-
quis rebus quæ sint propria belli administrandi, quarum
qui sunt animo & scientia compotes, ij esse Imperato-
res dicuntur. Iurisconsultus autem, idem ait, is verè no-
minatur, qui legum & consuetudinis eius qua priuati in ci-
uitate vtuntur, & ad respondendum, & ad agendum, &
ad cauendum peritus est. Iudicare, est statuere, ac firmiter
decernere. Cicero in primo de finibus bonorum & malorū.
Nec etiam satis est iudicare quid faciendum non faciendū
sit, sed stare etiam oportet in eo, quod sit iudicatum, pleriq;
autem quod tenere atque seruare id quod statuerunt non
possunt, victi, & debilitati obiecta specie voluptatis tradūt
se libidinibus constringendos.

Licere & expedire, ostendit differre Augustinus in libro
de adulterinis coniugijs, dicens. Potest aliquid licere, & nō
expedire. Expedire autem quod non licet, non potest. Ac
per hoc non omnia, quæ licita sunt expediunt, omnia vero
illicita non expediunt. Idem paulopost. Ea mihi videntur
licere, & non expedire, quæ per iustitiam quidem, quæ co-
ram Deo est permittuntur, sed propter offensionem hominū,
ne ob hoc impediuntur a salute vitanda sunt; ea vero non
licere, & ideo non expedire, quæ sic ipsa iustitia, vetantur,
vt facienda non sint, etiam si ab eis quibus in notitiam fue-
rint, perlata laudeantur.

Labor duplex a Cicerone significatur. Alter libero di-
gnus viro, alter illiberalis. Et primus ille vocatur indu-
stria, qualis eorum est, qui in scribendo versantur, atque e-
laborant; alter a politiore abhorret elegantia, vt faciunt,
qui arant aut fodiunt. Cice. in primo de finibus libro. ut
Terentianus Cremes non inhumanus, qui nouum vicinum

non vult fodere, aut arare, aut aliquid fere, denique non illum ab industria, sed ab illiberali labore deterret.

Memoriam thesaurum rerum omnium, Cic. appellat primo de oratore, eamq; primo Rhetoricorum libro ita diffinit; Memoria est firma animi rerum ac verborum ad inuentionem perceptio, primo de inuentione. At in primo ad Herennium est, inquit, memoria firma animi rerum & verborum dispositionis, præceptio, eamque libro 3. thesaurum, inuentorum, atque omnium partium Rhetoricæ custodem appellat.

Memoria sicut intelligentia, ac providentia, pars prudentiæ est, atque ea pro Cice. sententia lib. 2. Rhetoricorum sic diffinitur. Memoria est per quam animus reperit illa, quæ fuerunt.

Modestia a M. Tul. lib. ij. Rhetoricorum pars ponitur temperantiæ, & his finitur verbis. Modestia est, per quam pudor honestus charam & stabilem parat auctoritatem.

Meditatio est, perscrutari occulta. Contemplatio est admirari perspicua Bernar. super Psal. primo. Quid est tibi mare quod fugisti. Et subdit. Si quidem meditatio est occulta veritatis studiosa inuestigatio, contemplatio est perspicua veritatis iocunda admiratio. Quæ autem occulta sunt solent ad manifestationem prodire modo ex propria meditatione, ex diuina reuelatione. Vbi ergo reuelationis gratiam presentem habemus, meditationis officio non egemus.

Mathematica disciplina quatuor partes innuere videtur in primo de finibus bonorum & malorum, Mar. Tullius. Aut se inquit, ut Plato in musicis, Geometria numeris, astris conteret; per quæ musica, geometria, Arithmetica, Astrologia significari videntur.

Mortis tria sunt genera, inquit Ambrosius in lib. de dono mortis. Vna mors peccati est, de qua scriptum est. Anima quæ peccauerit, ipsa morietur. Alia mors mystica, quādo quis peccato moritur, & Deo viuít, de qua idem Apostolus Consepulti enim sumus cum illo per baptismum in morte. Tertia mors, qua cursum huius vitæ & munus explemus, idest animæ corporisque secessio, Ac statim addit. Aduertimus igitur quod vna mors sit mala, propter peccata moriamur. Alia mors bona sit, quia is qui mortuus fuerit, iustificatus est a peccato. Tertia mors media sit, nam & bona iustis uidetur, & plerisque metuenda, quæ cum absoluat omnes, paucos delectat.

Oculi non modo qui ad videndum animantibus dati sunt, sed & pro conspectu a veteribus nonnunquam poni consueuerunt, Cicero in Catone maiore de F. Maximo. Nec vero in luce modo, atque oculis ciuium magnus. Idem in primo de finibus bonorum, & malorum, de Torquato. At magnū periculum adiit, & in oculis quidem exercitus.

Observantia est, vt ostendit Cicero lib. 2. Rhetoricorum a natura iure, ac diffinitur his verbis. Observantia est perquā homines aliqua dignitate antecedentes cultu quodam & honore dignantur.

Orator pro M. Antonij diffinitione, apud Cice. libr. 1. de Oratore dicitur, qui et verbis ad audiendū iucundis, et sententijs ad probandum accommodatis vtí possit in causis forensibus, atq; cōibus et qui præterea instructus voce sit & actione, & lepore quodā. Est autē oratoris officiū, vt lib. 1. Rhetoricorū ad Herennij ostendit Cice, de ijs rebus posse dicere, quæ res ad ciuilem vsū moribus et legibus constitutæ sunt, cum assensione auditorum, quoad eius fieri potest.

Orator, quæ secundum Mar. Antonium habere debeat, declarat, atque exponit Cic. in lib. primo de Oratore dicens. In oratore acumen dialecticorum, sententiam philosophorum, verba prope poetarum, memoria iurisperitorum, vox tragicorum, gestus pene summorum auctorum est requirendus.

Oratorem quinque conuenit res habere. Ciceronis testimonio. Rhetoricorum, tum de inuentione. tum ad Herennium libro. Inuentionem, dispositionem, elecutionem, memoriam, pronuntiationem.

Orationem duplicem esse ostendit. Mar. Tul. lib. primo de finibus bonorum & malorum, alteram perpetuam, alteram interrogatione, ac responsione constante. Eius hæc verba sunt. Vt iratione perpetua malo, quàm interrogare, aut interrogari. Et in Tus. quæstionibus. Atticus dicit. Sed nihil te interpellabo, continentem orationem audire malo. Tum Mar. (inquit.) Quid si te rogauero aliquid; nonne respondebis? Rursum quoque in ij. de finibus bonorum & malorum. Ego autem inquit, arbitror quanquam admodum delectatus sum eius oratione, perpetua, tamen commodius cum in rebus singulis insistas, & intelligis quid quisque concedat, quid abundat ex rebus concessis, concludi quod velis, & ad exitum perueniri. Hortensius magnus fuit orator atque, vt Aulus Gellius ait lib. primo de noctibus atticis, omnibus fere oratoribus ætatis suæ, nisi Marco Tullio clarior, Quanquam ob nitidiorem munditiam maledictis, & probrosis compellationibus iactatus est.

Hortensius dicitur, & Cicero libro in quo philosophia laudes complexus est. Hinc dicitur in libro primo de finibus bonorum et malorum. Philosophiæ quidem vituperato
ribus

ribus satis responsum est eo libro quo a nobis philosophia
defensa, & collaudata est cum esset accusata, & vituperata
ab Hortensio. Et in secundo Tusculanarum disputatio-
num. Nos autem uniuersa philosophiae vituperatoribus re-
spondimus in Hortensio. Sed & Aur. Au. in 3. confessionū
lib. Liber ille, inquit, ipsius Cice. exhortationem continet ad
philosophiam, & vocatur Hortensius. Pronunciatio, quam
habere oratorem oportet, est, ut Cicero finit, ex rerum, ac
verborum dignitate, vocis ac corporis moderatio libr. pri-
mo Rhetoricorum de inuentione. In primo vero ad Heren-
nium ita ait. Pronunciatio est vocis, vultus, gestus modera-
tio cum venustate:

Prudentia, ut ostendit Marcus Tullius, libr. 2. Rhetori-
corum, est rerum bonarum & malarum, vtrarūq; scientia.
Partes eius sunt, memoria, intelligentia, prudentia. In Rhe-
toricis vero ad Herennium libro 3. his verbis finit. Pruden-
tia est caliditas, quæ ratione quadam potest delectum habe-
re malorum & bonorum. Dicitur item prudentia scientia
cuiusdam artificij. Appellatur item prudentia rerum mul-
tarum memoria, & vsus complurium negociorum. Hæc ad
Herennium.

Providentia est, ut ait Cicero libr. secundo Rhetorico-
rum, per quam futurum aliquid videatur, antequam fa-
ctum est.

Pietas, vti diffinit Cicero libro. 2. Rhetoricorum, est per
quam sanguine coniunctis patriæque beneuolis, officium &
diligens tribuitur cultus.

Pactum a iure consuetudinis est, ut ostendit Cicero lib.
2. Rhetoricorum. Est autem pactum, quod inter aliquos cō-
uenit. Sicut par diffinitur ab eodem bis verbis. Par quod in

omnes æquabile est.

Patientia fortitudinis pars est, vt ostendit Cicero libro secundo Rhetoricorum. Est autem patientia honestatis, vt vtilitatis causa rerum arduam & difficilem voluntaria ac diuturna perceptio.

Perseuerantia quoq; pars est fortitudinis, & vt idē ait, est in rōne bene considerata, stabilis, et perpetua permanſio.

Potentia vt eodem loco declaratur, vna cum incolumitate, altera vtilitatis pars est; atque ita diffinitur, vt ibidem Cicero ait. Potentia est ad sua conseruanda & alterius obtinenda idoneorum rerum facultas.

Philosophi, qui ut ait Marcus Antonius apud Ciceronem libro primo de oratore, de sua vi ac sapientia vnus omnia proficitur, hæc tamen descriptio est, vt is qui studeat omnium rerum diuinarum atq; humanarum, vim, naturā, causasque nosse, & omnem bene viuendi rationem tenere & prosequi hoc nomine appelletur.

Philosophi docent bene viuere, & artem viuendi proficiuntur. Oratores autem potius bene dicunt. Laetantius libro primo diuinarum institutionum. Idcirco apud græcos maiores in gloria Philosophi quam oratores fuerunt. Illi enim recte viuendi doctores sunt existimati, quod est longe præstabilius, quoniam bene dicere ad paucos pertinet, bene autem viuere ad omnes.

Philosophi, Cicerone testante in primo Rhetoricorum libro, proprium est quæſtionem tractare, eam uidelicet quæ controuersiam habet sine personarum certarum intermissione, ut quæ sit forma mundi, quæ solis magnitudo; quam partem ipsam in dicendo positam inscite Hermagoras oratori tribueret.

Oratoris est autem causam agere, quod est rem, quæ in se habeat controuersiam in dicendo positam cum certarum personarum interpositione, quæ tripartita est, & demonstratiua, deliberatiua, iudicialis primum ab Aristotele appellata.

Philosophi & poetæ quo differant, patefacit Lactantius Firmianus, quum hæc dicit, libro diuinarum institutionum primo; Hætenus de poetis; ad philosophos veniamus, quorum grauior est auctoritas certiusque iudicium, quia non rebus commentitijs; sed inuestigandæ veritati studuisse creduntur.

Parcæ Fata appellantur. Virgi. in primo Aeneidos. Sic voluere Parcæ. Lactantius libro primo diuinarum institutionum, illud quæle est, esse fata, quibus dii omnes, & ipse Iuppiter pareat. Si Parcarum tanta vis est vt plus possit quam caelestes vniuersi.

Tecuniam exponit eleganter Aurelius August. in libro de disciplina christiana inquit; Totum quicquid homines possident in terra, omnia, quorum domini sunt pecunia vocatur, Seruus sit, vas, ager, arbor, pecus, quicquid horum est pecunia dicitur. Et ideo pecunia quia antiqui totum quod habebant, in pecoribus ponebant, a pecore pecunia vocatur. Legimus antiquos patres dites fuisse pastores:

Peccare quo pacto intelligi oportet declarat August. libro de adulterinis coniugijs. Intelligendum est ex consuetudine sermonis absurdum, quæ ita late patet, ut etiam iumenta quamuis sint rationis expertia, tamen plerunque dicimus debere vapulare, cum peccant. Peccare autem proprie non est nisi eius, qui vtitur rationali voluntatis arbitrio, quod in omnibus mortalibus animantibus non nisi homi-

nā est diuinitus attributum, sed aliud est, cum proprie loquimur, aliud cum verba ex alijs rebus transferendo, vel abutendo vocamus.

Prosperum atque asperum videntur contraria auctoritate Ciceronis in primo de finibus bonorum & malorum. Si infantes pueri, mutæ etiam bestię pene loquuntur magistra ac duce natura, nihil esse prosperum nisi voluptatem, nihil asperum, nisi dolorem.

Religio, dei cultura, Nonius Marcellus Diuinarum rerum scientia philosophis & maioribus appellata. Plutarchus in Pauli Aemulij vita. Cicero secundum Aul. Gelli. in oratione de accusatore constituendo, religiosa delubra maiestatis, venerationisq̃ plena.

Religiosum quod propter sanctitatem aliquā remotum, ac sepositum a nobis. Massurius Sabinus a relinquendo dictum. Seruius Sulpitius propter sanctitatem aliquam a relegando. Religiosi qui facienda & vitanda discernunt, Festus Pompeius.

Religio a naturæ iure est Ciceronis auctoritate libro secundo Rhetoricorum, ubi & eam sic diffinit. Religio est, quæ superioribus cuiusdam naturæ quam diuinam vocant curam, cerimoniamq̃ affert.

Deprehendere, ac maledicere, quomodo differant, Ciceronis verbis declaratur in primo de finibus bonorum et malorum libro; differentium inter se reprehensiones non sunt vituperandæ, maledicta vero contumeliæ, tum iracundiæ, concertationibusq̃ in disputando pertinaces, indignæ philosophia mihi videri solent. Ac paulopost. Neque disputari sine reprehensione nec cum iracundia, ac pertinacia recte disputari potest.

Subsellia

Subsellia pro iudicijs tanquam locus pro exercitatione eius quod in loco fieri solet. Cicero primo de oratore. Age vero ne semper forum, *subsellia*, *rostra*, *curiam*q; meditare. Et iterum. Qualis esse posset is, qui habitat in *subsellij*s, neque quicquam amplius affert, quam quod *causarum* necessitas postularet.

Sapientia secundum Epicurum Cicerone teste in primo de finibus bonorum & malorum libro, ars viuendi putanda est. Est enim una quæ mæstitiam pellat ex animis, quæ nos exhorrescere metu non sinat, quæ præceptrice in tranquillitate viui potest, omnium cupiditatum, ardore restincto.

Sensus iuxta Epicuri sententiam, ut est apud Ciceronem intelligere in primo de finibus bonorum & malorum incorrupti sunt, atque integri testes.

Sybilla decem fuisse, testante Lactantio libro primo diuinarum institutionum; Prima Persis, Secunda Libya, Tertia Cumæa, Quarta Delphica, Quinta Erythrea, Sexta Samia, Septima Cumana, nonæ Amalthæa, Octaua Helespontica, Nona Phrigia, Decima Tyburtina, nomine Albumea.

Sibyllæ, ut ostendit Lactantius libro diuinarum institutionum primo, omnes fœminæ vates sunt à veteribus nuncupatæ, vel ab vnius delphidis nomine, vel a consilijs deorū enunciandis σιοῖς enim deos θεοῦς consilium; non εὐχὰς sed εὐχὰς appellabant Eolico genere sermonis. Itaque Sybillam dictam esse, quasi θεοβλάη.

Solidum qua ratione & perfectum dicatur, ostendit Lactantius diuinarum institutionum. libro primo, Id solidum, inquit, existimandum est cui nihil decedere, id perfectum, cui nihil possit accedere.

Sortiri, & eligere quomodo distent, ostendit Plinius in

præfatione naturalis hiftoriæ dicens. Plurimum refert ſortiat^r aliquis iudicem, an eliget; Multumque apparatus intereſt apud inuitatum hoſpitẽ, & oblatum.

Seueritatis proprium videtur eſſe quæ peccata ſunt vindicare, & charitati quomodo apponatur, aperit Auguſtinus in epiſtola ad virgines dicens, Sicut apparatus ſeueritas peccata, quæ inuenerit, vindicare, ita nõ vult charitas quod iudicet inuenire.

Temperantia, vt etiam Epicuro videtur, Cicerone teſte in primo libro de finibus bonorum & malorum, eſt quæ in rebus aut expetendis aut fugiendis, vt rationem ſequamur, monet.

- Temperantia, quemadmodum finit magnus orator libro ſecundo Rhetoricorum, eſt rationis in libidinem atq; in alios non rectos impetus animi, firma & moderata dominatio, quæ & inter principales virtutes conſtituitur, & partes habet continentiam, clementiam, modeſtiam. Eadem & libro tertio Rhetoricorum ad Herennium appellatur modeſtia quæ diffinitur in animo continens moderatio cupiditatum.

- Vendicare, liberare. Cicero in libro de finibus bonorum & malorum. Sapientiam eſſe ſolam quæ nos a libidinum impetu & a fortitudinum terrore vindicet.

Voluptas ſecundum Epicurum dicitur id omne, quo gaudemus, vt omne, quo offendimur, dolor, ac doloris omnis priuatio recte nominata eſt voluptas, oſtendit Cicero primo de finibus bonorum & malorum.

Voluptatem duplicem conſtituebat Epicurus, Cicerone teſtante in primo de finibus bonorum & malorum. Non hanc ſequimur ſolam, quæ ſuauiſſime aliquam naturam ipſam mouet, & cum iucunditate quadam percipitur ſenſibus ſed maximam

maximam illam voluptatem habemus, quæ percipitur omni dolore detracto.

Voluptas & dolor opponuntur. Ac Cicerone testēte in. i. de finibus bonorum & malorum. Non placuit Epicuro menditum esse quid nā inter dolorem & voluptatem; illud enim ipsum quod quibusdam medium videtur cum omni dolore careret non modo voluptatem esse, verum etiam summam voluptatem. Plato in Phædone. Voluptas & dolor cum simul in homine adeste nolint, si quis tamen alterū capiat, semper ferme ut alterū quoq; accipiat, necesse est, quasi ex eodem capite ambo connexa. Atq; arbitror, inquit, si hæc cogitasset Esopus fabulā, eum facturū fuisse, quod cū deus illa inter repugnantia reconciliare uellet, neq; id facere posset, cōiunxisse in vnum eorum apices, eaq; de causa fieri, ut cuiusque alterum adsit, eundem postea sequatur & alterum.

Virtus partes habet quatuor, ut ostendit, Cicero libro secundo Rhetoricorum, prudentiam, iustitiam, fortitudinem, temperantiam.

Utilitatis, ut ibidem Cicero ait, duæ partes videtur esse, incolumitas & potentia.

Vmbra res inanis Cicero in primo de finibus bonorum et malorum, quando Epicuri contra Stoicos refertur sententia isti enim negant bonum quicquam esse nisi nescio quā illam vmbra quod appellant honestum, non tam solido, quam splendido nomine.

L A V R E N T I I V A L L E N S I S
Patricij Romani Clarissimi oratoris de con-
ficiendis Epistolis libellus.



OCET Cicero quarto libro ad Heren-
nium tres esse figuras dicendi, grauem,
mediocrem, & attenuatam. Quod idē
a me in principio praeceptorum meorū,
quæ de elocutione futura sunt doceri et
præcipi volo. Nam quem ego alium
malim imitari quam eum ipsum Cicero
nem, qui (quantū ratione & ingenio assequor) & omnium
qui ante ipsum fuerant oratorum & eorū qui futuri erunt
longe princeps videtur? Verū existimaui facilius nobis pro-
desse si mutato ordine ab attenuata figura principium cape-
rem. Dicam igitur quid sit attenuata figura. In quas partes
diffundi debeat. Et quid postremo de conficiendis epistolis
sentiam. In quibus pleriq; sunt qui se arroganter præferūt.
Pauci vero quibus ea ratio satis cognita & intellecta esse
videtur. Sed hæc hætenus. Nunc attentos vos ipsos præbea-
tis; Nos ad ea quæ polliciti sumus proficisci pergamus.

De attenuata figura. Cap. 1.

A Ttenuata figura est (vt verba Ciceronis imiter) quæ
demissa est vsque ad vsitatissimi purique sermonis
consuetudinem vel quæ ad infinitum & quotidianum ser-
monem demissa est verbis proprijs cuiusque rei, & adinuen-
tionibus, quibus in eo genere oratores vti consueuerunt. Dif-
funditur autem hæc in comædias, quotidianū sermonem re-
rum, & epistolas familiares. Præmitto tamen bucolica.
Quoniam nos ut erudiam in soluto genere dicendi nihil in
pra-

præsentiarum poeticum attingo, tam etsi comici poeta sunt, tamen ludunt paulo liberius. Videnturque esse magis finitimi oratori, præsertim quoties illarum rerum quæ a comicis tractantur, usus in medium venit. Quos quidem comicos hortor ut accurate studioseque legatis; illorumque consuetudinem dicendi de rebus humilibus & domesticis magnopere sectemini. Sed omissis cæteris generibus atque usibus dicendi, ad quædam præcepta de Epistolis tradenda me confero. Est enim in illis decor. Comparamusque nobis animi illius amicitiam pariter & gratiam.

Quid sit epistola. Cap. 2.

Est autem epistola sermo familiaris scriptus quo absenti aliquid significamus. Ideoque ab ἐπὶ quod est supra & σέλλει, quod est missio dicitur. Versatur in attenuata figura quum quod proprium est illius sortiatur res humiles & familiares, aut personas, aut huiusmodi verba usitatissima, aut sententias minus graueis, si qua verba necessario adducerentur ornatiora quam res ipsa postuleret non præferimus neque in postremis orationis partibus collocamus. Sed interserimus atque adhibemus verbum minus cultum, quo splendor ornatissimi uerbi paulo remittatur, & quasi vinum aqua temperamus. Sed redeo ad epistolam. Cuius partes sunt quinque. Salutatio, exordium, narratio, petitio, & conclusio.

De salutatione. Cap. 3.

Salutatio est oratio absenti uel quasi absenti, dicens aut nuncians salutem. Solet autem salutatio interdum prima, interdum postrema in epistolis scribi, neque ullum sortitur decorem magnificentiamque verborum aut sententiarum. Quum non illorum aut illarum sit capax. Sed præferentes

rentes mittentis nomen postponentesq; eius nomen ad quē
epistola mittitur, etiam esset Imperator, temperate & mo-
deste dicimus partibus superioribus salutem nunciamus.
Cæterum non sunt obseruanda hæc apud omnes in nimio &
frequenti vsu sed ut intersit aliquid (mea sententia non abij-
cienda aut contemnenda videtur) non est pluribus de salu-
tatione opus. Satis est imitari oratores. A modo ne sim a vo-
bis in mora paulo diffusius quam de salutatione fecimus,
de exordijs definiendum, præcipiendumque videtur.

De exordio. Cap. 4.

EXordium (vt refert Cicero libro primo ad Herenniū)
est principiū orationis, per quod animus auditoris con-
stituitur siue apparatur ad audiendum. Dicitur autem ex-
ordium ab exordior exordiris, quod quidem ab ex præposi-
tione, quod est extra aut ex reliqua, & ordior quod est ini-
tio, componitur.

Compendiorum autem exordium plerunque ea ratio
habenda est, quanquam deuit plerosque vt inde incipiamus
vnde epistola deducta seu vnde ventum est, vt ad quempiā
Epistolam scribamus. Mouet autem spes. Interdum fides.
Nonnunquam amor. Plerunque necessitudo. Sæpius fama;
& cætera huiusmodi. Par est, ergo ut ab ijs exordiamur,
Sed quum de epistolis loquar quas familiariter scribimus
nolim videri liberius præcipi laxare magis habenas quam
sibi res ipsa exposulat. Nihil enim intersit quod nos mo-
neat exordiri. Est quidem hercle ab exordio in Epistolis
abstinendum. Sed quum remotiores habemus auditorum
animos quam velimus licet eos per exordium nobis atten-
tos reddere. Nec minus efficiendi dociles sunt, si res pau-
lulum obscurā est, neque facilis ijs qui audiunt, cognitū,

tum quidem nobis aperienda exigendaq; eorum animis per exordium videtur. Si quos præterea alienos (quod sæpe contingit) a beneuolentia nostrum esse conspexerimus aut non satis in ea constitutos licet tum illos per exordium beneuolos facere, studendumq; per totam epistolam captare beneuolentiam, si non satis captata est, aut si est perpetuo continere. Quum vero nihil horum intererit ab re ipsa absque ullo exordio incipiendum videtur. Verum ita incipiendum ut si quicquam dubitationis vel controuersie in causa habuerimus primum nos ad confutationes conferamus, si non fuerint remissæ Epistolæ aut orationes concurrentes ad eandem rem confirmationem epistolæ præferamus, sed exordientes meminerimus magis temperato genere dicendi secundum subiectum materie, quam in cæteris partibus uti. Nimis enim culta exordia, & magno prodeuntia apparatu, suspicionem afferunt audituri. Item ne aliud ad circueundum, insinuandumque ad causam reuocet, siue orationes, siue epistolas scribentes simus, curandum est, ut se statim res aperiat, neque dissimulantes eam longius abducamus.

Cæterum non sunt omnes dictiones dignæ, ut in principijs epistolarum præferantur, sed permultæ. Ideo de his aliquid præcipiendum est. Incipiunt autem epistolæ plerunque a, Quum, siue illa præpositio, siue aduerbium, siue coniunctio sit. Incipimus etiam a dum, donec, & ab illustri aliquo adiectiuo, qualia sunt gratus, gratior, gratissimus. Incipimus itidem a participijs dignis præferri & quibus in huius modi principijs oratores uti soliti sunt. Sed uolo tamen meminerimus venustiora oportere esse oratio-

9. 2
nunquam epistolarum principia, atque hoc interesse perspe-
ximus, vel nunquam, vel raro orationes absque apparatu
exordij pronunciari solere. Nunc quo facilius in hoc gene-
re proficiatis, exempla quædam subiicientes ad reliquas par-
tes epistolæ transcamus.

De principijs Exordiorum.

Quum multa in me existant tua beneficia, nihil est, quod
tibi non debeam.

Dum charus tibi eram, grata tibi erant omnia, quæ tibi
faciebam.

Et si nunquam de tuo in me studio dubitauerim, nunquā
tamen rectius intellexi, quam hoc tempore.

Donec mihi vita supererit, semper ego te præ me feram.
Gratæ mihi fuerunt tuæ literæ.

Gratius nihil quam te bene valere audire potuissem.

Gratias tibi ingētes habeo, quod omnia tibi accepta sunt,
quæ facio.

Literæ tuæ sunt nuper mihi redditæ.

Legi literas tuas accuratissime ad me scriptas.

Maxima tuæ me literæ voluptate affecerunt.

Nunquā a te discedo, quin melior, et doctior factus sim.

Neminem habeo, quem tibi in amore præferam.

Nulla res est tam difficilis, quæ non mihi facilis pro te
esse videatur.

Plurimas tibi gratias habeo, quod nunquam nisi re mea
perfecta conquiescis.

Quod me pluris facias, quàm ego meritus sim, antiquū
morem tuum retines.

Quod

Quod semper de te summis votis optaueram, tandem te consecutum audiui.

Quoties de te bene audio, incredibili gaudio, letitiaque afficior.

Vt primum literæ tuæ mihi redditæ fuerunt, omnibus rebus posthabitis, dedi operam ut tuæ voluntati satisfacerem.

Redditæ sunt mihi per hoc tempus tres periucundæ epistolæ.

Si me diligis, vide, ut negotium meum prudenter cito grauiusque transigatur.

Siquid est, quod mea opera, aut studio prodesse possim, nunquam officium cessabit.

Tua me delectauit epistola, quam proxime accepi.

Acceptis literis tuis quamprimum percurrissem summo expletus fui gaudio.

Gaudeo plurimum, & lator.

Nihil est quod ego pluris faciam quam in singulis rebus tuæ voluntati morem gerere.

Tanta sunt beneficia in me tua, quod si vitam pro tua dignitate profunderem, nullam partem tuorum in me meritorum contingere viderer.

Sunt & alia multa epistolarum principia, quæ quoniam nisi de ingenijs vestris magna omnia repromittitis, non prosequar diutius, ne quantum copia vbertasque rerum prodesset, tantum prolixitas obscura videretur, igitur pauca (ut cœpimus) de narratione dicamus.

De narratione. Cap. 5.

N*arratio est (ut Cicero ait) rerum gestarum aut perinde ut gestarum expositio. Sed omnis narratio tres*
res

res debet habere, ut brevis, dilucida, & verisimilis sit. Brevis narratio est, quæ tantum ea quæ narrari oportet, exponit, conseruato ordine rerum cæterisque quæ à Cicerone dicuntur ad verisimilem narrationem pertinere. Studendum est præterea, ut narratio dilucida sit. Sed quum in omnibus dicendi generibus id obseruari a nobis oporteat; paulo altius repetenda est ratio hæc. Tam & si multo studiosius hæc quæ a me præcipienda sunt in narrationibus senatorijs & forensibus, in quibus est omnis vis dicendi, in epistolarum genere obseruanda sunt.

De petitione. Cap. 6.

Petitio est, qua vtimur in epistolis scribendi; quum aliquid ab eo ad quem scribimus, velimus impetrare; ea ex quatuor rebus constat, honestate, possibilitate, modo & remuneratione. Nam si huiusmodi petitio his partibus careret, id quod cupimus nunquam consequeremur. Si enim rei petitiæ apud eum a quo petimus possibilitas non sit, & causa honesta non sequitur, ut habeat finem petitio, demonstrantur facilitas, & modus, & sequitur remuneratio. Is enim magis ex animo vtitur, cum laboris remunerationem sibi positam videt. Cuius exemplum cum conclusionem a Cicerone ad Curionem sumamus, his verbis. Quam obrem si me memorem, si gratum, si bonum virum, vel ex hoc ipso quod tam vehementer de Milone laborem, existimare potes; si denique dignum tuis beneficijs iudicas, hæc a te peto, ut subuenias huic meæ solitudini, ut huic meæ laud. (vti verius dicam) propriæ salutis tuum studium dicet. Adducit autem Cicero rationes multas quibus ostendit petitionem suam esse honestissimam. Si quidem honestatem habet quum pro amico salutis suæ auctore rogat.

Possi -

Possibilitatem. Quum ostendit Curionem posse id efficere quod petit si modo voluerit. Modus quoque declaratur. Quum fauorem eius in consulatu Milonis se petere ostendit, & ut prabeat se ducem suffragijs aliorum quæ se habere dicit. Postremo subdit spem remunerationis quæ est ultima pars petitionis ex persona Milonis & ex persona sua quum inquit; de ipso Tito Annio tantum tibi polliceor te maioris animi, grauitatis, constantiæ beneuolentiæque erga te, si complecti hominem volueris, habiturum esse neminem; ex persona sua ait, Mibi uero tantum decoris tantum dignitatis adiunxeris, ut eundem te facile agnoscam fuisse in laude mea, qui fueris in salute. Sed de petitione hætenus. Superest, ut de conclusione ipsius epistolæ aliquid præcipiatur.

De conclusione.

Cap. 7.

Conclusio (ut Cicero ait) est exitus, & determinatio totius orationis, hæc habet partes tres; enumerationem, indignationem, & conqueſtionem. Verum oratores in scribendis epistolis non utuntur his ita diffuse quemadmodum in orationibus forensibus, aut in senatorijs, aut in concionibus solet uti. Quamobrem satis est imitati oratores, qui in epistolis componendis magis temperato dicendi genere, secundum subiectum materiæ, quàm in cæteris orationis partibus uti consueuerunt. Nam epistolas scribes enumeratione potissimum utuntur. Ea est, per quã res dispersæ, & diffusæ dictæ vnum in locum coguntur, & reminiscendi causam unum sub aspectum subiiciuntur, ut Cicero ad Aulum Cæcinam. Quapropter primum fac animo forti, atque magno sis, ita enim natus, ita educatus, ita doctus es, ita etiam cognitus, ut tibi id faciendum sit. Deinde spem quoque

quoque habeas firmissimam, propter eas causas, quas scripsi. *A* me vero tibi omnia, liberisq̃ue tuis paratissima esse confidas velim. Id enim & vetustas nostri amoris, & mea consuetudo in meos, & tua multa erga me beneficia postulant. *Vale.* Alia itaque exempla conclusionum, quæ vos imitari quandoq̃; pro veris vti licebit, ex Cicerone, ceterisq̃; oratoribus pro arbitrio vestro sumere poteritis.

De vale aduerbio.

In calce vero Epistolæ ponitur *vale*, si ad vnum scribimus. Si autem ad multos, *valete* dicimus. Solent autem nonnulli addere bene aduerbium qualitatis, propterea quod volunt esse verbum medium, possumus enim eo in bonam & in malam partem vti. Iuxta illud Terentianum in *Andria*. *Valeant*, qui inter nos dissidiũ volunt. Cuius etiam Phallaris in suis Epistolis meminit, his verbis inquit *Valete*. *Valere* autem, quum duplicem significationem habeat, nolim vos ignorare in deteriorem partem esse accipiendum. Ideoq̃; dicunt bene *uale*, & bene *valete*, dicimus præterea. *Cur ut valeas.* *Valetudinem* tuam cura, & me (vt facis) ama amore tuo illo singulari. ponitur deinde, *Datum*, vel *datæ* subaudiuntur literæ. Deinde ponitur locus, & dicimus *Datum* Romæ, Brundusij, in castris, vel ex Castris. Ita etiam dicere possumus. *Accepi literas tuas*, quas liberti nostro ad me ex vrbe, siue ex Castris, siue ex Brundusio, dedisti. Ita quoque dicimus *datæ* ex vrbe, ex Brundusio, ex Castris. Nomina præterea oppidorum, vnde scribuntur, in genitiuo siue in ablatiuo ponere possumus, hoc est quũ significant in loco, aut de loco. Vel in datiuo, & in ablatiuo, si sint tertiæ declinationis, quod si tantum pluraliter declinantur in ablatiuo duntaxat? vt *datum* Neapoli, Athenis, Cumis;

si uero composita sunt, in ablatiuo cum præpositione in, uel apud, uel ex; ut Datum in sancto Germano. Apud sanctum Germanum, ex sancto Germano. Dicimus etiam ex ædibus nostris, domi, ruri, militia, belli, & domo, rure, militia, bello. Postremo ponitur dies mensis, & numerus annorum, siue incarnationis, siue natiuitatis Iesu Christi Optimi Maximi, ut Datum Romæ octauo Calendas Ianuarias. Anno ab incarnatione, uel a Natali Christiano. 1444.

Postea uero quam literæ obsignatæ fuerint, eius nomen, ad quem literæ ipsæ perferendæ sunt huiuscemodi uerbis extra, idest a tergo, scribentur, Ad sanctissimum, ac beatissimum, Nicolaum Quintum, diuina prouidentia Pontificem Maximum; similiter quum ad aliquem regem scribimus. Ad illustrissimum, & Serenissimum Ianum dei gratia Hierosolymorum ac Cypri Regem. Ita apud ueteres frequentissimus usus obseruabatur, ut ad præclarum virum Trebanum iureconsultum. Eodem quoque pacto dicimus, Cicero ad Publium Lentulum proconsulem, Seneca ad Lucillum, Hieronymus ad Demetrianum, & ita deinceps. Sed quia in scribendis epistolis utimur Nonis, Idibus, & Calendis, idcirco de ipsis aliquid breuiter dicendum uidetur. Nāquum annus solaris duodecim menses habeat. Ianuarium, Februarium, Martium, Aprilem, Maium, Iunium, Iulium, Augustum, Septembrem, Octobrem, Nouembrem, & Decembrem. Quorum Ianuarius, Martius, Maius, Iulius, Augustus, October, & December unum & triginta habent dies; Reliqui uero menses Aprilis, Iunius, September, & Nouember triginta dies habent. Februarius semper habet 28. dies, nisi annus ille fuerit bissextus. Tunc enim nouem

Et viginti dies habet. Vnusquisque mensis diuiditur in No-
as, idus, & Calendas, primus dies cuiusque mensis dicitur
Calendæ in numero plurali. Deinde sequuntur Nonæ, dein-
de idus, postremo Calendæ, Quatuor igitur menses nonas
sex habent Martius, Maius, Iulius, & October; Reliqui
vero menses nonas habent quatuor, mensibus supradictis
primus dies Calendæ. Secundus sexto nonas. Tertius quin-
to nonas. Quartus quarto nonas. Quintus tertio nonas. Sex-
tus pridie nonas. Septimus nonæ. In cæteris vero mensibus
primus dies Calendæ, Secundus quarto nonas, Tertius, ter-
tio nonas. Quartus pridie nonas. Quintus nonæ. Scien-
dum est autem quod quemadmodum non dicimus nudius
secundus, sed heri, Nudius tertius & nudius quartus; ita
non dicimus; secundo Calendas, secundo nonas, secundo
idus; Sed pridie Calendas, pridie nonas, pridie idus. Dein-
de tertio Calendas, tertio nonas, tertio idus; & ita de reli-
quis.

Illud non est prætereundum quod dicimus tertio Calen-
das, & tertio Calendarum, tertio idus, & iduum. Tertio
nonas & tertio nonarum, & pridie Calendas, & pridie
Calendarum, pridie idus, & pridie iduum, pridie nonas,
& pridie nonarum; ita tamen vt numerum in ablatiuo,
nonas autem idus, & Calendas in accusatiuo, interdum
in genitiuo ponunt oratores; dicuntur autem Nonæ vel
quasi nonæ, quod ideo minor pontifex numerum dierum,
qui ad nonas superant calando, hoc est vocando, populo
prodebat, quod post nonam lunam oportebat nonarum die
populares qui in agris erant in urbem confluere, causas
feriarum a rege sacrarum accipere. Et quid eo mense fa-
ciendum esset intelligere. Vnde nonæ dictæ quasi nouæ ini-
tium

tium observationis vel quod ab eo die, ad idus semper novem dies computantur, unusquisque mensis habet octo idus.

Qui sunt idus & unde dicantur.

VNde in superioribus quatuor mensibus Martio, Maio, Julio, Octobre, qui sex nonas habet idus est quintodecimo die mensis, in ceteris vero qui habent nonas quarto die tertiodécimo, unde in illis quatuor octavo die incipiamus dicere, octavo idus. Et sequenti die septimo idus, & sic deinceps, sexto idus, quinto idus, quarto idus, tertio idus, pridie idus, & idibus; in ceteris vero mensibus a sexto die incipimus dicere, octavo idus, septimo idus, die septimo, idus, & octavo die sexto idus, & sic deinceps.

Finitis idibus si sint menses ianuarii vel Augusti vel Decembris secundo menses habent unum & triginta dies, & duntaxat quatuor nonas, dicimus statim decimo nono Calendas septembris si Augustus sit, vel Ianuarii si mensis sit decembris, vel Februarii si mensis sit Ianuarii. Quippe is dies est decimus octavus ante Calendas. Et quum ultimus dies dicatur pridie Calendas, penultimus 3. Calendas, ante penultimus 4. Calendas, & ita de ceteris; merito hic erit 19. Calendas. Si vero sit mensis Februarii, statim post idus dicimus sextodecimo Calendas Martii, nisi forte sit bissextus. Tunc enim quia Februarius habet novem, & viginti dies, & quatuor nonas duntaxat, statim post idus dicimus decimo septimo Calendas Martias. Si

antem sint mensis, Aprilis, Iunij, Septembris, & Nouëbris, qui triginta dies habent & duntaxat quatuor nonas. Statim finitis idibus dicimus decimoseptimo calendas Maii, uel Iulij, uel Augusti, uel Octobris uel Decembris. Quod si reliqui menses fuerint, hoc est Martius, Maius, Iulius, & October, qui dies unum & triginta habent, & nonas sex, statim post idus decimo octauo calendas Aprilis, aut Iulij, Augusti, aut Nouembris. Quod ut summatim colligatur, sit hæc regula. Menses, qui unum & triginta dies habent, si quatuor nonas habent incipiunt a 19. calendas, Si sexto habent nouas 17. calendas Februarius semper a 16. calendas incipit, nisi sit bissextus. Reliqui menses a 18. incipiunt. Idus autem nomen ab etruscis translatus; dicunt enim illi induare etrusca lingua, quod est diuidere, is enim dies dictus, quod diuidat mensem. Vnde uidua dicta est, quasi a viro diuisa. Hac igitur diuisione mensium, soli latini utuntur. Cæteræ enim nationes duntaxat in dies, septimanas, & menses diuidunt. Vt igitur ea, quæ de Nonis, Idibus, & Calendis dicta sunt, facillime capere possitis, a mense Iulio sumamus exemplum.

De Nonis.

Calendis Iulij, hoc est primo die Iulij.
Sexto nonas Iulias, die secundo Iulij.
Quinto nonas Iulias, die tertio Iulij.
Quarto nonas Iulias, die quarto Iulij.
Tertio nonas Iulias, die quinto Iulij.
Pridie nonas Iulias, die sexto Iulij.
Nonis Iulij, die septimo Iulij.

De Idibus.

Iam finitis nonis reliquos octo dies similiter iduum cognitione notabimus, quia unusquisque mensis octo idus habet.

Octavo idus Iulias, die octavo Iulij.

Septimo idus Iulias, die nono Iulij.

Sexto idus Iulias, die decimo Iulij.

Quinto idus Iulias, die undecimo Iulij.

Quarto idus Iulias, die duodecimo Iulij.

Tertio idus Iulias, die tertiodecimo Iulij.

Pridie idus Iulias, die decimoquarto Iulij.

Idibus Iulij, die decimoquinto Iulij.

De Calendis.

Nunc reliquos Iulij mensis, quotquot superfuerint dies, Calendarum appellatione significabimus, quæ quidem sunt futuri mensis, neque ordinis, neque numerationis ratione mutata. Super sunt denique dies sextodecimo, addendoque primam mensis sequentis diem, sunt 17. dicemus hoc modo.

Decimoseptimo Calendas Augusti, die 16. Iulij.

Decimosexto Calendas Augusti, die 17. Iulij.

Decimoquinto Calendas Augusti, die 18. Iulij.

Decimoquarto Calendas Augusti, die 19. Iulij.

Decimotertio Calendas Augusti, die 20. Iulij.

Decimosecundo Calendas Augusti, die 21. Iulij.

Decimoprimo, vel 11. Calendas Augusti, die 22. Iulij.

Decimo Calendas Augusti, die vigesimotertio Iulij.

Nono Calendas Augusti, die vigesimoquarto Iulij.

Octavo Calendas Augusti, die vigesimoquinto Iulij.

Septimo Calendas Augusti, die vigesimosexto Iulij.

67
Sexto Calendas Augusti, die vigesimo septimo Iulii.

Quinto Calendas Augusti, die vigesimo octavo Iulii.

Quarto Calendas Augusti, die vigesimo nono Iulii.

Tertio Calendas Augusti, die 30. Iulii.

Pridie Calendas Augusti, die 31. Iulii.

Est autem sciendum quod dicimus Calendas Ianuarii, & ianuiarias. Februarii, & februarias. Martii, & martias, Aprilis dūtaxat, & non aprilias. Maii, & maias, Iunii, & iunias, Iulii & iulias, & quintilis, quasi quintus ab imbre, Augusti, & augustas, & sextilis sextus ab imbre. Septembris septembrias, & septembres. Octobris octobrias & octobres. Nouembris nouembrias, & nouembres. Decembris decembrias & decembres. Hæc sunt igitur, quæ de epistolis conscribendis a me præcipienda erant. Nunc autem de elocutione (quemadmodum polliciti sumus) dicendum, præcipiendumque videtur.

De elocutione.

Cap. I.

E Locutio (vt Cicero ait) est idoneorum verborum, & sententiarum ad inuentionem accommodatio. Tres res conuenit habere elocutionem commodam, & perfectam. (Sic enim admonitus sum a Cicerone in quarto Libro ad Herennium) scilicet elegantiam dignitatem, & compositionem. Quum enim eloquimur absque barbarismo, & solæcismo efficientibus quo minus sermo noster Latinus videatur atque etiam perfectus, idest oratio plena & facile intelligibilis cuique erudito sit, tum elegantes esse poterimus & videri, dignitatem in dicendo sectabimur, si exornationes verborum & sententiarum
quas

quas colores dicimus temperate, & quando opus est de rebus loquimur, adhibeamus, nunc postremo de compositione dicendum est. De qua propterea dicendum post elegantiam & dignitatem putauimus, quod existimamus paulo diffusius de ea præcipi oportere. Si quidem de ea Cicero dicendo multo plus scire se ostendit quam præcipit. Verum quod auarus non dat cuiquam, ab eo est etiam inuito aut nescio quomodo extorquendum.

De compositione. Cap. 2.

Compositio est verborum constructio æquabiliter perpolitata, ea tres res habet in se, ordinem, iuncturam & numerum. Ordo est apta quedam verborum inter se vel naturalis vel artificiosa disputatio. Est autem ordo quadruplex naturalis, specificus, augmentatiuus, et communis.

Naturalis vero ordinis institutio est si quæ natura prætulit & digniora fecit, loquentes nos esse præferimus, ut viri, & mulieres in homines irruunt. Item dies & noctes. Secunda & aduersa, dextra & sinistra dicimus. Fallit autem quando ordinem rei gestæ temporum & quidem necessario sequimur, ut ingens primum numerus sæminarum, deinde virorum in adolcentes impetum fecerunt.

Specificus autem postulat speciem subiungi generi, id est quod in minus se habet illi, quod se habet ad plura subiungi, ut fratres gemini, animal leo, & ita in cæteris. Sed adiectiuum additum generi restringensque ipsum facit, ut sua species minus videatur, & ideo postponi illud iubet, ut homo animal bipes, & leo animal rugiens.

7 Huic autem ordini specifico contrarius argumentatiuus.
Crescere enim vult oratio, nec ociosas habere dictiones.
Pro qua est sciendum, quod ab ea quæ minor est in ora-
tione inchoamus dictione, vt fur, homicida, sacrilegus. Si-
militer in orationibus, vt ciues diligo, amicos amo, maiores
obseruo. Conuertendum est autem, si negationem, aut con-
trariam sententiam admiscuerimus, si dicere velis, vt neque
in parentes manus intuli, neque amicos perdidici, neque iu-
siurandum contempsi. Hæc sunt præter cætera. In his or-
dinibus, aut in hoc triplici ordine perpetuo retinenda, ab hac
ratione discendi absque digna reprehensione non potest. Vlti-
mo sequitur de ordine communi, de quo plura sunt dicen-
da, quàm de naturali, specifico, & augmentatiuo dicta sunt.
Ideo in vltimum locum reseruauimus; de quo in præsentia-
rum quidem dicamus.

De ordine communi.

Cap. 3.

Ordō communis in principiis, mediis, & postremis par-
tibus clausularum ius habet: Ideoque communis ap-
pellatus est.

Circa primum obseruandum, ut oratio obliqua sit potius,
quàm recto ordine in medium prodeat, ut Aristotelem Plato-
ni præferunt nonnulli. Contra autem Aristoteli Plato-
nem plerique anteponunt.

Est etiam ita constituenda oratio, vt potius adiectiuum
substantiuo, quàm substantiuum adiectiuo præponatur, vt
album hominem video, melius, quàm hominem album dici
videatur.

A relatiuo autem potius quàm ab antecedente princi-
pium

pium sumere conuenit, vt quem uides, is homo est, de quo pauloante loquebamur. Relatiuum uero (quum interponitur aliquid) postulat interuici inter ipsum, & antecedens, vt Platonem (sic solitum facere audiuius) quem tu imitaris,

Sed his ea id pronomen relatiuum continuo post antecedens est collocandum, ut Ciceronem eum, de quo tam egregia facinora enarras imitatur nemo. Tullius in prohemio tertii libri officiorum. Publium Scipionem Marce filium, qui primus Africanus appellatus est.

Studendum est etiam, vt inter substantiuum aliquid interponatur saepe in orationibus, dummodo breue illud sit ne obscura videatur oratio. Vt nulla satis probata nobis uirtus uidetur. Et nihil est huic homini turpe, si quaestus interuenit.

Neque minus curari oportet, ut oratio in uerbum aliquod finiatur, aut illustre adiectiuum, aut illustre aliquod aduerbium, aut participium, aut nomen adiectiuum, aut nomen aliquod vniuersale, ut religionem diuinam plerique accusant. Hominem te omnes, qui tecum vna versati sunt, existimant sapientem. Sunt mihi quæ facis gratissima, Voluptuose fuerunt mihi literæ tuæ. Quæ facis erga amicos tuos, mihi satisfaciunt sedulo. Quem tibi in amore præferam, aut in quo maiorem spem quam in te vno collocauerim, habeo neminem. Quæ uir sapiens facit, laudant omnes.

Neque decet absoluta sententia aliquid ad maiorem artem, & ornatam adiungere, vt feci, quod a me postulasti, & quidem impigre. Vel multis de causis cupio te uidere, & quidem quamprimum. Magis id enim mouet auditorem

ditorem quam si dixerimus, quæ a me postulasti, feci omnia, & impigre. Et multis ac causis exopto te videre quam primum.

Monéo dehinc posse disiunctiones vnico verbo claudi. Cn. Pompeius virtute, gloria, rebus gestis fuit omnium, qui sunt fuerunt, eruntq; , facile princeps. Cicero in tertio, ad Hircanium, ingenio, doctrina, præceptione, natura nitescat.

Addo etiam in partem principalem melius quam in secundariam terminari orationem. Vt quæ pauloante dixisti, vehementer admiror.

Est etiam monendum quasdam coniunctiones, quales sunt; Quum, si, & consimiles. Quasdam præterea præpositiones, quales sunt, in, sub, ad, apud, propter, de, e, pro, ex, ob, aduersus, dictionibus, quibus præponi consuenere, quam commodissime postponi, vt sua in patria, tuo sub iure, tuam ad urbem, tuam apud curiam, tua de gloria, lunonio e funo, tuam ob causam, vestro ab animo, magna ex ira, vestris a laudibus. Tuam aduersus laudem, & ita in cæteris.

Idem solet fieri in aduerbijs ordinis, qualia sunt. Dehinc, deinde, deinceps. Interim, Interea, præterea, Item vt tua item laude. Tuis hinc de laudibus, vestris deinde commodis, meam deinceps familiam. Istam præterea patriam, hanc interim præpositionem. Nox interea superuenit.

Sciendum est autem hoc in loco præterea mecum, tecum, secum, nobiscum, vobiscum, solere oratores dicere pro eo, quod est, cum me, cum te, cum se, cum vobis. Quoniam hæc voces absone videbantur; quam rationem

tantum valere voluit Cicero, ut qui cum, pro eo, quod est cum quo nonnunquam dixisse inueniantur. Sed is modus dicendi obsoleuit.

Attendere nihilominus oportet, ut ea, quæ, diximus, rebus, de quibus loquimur, accommodari, & quadrare videantur, ne quando plus, minus ue dicamus, & enim illustrem agricolam, aut regem parcum, qui dixerit, in vitio est. Nam illud supramodum, & conditionem mergit, & hoc minus est, quam regem oporteat, laudari.

Interponemus, inchoata oratione, parentesim, a quod, autem, id, quod principium sumentem, ut Cato uticensis (quod sua sapientia dignum putauit) cum libertate patriæ sibi moriendum censuit. Vel Cæsar (id quod admirari omnes cogit) viso capite Pompeij, lachrymatu^s est.

Reperimus etiam abusiones vocabulorum fieri. Sed seruanda est similitudo, ut oblectet auditores. Quod genus est, si rusticum animum, incultam vestem, & paulo liberius (quod ridentes solemus dicere) casum anomalum dixerimus.

Si quando aut funesta, aut funebris esset oratio abhor-
rere arbitramur a rebus felicibus animis elaborato, ac culto genere dicendi. Non enim illa materia dicendi lasciuire orationem & splendescere postulat.

Tenere vos insuper volo, quod in egregium aliquem sensum terminata oratione, & satisfacto rebus de quibus loquimur, non ulterius prouehamur. Ne laudem nostram (si quam exaptitudine dicendi meremur) immoderate
licet

licentia secum inuoluat, atque auferat. Quò in vitio Priscianum fuisse in probæmio in primo artis grammaticæ libro multi non indocti arguunt.

Solet præterea pro magno affectu, etiam, duplicari, ut te etiam atque etiam rogo.

Itidem laudantes, necnon vituperantes & copulatiuam coniunctionem duplicamus, ut & doctus & sapiens fuit, & furti & sacrilegij damnatus est.

Neque est præmittendum; quod commodius in verbo finito, quam in uerbo infinito terminari orationem putant, nisi iudicio aurium (quod superbissimum quidem est) consonantia, & concinnitas probaretur.

Verbo item subiunctiuo pro indicatiuo multis in locis oratores utuntur, ut velim pro volo, & iusserim pro iubeo.

Vtimur etiam futuro infinitiui loco futuri optatiui ut factum ire, vel factum iri, pro eo, quod est faciam, aut a me fiet.

Est etiam commodum, superlatiuo clausulam terminari, ut tua est oratio prudentissima.

Supersedendum est sæpiissime ab ut, quod, ut moneo, dignum vobis faciatis.

Si quando autem oramus apud quempiam, cui suspecta sit nostra eloquentia, eo quidem tempore est supersedendum ab ijs præceptis, quæ de elocutione conscripserimus.

Et si mæsta fuerit, & lugubris oratio, respiciendum est, ne similitudine, aut exemplo ullo utamur, quo in rebus lætis, & secundis oratores uti consueuerunt.

De turpi concinnitate cauenda.

Cap. 4.

PLura sunt, quæ diximus de elocutione, quàm, quæ a me dicenda sunt, vel esse vel dici posse videantur, nisi velimus tempus parum frugaliter occupare.

Quid enim addendum sit ad illud præceptum quod a Cicerone de elocutione, postrema quidem in parte, conscribitur?

Igitur cauendum est etiam a crebro concursu vocalium, ut omnia amænissima ætate efficeret. Offenditur enim ipse sensus auditus.

Vitari etiam libet crebram eiusdem literæ repetitionem, quale est illud Cæcilii poetæ. o tite tute tati tibi tanta tyrannē tulisti.

Et quod frequens dictio ab eadem syllaba institutionem non suscipiat, in qua præcedens finit amor mortalium integer est.

Neque etiam utendum est eo, quod plerique Ciceroni imputant, ibi. O fortunatam natam me consule Romanam.

Superioris etiam regulæ potest esse exemplum, a regibus regni regio. Huius veræ regulæ exemplum esse potest illud Ciceronis. Fortunatorum imperatorum, optimorum rectorum virtus, magnæque fortuna laudatur. In quo crebra eiusdem terminationis repetitio est.

Tmesim vero nullam admittamus in simplicibus dictionibus, aut compositis; Nisi fortasse illam imitando a probatissimo quodam oratore admissam fuisse videamus, ut est illud Virgilij. Septem subiecta trioni, per septemtrio-

ni subiecta, & apud Ouidium, hac *Arethusa* tenus pro
hactenus. Inuenimus etiam, qui vtuntur posteaquam pro
posteaquam, qui etiam dicant satis boni viri officio facit
pro satisfacit. Hæc sunt quæ de elocutione, quæque doce-
rem, ad manum habui, neque intelligo satis, si quicquam
prætermissum est, quod ad eam rem pertineat. Caterum,
si quid inter digitos in morem aquæ effluxerit, quod conti-
neri pugillo & metiri a me non potuerit pro paruitate
ingenij, quomodo enim, non quantum docuerit
eruditus illud vos venari, & occupari, quas
per vepres & sæpe sparso reticulo in-
genij, quo estis arbitrato meo sa-
tis egregie poteritis.

F I N I S.

Impressum V E N E T I I S apud
Franciscum de Lenijs.

M. D. L X I I I I.









